

Salut Jac Reyes
M. A.



NEDEC

Anno Domini
1665

possidet hunc
librum

Thomas Nedeczky
Anno 1665.

Die 6^{ta} Februarij

Hunc Librum dono
accepi. a G. Dno Lazaro
Falzcki Sr. g. b. r. s.
1672

G. Tokowicz

Dnus Tokowicz donavit
mihi hunc Librum 26
May 1673.

AD MODVM REVERENDO
Domino

PETRO BA-
RANYAI ARCHI-
diacono Luchmanensi &
Canonico Ecclesiae Jau-
riensis.

Domino & Fautori obser-

vandissimo.

Christianus Casimirus
Rifius. Diac. Varmien.

LAURENTIUS FERENCZFI

Sac: Cæs: Regiæque Majest: Se-
cretarius Hungaricus Aulicus devo-
tè & obsequenter præsentat

& offert.

1692

C. C. R. R. B. M. O. C. D. V. C. I. A.

X. P.

AD MODUM REVERTENDO

Dominus

PETRO BA-

RANAYI ARCHI-

diacono Luchmanni &

Canonico Ecclesie Jan-

nicensis

*Exemitarum Camaldulensium C. M. C. 1
in Insula Wigrensi. ex Legato
Fris Agatdanyeli.*

~~LAVRINTIUS FERENCZI~~


~~22c: Carl: Reg: in: Duc: M: 1871: 22c:~~

~~creatus Hungaricus Aulicus cewo-~~

~~to & episcopus presbiter~~

~~& other~~

Bien. B. VII, 23



FRANCISCI
MONTMORENCI
E SOCIETATE
IESV
CANTICA

VIENNAE AVSTRIAE

Anno
MDCXXXII.

PATRONA



HUNGARIAE.



SANCTISSIMO
DOMINO NOSTRO

VRBANO VIII.
PONTIFICI MAXIMO.

BEATISSIME PATER.



Nonnulla è sacris litteris
Cantica, quibus me ipsum
in hac religiosa quiete ad
Dei laudes impensius pro-
vocarem, numeris pridem poëticis il-
ligaverã, minùs tamen accuratè quàm
ut illa aliquando sub tanti nominis au-
spicijs evulgare cogitarem: cùm ecce
mihi præter spem ab Vrbe nunciatur
exemplar meum ad manus Sanctita-
tis Tuæ devenisse. Casum protinus in

EPISTOLA.

consilium verti; Et tam singulari benignitate (quando reculis meis aspicendis Majestatem tuam inclinasse dicebaris) opportunè admoneri me sensi ut Tibi VRBANE Pontifex Maxime quidquid hoc libelli foret, ingenua grati animi significatione nuncuparem. Quidni enim obnoxium tibi amorem meum liceat sine reverentia dispendio profiteri.

Ipse metus te noster amat.

à natura quippe factus es totus ut ameris; à Deo singulariter electus in rerum Arbitrum, ut adoreris: sic humanitate tamen temperas potestatem, ut te pariter diligamus, pariter suspiciamus unum virorum, qui ruenti seculo nostro Efficaci lenitate succurreres,
qui

DEDICATORIA.

qui restitutas nunc demum Ecclesie
 corpori nobilissimas partes inspirata
 quaqua versum concordia, amor ipse &
 mundi Mens sapientissimè contineres.
 Jam vasta Germania, jã porrectos Æ-
 thiopum tractus hæresi passim aut schis-
 mate abjuratis mite **VRBANI VIII.**
 ingenium agnoscere, suave Roma-
 næ Ecclesie jugum induere postli-
 minio letamur, in spem felicium
 illorum temporum erecti, quibus uni-
 versi quondam Occidentis Princi-
 pes agente potissimùm **Urbano II.**
 hostem Christiani nominis commu-
 nem communibus copijs Orien-
 te toto profligarunt. Ratum faciat
 (cui proximus es Deus) votum
 hoc meum, quod pedibus Tue San-
 ctitatis aduolutus non timide conci-

EPISTOLA DEDIC.

pio. Duaci Calendis Januarijs,
M. DC. XXIX.

DEVOTVS SANCTITATI TVAE

FRANCISCVS DE MONTMORENCY,
è Soc. Jesu.

Illu.

Illustrissimo ac Reverendissimo
Domino, D.

STEPHANO SENNYEI
DE KIS SENNTE, EPISCOPO
Ecclesie Jauriensis, lociq³ ejusdem supremo
Comiti, Sac: Cas: Regiaq³ Majestatis per Regnum
Hungariae Aulae Cancellario & Consiliario. Nec non
Reverendissimis ac Admodum Reverendis Dominis
Præposito majori, & toti collegio Canonicorum præ-
fata Ecclesie Jauriensis. Dominis patronis
gratiosissimo & colendissi-
mis.

Omnem Fœlicitatem precatur, & devota
obsequia defert.



Vòd hunc Francisci Mont-
morency Libellum inscribo
nominibus Vestris Illustris-
sime ac Reverendissime Præ-
sul: Reverendissimi ac Admodum Re-
verendi Domini, Causæ sunt multæ.

EPISTOLA

Primum veneratio mea Vestri^a, deinde
 Operis hujus dignitas, tum Auctoris, ad ex-
 tremum Vestra. Et quidem ut de me
 fileam ne beneficiorum in me Ve-
 strorum commemoratio minor sit ve-
 ro: opusculum hoc certe tale est, ut vo-
 bis debeatur. Quippe cum partim ver-
 bo Dei scripro, partim sincera graviq;
 in illud Paraphrasi, selectisque Idyllijs
 constet: in quorum sinum deponi secu-
 rius hic Thesaurus potuit, quam in eo-
 rum, quos haberi & esse scio Antisti-
 tes Custodesque Sacrorum? Iam vero
 Auctor ipse, suo quasi jure postulat,
 ut sibi tanquam e vobis, uni, liceat
 apud vos tuto esse. Eo enim acceptior
 nunc esse debet, quod ipse olim Canoni-
 cus Magnusque Leodij Decanus, digni-
 tatis similitudine vobis erat, conjun-
 ctior. Neque vero eum pro extero ha-
 bitum

DEDICATORIA.

bitum iri suspicor, quòd Societatem
I E S V ex Religiosæ Virtutis studio am-
 plexus sit; cùm eò pacto novum potius
 necessitudinis vinculum addiderit, quàm
 solverit vetus. Amatis enim fovetisque
 Societatem **I E S V**: & velut in vobis, sic &
 in alio quocunq; virtutem colitis. Nunc
 autem quàm illustre Virtutis indicium
 illud est, deseruisse eum non modò ea
 quæ possidebat Comitatus duos, Baro-
 nias plures, Toparchias quas enumera-
 re longum esset: sed etiam spem om-
 nem, alia majora, ad quæ Nobilitas,
 eruditio, probitas aditum ei fecerant,
 consequendi. Quippe ille Montmo-
 renciana ortus prosapia, quæ in Fran-
 cia juxta & Belgio, Illustrissimis qui-
 busque par esse possit: quid præter ho-
 norum incrementa, accedentibus præ-
 claris animi dotibus potuit expectare?

EPISTOLA

Certè vel hoc uno quod Majores ejus in Gallia Christianam Religionem à Magno Dionysio traditam susceperint (quemadmodum Epigraphe Gentilij adscripta testatur) adduci meritò poterat, ut ab Catholicis maxima quæque speraret. Et verò Montmorencij in Gallia Principes, primis in Regno dignitatibus ab Christianissimo Rege ornati, hujus spei fructum hodieque percipiunt. Quid quod ejus Frater Ioannes Montmorencius Aurei Velleris Eques, idemque Robecanus Princeps, Morbecanus Marchio, Eterræ Comes &c. magno Belgarum mærore & damno nuper extinctus, maximis ab Catholico Rege, Legationum Titulorumque honoribus fulsit? Denique vestra ipsorum dignitas, qui Orthodoxæ Religionis facem medios inter Machomet-

• D E D I C A T O R I A .

metanos, sectariosque veris Hungaris,
hoc est avitæ sinceræque fidei retinen-
tissimis præfertis; animum mihi fecit ut
quem Libellum dicari sibi voluit Pon-
tifex Maximus, vos ultrò per me ob-
latum minimè negligatis. Ita per vos
in Oriente splendorem suum proferet,
sicut per Urbanum VIII. in Occidente
primam nuper lucem aspexit. Viennæ
Austriæ II. Mensis Aprilis die festo glo-
riossimæ Resurrectionis Salvatoris
IESV. Anno ejusdem M. DC. XXXII.

*Illustrissima ac Reverendissima Celsitu-
dinis Vestra. Nec non Reverendissima-
rum ac Admodum Reverendarum Do-
Vestrarum.*

Servus & Cliens devotus

L A V R E N T I V S F E-
R E N C Z F Y Sac: Cæs: Regiæq;
Majestatis Ferdinandi II. Se-
cretarius Hungaricus Aulicus.
REVE-



RRVERENDO
 IN CHRISTO PATRI
 P. FRANCISCO DE
 MONTMORENCY
 SOCIETATIS JESU

Anagramma.

FRANCISCVS DE MONTMORENCI
 CONSTANS FER DOMINI CRUCEM.

Ode.



ONTMORENCIACAE domus,
 Primos Christiadas qua dedit incolyta
 Felici omine Gallia,
 Flos insignis, amor Castalidū & decus.

Quem flagrans Pietas Patrem

Praclaro inseruit nominis Ordini

JESV, magno animo improbis

Spretis divitys delicys simul,

Calcatis & honoribus:

Hic te corripuens immedicabilis

Morbus, ledere pertinax

Nervos dissoluit corpore languidos.

Mens infracta manet tamen

Adversis patiens; nam bona, gloriam,

Et

Et laudes celebras Dei.

*O qua melliflno gutture cantica,
O qua Idyllia concinis,
Magno grata Deo Calituum amulus?
Sunt haec carmina maximi*

*URBANI nitidis auribus, arbitri
Orbis, digna, sed & Cedro.*

*Dum te languor edax compede detinet,
Et saevus cruciat dolor:*

*Pergas doctiloqua psallere Barbito
Peana, & tua quod monent*

Versis appositè nomina litteris.

CONSTANS FER DOMINI CRUCEM.

Hac calum petitur sydereum via.

ANTONIVS DE MOL,
Regius in Artesia Curia Consi-
liarius.

DE

DE SACRIS CANTICIS,
ET IDYLLIIS R. P. FRANCISCI DE
MONTMORENCY, VRBANO VIII.
Pontifici Maximo dedicatis.

Epigramma.

V Os, quæ tergemina sub maiestate coronæ,
Collibus in septem mellificatis Apes;
Submissis humiles alis, & supplice pennâ,
MONTMORENCYADES suspiciunt Aquilæ.
Et thyma, collectosque sacro de codice flores
Deponunt vestros, ut decet, ante pedes.
Nam quia tempestat est mellea temporis hujus,
Romanis Aquilis quo dominantur Apes,
Dediscunt Aquilæ fulmen, florumque ministræ
Ætherei veniunt mellis ad obsequium.
Este igitur faciles: inscripti nomen IESV
Sunt flores, versæ nomen in hoc Aquilæ.
Si legitis, summoque animam decerpitis ore,
Dulcius hoc etiam nomine mella fluent.

GVALT. PAVLLVS è Soc. IESV
S. Theol. Doct. & Prof.

REGNI HVNGARIAE



INSIGNIA.

S. STEPHANVS



S. STEPHANVS REX HVNGARIE.

APOST: ET PRIMVS
REX HUNGARIE.

PRIVILEGIUM.

E Go infra scriptus Societatis
IESV in Gallo-Belgica Pro-
vincialis juxta Privilegium ei-
dem Societati concessum quo
Bibliopolis omnibus prohibe-
tur, ne libros ab ejusdem Socie-
tatis hominibus compositos abs-
que Superiorum permissione im-
primant: Facultatem do Gerar-
do Pattenio Typographo Dua-
censi ut *Cantica Sacra, & Idyllia*
P. FRANCISCI DE MONTMO-
RENCY è Societate IESV ad sex
annos proximos imprimere &
liberè distrahere possit. Datum
Tornaci II. Martij 1629.

FRANCISCUS DE LA CROIX

A CAN-



(a) Merito
 Origenes
 canticum
 hoc omniū
 quæ unquā
 scripta sunt
 Poëma cum
 primum ap-
 pellat, ali-
 quot enim
 sæculis Li-
 num, Or-
 pheum, Ho-
 merum an-
 tecessit Mo-
 ses. Flavius
 Iosephus
 cap. vii. lib.
 2. Antiq.
 carmen hoc
 Moſis verſu
 hexamero
 compoſitum
 fuiſſe con-
 tendit.

(a) CANTICVM

Moſis & Mariæ.

Exod. 15. cap.

C Antemus Domino, glorioſè enim ma-
 gnificatus eſt: equum & aſcenſorem
 dejecit in mare.

*Fortitudo mea, & laus mea Dominus:
 & factus eſt mihi in ſalutem.*

*Iſte Deus meus, & glorificabo eum,
 Deus patris mei, & exaltabo eum.*

*Dominus quaſi vir pugnator: Omni po-
 tens nomen ejus.*

*Currus Pharaonis, & exercitum ejus
 projecit in mare.*



ARGUMENTVM.

TRADUCTO PER MARE RVBRVM

siccis vestigijs Israële, & demerso Pharaone Rege cum universo exercitu; Moses cum viris, Maria seorsum cum mulieribus Hebrais, hoc Epimicium Deo Victori, Vindici, cecinerunt.



NANIMI cantemus Jô Jô voce Triumphæ:
Ad veteres accessit enim nova laurea palmas:
(profundo.

Præcípites Deus egit equos, equitesque
Absit ut hoc quisquam mortalibus arroget
armis;

Numinis est solius opus. Mihi venit ab illo
Opportuna salus. Alios gens impia posthac
Ne mihi finge Deos. Meus est Deus iste, meisque
Cultus avis. Illi solemnia sacra diesque
Instituam festos parti monimenta Triumphæ,
Et meritis pendam memorem pro talibus hymnum.

Unanimi cantemus jô, jô voce Triumphæ.
Seu Deus Vltor amas, amplo seu nomine dici
Omnipotens; quem te pugnis ardentibus inferis?
Fulmineum qualis quantusque assurgis in ensem?
Seriùs Ægyptus didicit quid robore posses,
Dum movet arma tuo non responsura lacerto.

Unanimi cantemus jô, jô voce Triumphæ.
Qualis arundo leves nervo volat acta per auras,
Talis Erythræum facilè est excussus in æquor
Indocilis Pharào, pariterque exercitus omnis
Et Pelusiacæ pelago periere quadrigæ.

Electi Principes ejus submersi sunt in mari Rubro; abyssi operuerunt eos, descenderunt in profundum quasi lapis.

Dextera tua Domine magnificata est in fortitudine; dextera tua Domine percussit inimicum, & in multitudine gloria tua deposuisti adversarios tuos.

Misisti iram tuam que devoravit eos sicut stipulam; & in spiritu furoris tui congregatae sunt aquae.

Stetit unda fluens: congregatae sunt abyssi in medio mari.

Dixit inimicus: persequar & comprehendam, implebitur anima mea.

Evaginabo gladium meum: interficiet eos manus mea.

Flavit spiritus tuus, & operuit eos mare: submersi sunt quasi plumbum in aquis vehementibus.

(a) Vox Hebraea *Elim* plurale est nominis *El* quo Deus significatur.

Quis similis tui in (a) fortibus Domine? quis similis tui? magnificus in sanctitate, terribilis atque laudabilis, & faciens mirabilia.

Extendisti manum tuam, & devoravit eos terra; Dux fuisti in misericordia tua populo quem redemisti.

Scuta virum fluitare salo, juga fracta, rotasque
 Aspiceret: de tot modo millibus unus & alter
 Vix super apparent nantes in gurgite vasto.
 Hos quoque vincit hiems: fessi referuntur ad imum
 Ut lapis: it summas Ægyptia gaza per undas.

Unanimi cantemus jo, jo voce Triumphæ.
 Fortibus ô quantum sese tua dextera factis
 Extulit! in populos quam dura exempla rebelles
 Constituit, iustoque remisit lora furori!
 Ocyor arentes non corripit ignis aristas,
 Quam tua momento disperdidit ira superbos.

Unanimi cantemus jo, jo voce Triumphæ.
 Iussa suos aperire sinus tibi paruit unda,
 Et medium vidit Pharao discedere pontum.
 Insequar invisos, quâ me via ducit, Apellas,
 Asequar, excindam, spolijs ornabor opimis.
 Sic ait, oblato consternatosque periclo
 Exhortatus equos, penetralia gurgitis alti
 Limite pervadit latè patefacta sequestro.
 At simul insonuit tua vox; subsidere cœpit
 Quæ prius in montis faciem surrexerat unda,
 Hausit & ingenti Pharaonis castra ruina.

Unanimi cantemus jo, jo voce Triumphæ.
 Ergo jaces Pharao sub aquis, ceu plumbea pessum
 It pelago moles, imisque recumbit arenis?
 Ergo jacet tecum non emeritura profundo,
 Quæ modò certabat Superis Mareotica pubes?

Unanimi cantemus jo, jo voce Triumphæ.
 Quis similis, Deus alme, tui? quis ferre secundum
 Æqualemve tibi se Dis ex omnibus ausit?
 Te tuus Israël operum memor usque tuorum
 Compellet facilemque Pijs, rigidumque prophanis:
 Dicat ut Hebræum servaris commodus agmen;
 Durior ut Rubris hostes tumularis arenis.

Unanimi cantemus jo, jo voce Triumphæ.
 Alituum regina suas ut tollit in alas

Et portasti eum in fortitudine ad habitaculum sanctum tuum.

(b) Sic dicta antiquis Ierusalem.

NB Roma Fidehs

Ascenderunt populi & irati sunt: dolores obtinuerunt habitatores Philistim.

Tunc conturbati sunt principes Edom, robustos Moab obtinuit tremor, diriguerunt omnes habitatores Chanaan.

Irruat super eos formido & pavor in magnitudine brachij tui.

Fiant immobiles quasi lapis donec pertranseat populus tuus, donec pertranseat populus iste quem redemisti.

Introduces eos & plantabis eos in monte hereditatis tue, firmissimo habitaculo tuo, quod operatus es Domine.

Sanctuarium tuum quod firmaverunt manus tue: Dominus regnabit in aeternum & ultra.

Ingressus est enim eques Pharao cum curribus & equitibus ejus in mare; & reduxit super eos Dominus aquas maris.

Filij autem Israel ambulaverunt per siccum in medio ejus.

Dulce onus, & teneros mater vehit anxia foetus:
 Sic geminis Abrahæ sobolem gestabis in ulnis,
 Saxa (b) Jebusææ donec superaverit arcis.
 Hæc domus, hæc patria est, hæc fatis debita tellus.

Unanimi cantemus jo, jo voce Triumphæ.
 At quis agit populos furor improvisus in arma?
 Quas acies sese campis diffundere cerno?
 Prima Palæstini sustollunt signa coloni,
 Agmina palmiferæ quos ponè sequuntur Idumes,
 Hinc Arabum manus, inde ruit Phœnissia juventus,
 Idem omnes simul ardor habet fælicibus arvis,
 Quæ Chananæus arat, Judæ prohibere nepotes.

Unanimi cantemus jo, jo voce Triumphæ.
 Exere terrificam cælo, Deus, exere dextram.
 Hostibus incussâ stet hebes formidine sanguis:
 Pigraque sopito lapidescant brachia sensu.
 Dirigeant torpore manus; admittaque totis
 Articulis ipsos ignavia serpat in enses.
 Dum tuus interea medios impune per hostes
 Carpit iter populus, montesque evadit in altos,
 Das ubi mansuras in sæcula figere sedes.

Unanimi cantemus jo, jo voce Triumphæ.
 Non ita Carmelus firmis radicibus hæret,
 Non Libanus: solido stabunt ut mœnia saxo
 Israëlignæ quæ te, Deus, auspice condent.
 Hic reddi tibi vota voles: hic thure litari:
 Optabisque locum templo; quod regia Judæ
 Posteritas olim Pario de marmore ponet.

Unanimi cantemus jo, jo voce Triumphæ.
 Regnet Jô regnet Deus Israël! & Orbi
 Imperet æternos (vel si potis amplius) annos.
 Nam Pharios involuit equos, equitesque profundo,
 Per freta traducens siccis non pervia plantis.

Unanimi cantemus jo, jo voce Triumphæ.



(a) Obser-
vat hic Di-
vus Chry-
sostomus A-
mantium
iras & iur-
gia, non mi-
nus quam
blandicias;
materiam
Canticis
idoneam
suppedita-
re.

(a) CANTICVM

Novissimum Mosis.

Deuteronom. cap. 32.

Audite celi quae loquor: audiat Terra
verba oris mei.

*Concresecat ut pluvia doctrina mea, fluat
ut ros eloquium meum.*

*Quasi imber super herbam, & quasi
stillae super gramina, quia Nomen Domi-
ni invocabo.*

*Dei perfecta sunt opera: & omnes viae
ejus judicium.*

*Deus fidelis, & absque ulla iniquitate,
justus & rectus: peccaverunt ei, & non fi-
lii ejus in sordibus.*

*Generatio prava atque perversa: hac-
cine reddis Domino popule stulte & insi-
piens?*

*Nunquid non ipse est Pater tuus qui pos-
sedit te, & fecit, & creavit te?*



A R G V M E N T V M.

*MORTI IAM PROXIMVS MOSES,
gravissimam hanc ad filios Israël (ut eos ad Idola
desistentes, in vero Dei cultu contineret) concio-
nem habuit.*

I Vssus ad hanc facio dum vrba novissima plebem;
Esto sol mihi testis, & ô labentia cælo
Sydera: Tuque cavis seu vallibus humida fidis,
Aflurgis seu Terra jugis, has accipe voces.
Utile ros segeti, pratis sitientibus imber,
Ifacidum generi mea carmina: discet ab illis
Quisque Deum celebrare. Dei sunt omnia munus,
Omnia sunt illius opus. Fuit ipse repertor
Tot rerum quot mundus habet, quas omnibus omnes
Absolvit numeris, purumque exegit ad unguem.
Ut velit, inveniet nihil hic, quod carpere livor
Possit, ad artificis respondent singula normam.
Ecquis enim te summe Parens est iustior alter?
Nescia nempe tibi mens fallere, nescia falli,
Et tamen iste (tuus sed qui jam desijt esse
Filius) Israël tua fallere numina vœcors
Sperat, honesta suis obtendens nomina culpis.
Ah scelerate puer! quid avorum stemmata jactas?
Non tibi Sara parens, generis non auctor Abramus.
Apsis in Æthiopum te surda creavit arenis,
Expuit infausto bicolor te vipera partu,
Talia qui reddis pro dulci præmia vita.
Nec quem despicias, nec quem, malesane, lacestas
Respicias. Hic Pater est: illi cunabula debes,
Hujus & usuram frueris qua, perfide, lucis.

*Memento dierum antiquorum : cogita
generationes singulas.*

*Interroga patrem tuum & annuntiabit
tibi , majores tuos & dicent tibi.*

*Quando dividebat Altissimus genes :
quando separabat filios Adam.*

*Constituit terminos populorum juxta nu-
merum filiorum Israël.*

*Pars autem Domini populus ejus : Ia-
cob funiculus hereditatis ejus.*

*Invenit eum in terra deserta , in loco
horroris & vaste solitudinis.*

*Circumduxit eum , & docuit , & custo-
divit ut pupillam oculi.*

*Quasi Aquila provocans ad volandum
pulos suos , & super eos volitans ,*

*Expandit alas suas & assumpsit eum ,
atque portavit in humeris suis.*

Si vacat à prima nascentis origine mundi
 Ad tua veraces evolvere tempora fastos,
 Nec piget Annales majorum audire tuorum:
 Inde fati disces quàm te mortalibus unum
 Præ reliquis, miro Deus est dignatus amore.
 Te, Puer, in quas spes, in quæ te regna vocavit,
 Cùm Pater omnipotens (stolidi monumenta laboris)
 Cerneret educi Babylonis ad æthera turrim,
 Et cæleste feros regnum affectare Gigantes:
 Protinus ex illo mortales tempore sparsit
 In varias ne cœpta novent temeraria, terras.
 Communemque priùs liquidi velut aëris æquor
 Justus humum certo discrevit limite mensor.
 Obtigit hic Meroë, vicinia Persidos illis,
 Pars ijt Ægyptum, pars in loca sola recessit
 Armenia, gelidos alij tenuere Triones.
 E numero populorum omni bisseña Jacobi
 Pignora lecta sui voluit Deus esse peculi.
 Hinc fore pollicitus Chananitidos arva beatæ,
 Quæ ditione premat mansuram in sæcula gentem.
 O quibus officijs genus hoc delenijs! ô qua
 Afferuit vindex per mille pericula cura!
 Dum per arenosæ saltus erraret Idumes
 Exul, inops, nisi ferret opem Pater omnium egeno.
 Nulla sui genitrix indulgentissima nati
 Custodit geminos oculorum cautiùs orbes.
 Quid loquar, annonam quòd ab æthere miserit illi?
 Quid, medio quòd sæpe die recrearit ab æstu
 Nube tegens? quòd nocte facem præluxerit atra
 Quà sit iter monstrans per inhospita saxa vaganti?
 Regia sic pullos trepidantes erudit ales,
 Cùm primùm è dulci producit in aëra nido;
 Sic docet insolitis alarum insistere remis
 Antevolans, sic in vacuo notat æthere callem.
 Interdum fessis subiens; tergoque receptos
 Præpetibus sublimè vehens ad sydera pennis.

*Dominus solus dux ejus fuit : & non
erat cum eo Deus alienus.*

*Constituit eum super excelsam terram :
ut comederet fructus agrorum.*

Ut sugeret mel de petra :

Oleumq; de saxo durissimo.

*Butirum de armento, & lac de ovibus :
eum adipe agnorum & arietum filiorum
Basan.*

*Et hircos cum medulla tritici : & san-
guinem uva biberet meracissimum.*

*Incrassatus est dilectus, & recalcitra-
vit : incrassatus, impinguatus, dilatatus :*

N3 *Dereliquit Deum factorem suum, &
recessit à Deo salutari suo.*

*Provocaverunt eum in Dijs alienis : & in
abominationibus ad iracundiã concitaverunt.*

Haud secus Ifacidem spatiantibus extulit alis
 Dux Deus ipse viæ (nec enim fuit alter ab illo)
 Promissaque stitit tandem Chananitidos ora.

Te manet, Israël, fatis hæc debita tellus
 Omnigenis foecunda bonis, atque ubere glebæ.
 Hæc loca lacte, meroque natant, certantque vicissim
 Utra magis tibi grata ferant, magis inclyta dona.
 Saniris en rupes nullo munuscula cultu
 Dat tibi mella suis passim currentia faxis.
 En lapidosus apex Hermonis pinguibus unde
 Affluit, expressum baccis tibi fundit olivum.
 Aspice palmiferi quot oves Jordanis ad amnem
 Quotque suis tondent cythisim cum matribus agni
 Aspice luctantes adversis cornibus hædos,
 Aspice dumosa pendentes rupe capellas
 Quotquot alit Basanæus ager; Quam multa recensere
 (Si potes) in lætis errant armenta Segoræ
 Vallibus: Hæc tua sunt, Veteri migrante colono.
 Utque nihil desit; malos ubi severat antè
 Cultor Amorrhæus riguis Hesebonis in hortis;
 Hinc modò poma leges: cessansque fruere labore
 Alterius. Tibi foelices Jerichuntis ad urbem
 Pingua corticibus sudant opobalsama virgæ.
 Denique quicquid habet farris tibi donat opimi
 Eleale. Sua vina tibi mera servat, apricis
 Ducit in Engaddi quæ collibus uva colorem.
 Quæ quibus æquiparem? tam larga (sed auguror) harum
 Heu! dabit ad culpam causas tibi copia rerum.
 Qualis equus saturum stans ad præsepe, nitescit,
 Cui luxu distenta cutis, parere magistro
 Abnuît, insanoque recalcitrat impete sternax.
 Tu quoque fortunæ successibus ebrie blandis;
 Nossè Deum, tot nossè Dei benefacta negabis,
 Acceptam soli decuit cui ferre salutem:
 Non alijs antiqua Dijs quos nescijt ætas,
 Nuper enim fabri calidis excusa caminis

N3 Immolaverunt demonijs, & non Deo:
Dys quos ignorabant.

Novi recentefq; venerunt: quos non
coluerunt patres eorum.

Genibus Deum qui te genuit dereliquisti, & ob-
litus es Dei creatoris tui.

Nos. Vidit Dominus & ad iracundiam con-
citatus est: quia provocaverunt eum filij,
& filia.

ultima frugis. Et ait. Abscondam faciem meam ab
frugibus, & considerabo novissima eorum.

Generatio enim perversa est: & infideles
filij.

Ipsi me provocaverunt, in eo qui non
est Deus: & in vanitatibus suis irritave-
runt.

Turca. Et ego provocabo eos in eo qui non est
populus: & in gente stulta irritabo eos.

Inferna Ignis succensus est a furore meo: & ar-
debit usque ad inferni novissima-

Devorabitq; terram cum germine suo:
& montium fundamenta comburet.

Congregabo super eos mala: & sagittas
meas complebo in eis.

Consumentur fame, & devorabunt eos
aves morsu amarissimo.

Prodiit in lucem Divorum hæc turba novorum,
 Tempia quibus demens & pulvinaria pones;
 Atque peregrino fundes libamina ritu.
 O dignos fortite Deos! dum despicias illum,
 Unus ab æterno qui temperat arbiter Orbem.
 Siccine legitimis à sacris transfuga, Numen
 Immortale voles istis postponere monstris?

Quis tibi summe Deum cernenti talia sensus?
 Quisque dolor? quam terribiles, quam Numine dignas
 Concipies iras? Equidem mihi venit in artus
 Horror, ut his hausi tua dicta minacia nuper
 Auribus. Hac à plebe meos avertere vultus
 Stat mihi (dicebas) stat gentem jugibus istam
 Exercere odijs. Quia me prior odit, & ægrè
 Ut faciat mihi, rivalet sub nostra vocare
 Sustinet ora, Deos simulachra carentia sensu.
 Pro quibus admissis hanc non clementius uram,
 Sunt viles populi, sunt & sine nomine Gentes
 Quas mihi (submoto procul Israël) sacrabo.
 Tabeat invidia; nec sit mihi cura mederi.
 Sed meus hic nondum stabit furor, altiùs imis
 Ira sedet fibris ò quos paritura tumultus!
 Non aliter cæcis ò quos paritura tumultus!
 Æstuat inclusus, dumque eluctatur in auras,
 Disijcit avulsum montis latus: ima revelans
 Fundamenta soli, donec potiatur aperto
 Æthere, & effusis latè voret omnia flammis.
 Bella mihi jam bella placent; jam lethifer arcus
 Me juvat; hostili jam tingere tela cruore;
 Jam gravidam calamis libet exhaustire pharetram.
 Nec satis unus erit pœnæ modus. Omne malorum
 Confluat examen, nostros ut adobruat hostes,
 Ad mea convenient excitæ classica pestes
 Mille, mihi magnas legi quas ultor in iras.
 Et macies, & dira fames, & turpis egestas,
 Et labor, ultricesque catenato agmine curæ.

Dentes bestiarum immittam in eos, cum
furore trahentium atq; serpentium super
terram.

Foris vastabit eos gladius & intus pavor:
juvenem ac virginem simul, lactentem cum
homine sene.

Orate

Et dixi. ubinam sunt? cessare faciam
ex hominibus memoriam eorum.

(a) Nihil
hic Stoicū
aut Mathe-
maticum.
Voce fati
vtimur pro
A Eterno
Dei decreto
quod singu-
la suo ordi-
ne loco &
tempore
firmiter red-
dit. Vt. fa-
tum (à fan-
do) sit dictū
divinum.

(a) Sed propter iram inimicorum distu-
li: ne forte superbirent hostes eorum.

Et dicerent manus nostra excelsa, &
non Dominus fecit hac omnia.

Gens absq; consilio & sine prudentia; uti-
nam saperent & intelligerent ac novissi-
ma providerent.

Quomodo persequatur unus mille: &
duo, fugent decem millia. (Poloni) R3

Nonne ideo quia Deus seus vendidit eos;
& Dominus conclusit illos?

Non enim est Deus noster ut Dij eorum:
& inimici nostri sunt iudices.

De vinea Sodomorum vinea eorum: &
de suburbanis Gomorrhæ.

Terrorumque novæ facies, formæque volucrum
 Horribiles visu, variarum & monstra ferarum.
 Vos ô vos catulis si pabula quæritis ursæ,
 Vos avidæ tygres, junctique leonibus apri
 Huc rictus, huc fulmineos convertite dentes,
 Devoramque neci rostris invadite gentem.
 Vos huc cærulei virus spirate dracones,
 Sacrilegosque mihi rabido consumite morfu,
 Quos cita subducet vestris fuga dentibus; illos
 Excipiat faciam temulentus sanguine mucro.
 Nec jugulo senis, aut pueri, timidæve puellæ
 Abstineat. Sic sic pereant discrimine nullo.
 Quò redijt numerosa binominis illa Jacobi
 Progenies quæ littoreas æquabat arenas?
 Digna quidem tota est excindi digna prophanum
 Cujus ego memori deradam nomen ab ævo,
 Et faciam. (a) Sed stat sua linquere tempora fatis:
 Ascribat ne fortè suis hoc Barbarus armis;
 Quod tribui mihi debet opus, ne victa lacerto
 Prædicet esse suo Judææ robora pubis.
 Usque adeone tibi est obtusum Barbare pectus,
 Ut nequeas hoc esse meum dignoscere munus,
 Mille quod Isacidas dare terga coegeris uni?
 His ego (si nescis) animos, his robur ademî;
 Et tibi belligeras misi in præcordia vires
 Auctor ego audendi. Ne me, ne, quæso, tuorum
 Esse putes aliquem vana de gente Deorum
 Quos impune tibi contemnere fas sit inermes.
 Hostis erit quicumque mihi, non ibit inultus.
 Sentiet hæc vindex scelerum quid dextera possit
 Sentiet Israël ô quàm mutatus ab illo!
 Qui (fidei donec servans fuit) esse solebat
 Noster amor, pro quo potui tot sumere curas!
 Instar enim vitis colui: Marcotidos atræ
 Eduxi scrobibus: Sabamæ melioribus arvis
 Deposui, mitem si fortè rependeret uvam;

CANTICA

Vva eorum vva fellis, & botri amarissimi.

Fel draconum vinum eorum : & venenum aspidum insanabile.

Nonne hac condita sunt apud me ? & signata in thesauris meis ?

Mea est ultio, & ego retribuam in tempore ; ut labatur pes eorum.

Iuxta est dies perditionis : & adesse festinant tempora.

Iudicabit Dominus populum suum : & in servis suis miserebitur.

Videbit quod infirmata sit manus : & clausi quoque defecerunt, residuique consumpti sunt.

Machomet.

Et dicet ubi sunt Dei eorum in quibus habebant fiduciam ?

De quorum victimis comedebant adipem & bibebant vinum libaminum.

Surgant & opitulentur vobis : & in necessitate vos protegant.

At modò degenerans, succo disparque priori;
 Induit ingenium Sodomæi palmitis; unde
 Vina fluunt (non quæ pateris libentur & auro,
 Cum facit in nivea castus mihi veste Sacerdos)
 Felle magis sed amara, sed atro mixta veneno,
 Qualia privignis dant pocula sæpe novercæ.
 Hæc cur dissimulo quando peccata morantem
 Extorquent mihi vindictam? cunctantia quando
 Fata suis urget gens hæc temeraria culpis?
 Ecce dies feralis adest, en tempus in ipsis
 Stat foribus, cogor quo sera reposcere tandem
 Supplicia, & meritas ingrato à sanguine pœnas.
 Ergone suprema potero damnare ruina
 Isacidum sobolem? Domus etgo peribit Abrami?
 Sed meruit Nullusne meis ultricia tela
 Excutiet manibus? Bis sunt mihi fulmina sumpta;
 Bis cecidere. Meis adèò miseratio cœptis
 Pugnat, & ancipitem facit indulgentia mentem.
 Vince tamen Juris rigor, & quos plectere par est;
 Plecte gravi quamvis stabit vindicta dolore
 Hæc mihi: dum fatis Israël tactus acerbis
 Deficiet, stricto succumbit ut hostia ferto.
 Non acies illi validas educere campis
 Profuerit, triplici non oppida cingere fossa:
 Barbarus has acies, hæc subruet oppida victor.
 Et trahet Euphratis captum trans flumina vulgus
 Hebraidesque nurus, subdet puerosque catastæ.
 Forsitan, Israël, hoc in discrimine speres
 Ut tibi (tot Divos inter quibus exta cremabas,
 Vinaque libabas pingues epulatus ad aras)
 Auxilium rebus saltem ferat unus in arctis.
 Te (si qua est illis virtus) tueantur amica
 Nunc ope. Sed neque se, sua nec servare miselli
 Fana Dijs possunt, ea quin cinesacta fatiscant,
 Et quisquam supplex illorum numen adoret
 Præterea? vel ijs sacros indicat honores?

Videte quod ego sim solus: & non sit
alius Deus prater me.

Ego occidam, & ego vivere faciam:
percutiam & ego sanabo, & non est qui
de manu mea possit eruere.

Levabo ad calum manum meam & di-
cam: Vivo ego in aeternum.

Si acvero ut fulgur gladium meum:
& arripuerit iudicium manus mea.

Reddam ultionem hostibus meis: & his
qui oderunt me retribuam.

Inebriabo sagittas meas sanguine: &
gladius meus devorabit carnes.

(a) De i.
propter.
quia crude-
liter habiti
sunt Hebraei
à Barbaris.

(a) De cruore occisorum & de capti-
vitate nudati inimicorum capitis.

Laudate gentes populum ejus: quia san-
guinem servorum suorum ulciscetur.

Et vindictam retribuet in hostes eorum:
& propitius erit terra populi sui.



Solus ego (haud alium patiar me præter haberi)
 Solus ego Deus Omnipotens. Quodcunque libebit
 Momento faciam. Tollam mortalibus, idem
 Inspirabo animam. Manus hæc in utrumque parata
 Vulnus, opemque feret. Ego te (si Verbere doctus
 Consilia in melius referes) Hebræe jacentem
 Rursus humo attollam, rursusque in sceptrâ reponam,
 Excindamque tuos verâ vice funditis hostes.
 Per me, perque meum juro immutabile Numen
 Tales ipse mihi dabis olim Barbare pœnas,
 Quales antè dedit tibi stirps invisa Jacobi.
 Jam mihi jam bibulas videor satiare sagittas
 Cæde, meumque tuis hebetare cruoribus ense.
 Aliùs haud unquam totus fuit ille receptus
 Barbariæ jugulo. Stagnabunt sanguine largo
 Nec capient amplæ demessa cadavera valles.
 Tanti vester erit sanguis repetendus ab hoste
 Isacidæ. Vobis oblata injuria tanti
 (Dum coma more fuit servorum rasa) luetur.
 Audiat hæc, Deus ipse suo quæ detonat ore,
 Audiat Hebræi quicumque est nominis osor;
 Admonitusque sua cogatur clade fateri
 Esse Deum Isacidum, memorem fandi atque nefandi,
 Sumere qui (læsus vitij) & ponere sumptas
 Noverit (humanis precibus placabilis) iras.





CANTICVM

Deboræ Prophetidis.

Jud. 5. cap.

Qui sponte obtulistis de Israël animas
vestras ad periculum benedicite Do-
mino.

*Audite Reges, auribus percipite Prin-
cipes ego sum, ego sum qua Domino canam ;
(a) psallam Domino Deo Israël.*

(a) Carmen
hoc Debora
ad citharā
decantavit.
Carminis
character
est planè
Lyricus.
(b) Seir, &
Pharan, mō-
tes sunt A-
rabiæ Pe-
træ.

*Domine cum exires de (b) Seir, & tran-
sires per regiones Edom, terra mota est : ca-
liq̄, ac nubes distillaverunt.*

*Montes fluxerunt à facie Domini : &
Sinai à facie Domini Dei Israël.*

*In diebus sangar filij Anath, in diebus
Iabel quieverunt semite, & qui ingredie-
bantur per eas ambulaverunt per calles
devios.*



A R G V M E N T V M.

*INTEREMPTO MANU FOEMI
 nae Chananeorum duce Sisara, profligatisq; ejus co-
 pias: Debora Prophetis Deo Victorie Auctori hanc
 Odam Eucharisticam admodulatur.*

VOs quibus certo capitis periclo
 Isaci sanguis stetit ista laurus;
 Numini mecum bona gratulantes

Dicite verba.

Dux ego vobis ego dux præibo,

Barbita vates ego grandiore

Quâ Deo fas est meritum referre

Ordiam hymnum.

Principes, Regesque favete linguis

Maximus dum mi Deus Optimusque

Dicitur, qui res jubet Israëli

Ire secundas.

Sæir, intonsus Paranique vertex

Testis est quâ vi, quibus ultor armis

Huc avos olim Deus è Canopi

Transtulit arvis.

Non Idumæi potuere montes

Illius præsens tolerare Numen,

Sed fatiscentes tremuere ab imis

Funditus antris.

Ut Dei sensit propiora terris

Ora, sudoris simul imbre fluxit,

Et fuit tanto sibi visus impar

Sina calori.

Cessaverunt fortes in Israël & quieverunt donec surgeret Debora, surgeret mater in Israël.

Nova bella elegit Dominus, & portas hostium ipse subvertit: clypeus & hasta si apparuerint, in quadraginta millibus Israël.

Cor meum diligit Principes Israël; qui propria voluntate obtulistis vos discrimini benedicite Domino.

Qui ascenditis super nitentes asinos, & sedetis in iudicio, & ambulatis in via loquimini.

Ubi collisi sunt currus, & hostium suffocatus est exercitus, ibi narrentur iustitiæ Domini: & clementia in fortes Israël: tunc descendit populus Domini ad portas & obtinuit principatum.

Reſtor Hebrææ Deus alme plebis
Ceſſerit noſtris modò quòd Jabinus
Copijs, hoc eſſe tui fatemur

Muneris omne.

Non enim Sangar potuit cavere
Ne vias hoſtis Syrus obſideret,
Et jugum ſegnes Abrahæ doceret

Ferre nepotes.

Prò pudor ! gentis malè feriatæ
In quaterdenis nequit inveniri
Millibus vir qui clypeum capeſſat

Ullus & haſtam.

Deboram donec Deus advocaret
Imperij rebus propè corruentis,
Fœminæ partes dedit Iſraëlis

Probra piandi.

Hos Deus luſit ſine more ludos,
Et novo exemplo nova bella geſſit:
Quò triumphales ſibi vendicaret

Solus honores.

Debitas ergo Domino reſerte
Principes Judæ (mea cura) grates:
Aleam quotquot ſubiſtiſtis hujus

Sponte duelli.

Tuque qui mula veheris nitenti
Scriba, pauliſper fora rauca linque;
Nuntios lætos age conſilenti

Dicito turbæ.

Civitas omnis ſciat Iſraëlis
Judici ſummo placuiſſe cauſam,
Hoſtibus pœnas ſciat irrogatas

Eſſe protervis.

Verſa narrentur Chananæa retro
Caſtra, & obtriti ſubita ruina
Siſaræ currus, tumidoque meſſum

Agmen in amne.

*Surge Debora, surge, surge, & loquere
canticum, surge Barac, prehende captivos
tuos fili Abinoem.*

*Salvata sunt reliquia populi : Dominus
in fortibus dimicavit.*

*Ex Ephraim delevit eos in Amalec, &
post eum ex Benjamin in populos tuos ô A-
malec; de Machir Principes descenderunt,
& de Zabulon, qui exercitum ducerent ad
bellandum.*

*Duces Issachar fuere cum Debora, &
Barac vestigia sunt secuti, qui quasi in pra-
ceps, ac barathrum se discrimini dedit. di-
vifo contra se Ruben magnanimorum re-
perta est contentio.*

*Quare habitas inter duos terminos ut
audias sibilos gregum? divifo contra se Ru-
ben magnanimorum reperta est contentio.*

*Galaad trans Iordanem quiescebat, &
Dan vacabat navibus, Afer habitabat in
littore maris, & in portibus morabatur.*

*Zabulon verò & Nephtali obtulerunt
animas suas morti, in regione Merome.*

Dic & Hebrææ patuisse publi
 Urbium portas, ubi jura quondam,
 Dixit infœlix folio Jabinus

Pulsus avito.

Euge qui bello meruere laudem,
 Sume venturis memorare sæclis
 Si quid æternæ canis approbandum

Debora famæ.

Inter Heroas mihi jure princeps
 Huc ades Regum domitor Barace!
 Te catenatus gradiatur ante

Hostis ovantem,

Nec meis indictus erit Camænis
 Benjamin pulchræ soboles Rachelis,
 Prælijs audax, Amalechiorum

Nuperus horror.

Debet acceptam quoque plebs salutem
 Ferre præstanti jaculis Ephræmo.
 Hujus insignis manet & Machirum

Gratia facti.

Posteros non Issacharis tacebo,
 Qui per hostiles cuneos Baracum
 Prodigum vitæ comites fuerunt

Usque secuti.

Si rogas cur his Rubenita desit;
 Ille Jordanis pecus annæ lotum
 In Galadinos amat otiosus

Ducere colles.

Institor Danus, cupidusque lucri
 Navibus totus vacat instruendis;
 Nec sua cives opera tuendos

Suscipit Aser.

Non latet, non sic Zabulone cretus
 Cessat: adjungit sibi Nephtalitas,
 Eligunt castris juga saltuosi

Firma Thabori.

CANTICA

Venerunt Reges, & pugnauerunt; pugnaverunt Reges Chanaan in Thanach: juxta aquas Mageddo, & tamen nihil tulere predantes.

De celo dimicatum est contra eos: stella manentes in ordine & cursu suo adversus Sisaram pugnauerunt.

Torrents Cisson traxit cadavera eorum: torrents Cadumin, torrents Cisson. conculca anima mea robustos.

Vigule equorum ceciderunt fugientibus impetu & per praeceptis ruentibus fortissimis hostium.

Maledicite terrae Meroz dicit Angelus Domini, maledicite habitatoribus ejus, quia non venerunt ad auxilium Domini, in adiutorium fortissimorum ejus.

(a) Barbari apud Hebraeos erant omnes, qui lingua sacra non uterentur.

Æmulos contra Chananitis ora
 Suscitat Reges; & in arma mittit
 Qui tegunt latè Megidonis udam
 Milite vallem.

Hinc mares atque hinc animos tubarum
 Clangor admixtus lituis laceffit:
 Dura collatis ineunt utrimque
 Prælia signis.

O Deo dilecte nepos Jacobi!
 In tuas partes nimio favore
 Astra concedunt: tibi fœderatus
 Militat æther.

Sydus è cæli statione lævum
 Sisaram consternat; eo timore
 In pedes sese temerè relictis
 Abijcit armis.

Par stupor cunctos equites, equosque
 Attonat, se præcipites ab altis
 Dant jugis: Cisson rapidis cadentes
 Excipit undis.

Corporum quantos vehit hic acervos
 Auctus hostili fluvius cruore?
 Amne quot prono galeas Cadumin
 Voluit inanes?

Quam juvat passim super insepultos
 Ire Phœnices? Age glorioso
 Debora insultans pede (a) Barbarorum
 Funera calca.

Sed quid infidæ populo Merosæ
 Imprecer? Nomen jubet execrari
 Illius, qui me monitor futuri
 Spiritus afflat.

Ergo nos spectaverit è propinquo
 Illa pugnantes? nec opem Israël
 Miserit? non sic id abibit illi
 Crimen inultum.

Benedicta inter mulieres Iabel uxor Haber Cinei, & benedicatur in tabernaculo suo.

Aquam petenti lac dedit, & in phiala principum obtulit butyrum.

Sinistram manum misit ad clavum, & dexteram ad fabrorum malleos, percussitq; Sisaram quarens in capite vulneri locum; & tempus valide perforans.

Inter pedes ejus ruit & mortuus est: volebatur ante pedes ejus, & iacebat miserabilis.

(a) Sareaf-
mus ele-
gans.

Per fenestram respiciens ululabat mater ejus, & de cœnaculo loquebatur. cur moratur regredi currus ejus, quare tardaverunt pedes quadrigarum illius?

Vna sapientior ceteris uxoribus ejus hæc socru verba respondit.

Forsitan nunc dividit spolia & pulcherrima fœminarum eligitur ei, vestes diversorum colorum Sisara traduntur in prædam, & supellex varia ad ornanda colla congeritur.

Sic pereant omnes inimici tui Domine; & qui diligunt te sicut Sol in ortu suo splendet, ita rutilent.

Sis nurus fœlix precor inter omnes,
Sint tibi tentoria fausta, Jahel!
Sub quibus fidas sibi dum latebras

Sifara quærit:

Poculo lactis datus in soporem
Nominis tanti cadit Imperator,
Non viri dextra, neque militaris

Cuspide teli.

Malleo clavum mulier trabalem
(Vulneri fortita locum) sub aurem
Egit, & nisu valido jacentis

Tempora fixit.

Ille victricis moriens puellæ
Ad pedes, fœdè ruit advolutus.

„ Exitus vitæ manet is superbos

„ Morsque pudenda;

(a) I! parens, i nunc vigil è fenestra

Sifaræ observa redeantne currus:

Cur suæ (clamas) piger ille Matris

Vota moratur?

Mitte pro nato pia mater istam

Quam geris curam; valet, & triumphat:

Una, respondit, sapere inter omnes

Visa puellas:

Dividit prædas (ut opinor) illi

Virginum pulcherrimâ mancipatur:

Sifaram parto reducem triumpho

Læta videbis.

Sic malos omnes mala fata perdant;

At Boni porrò magis enitescant

Ac magis; ceu Sol roseo diei

Splendet in ortu;



CANTICVM

Iudith.

Cap. 16.

Incipite Domino in tympanis, cantate Domino in Cymbalis, modulamini illi psalmum novum: exaltate & invocate Nomen ejus.

(a) Solemne fuit antiquis à divinis nominibus varijs, hymnos suos ordiri, ut videtur est apud Orpheum.

(a) Dominus conterens bella, Dominus est nomen illi.

Qui posuit castra sua in medio populi sui: ut eriperet nos de manu omnium inimicorum nostrorum.

Venit Assur ex montibus ab Aquilone in multitudine fortitudinis suae: cujus multitudo obturavit torrentes, & equi eorum cooperuerunt valles.

Dixit se incensurum fines meos, & juvenes meos occisurum gladio, infantes meos dare in praedam, & Virgines in captivitate.

Dominus autem nocuit eum, & tradidit in manus feminae, & confodit eum.

A R G V M E N T V M .

*O B T R V N C A T O I N C A S T R I S A D
Bethuliam Assyriorum duce Holoferne ; Inditta
Herois fortissima cum Bethulidum puellarum cho-
ro Niceteria persolvit.*

Iudith.

ITE, choros festa populares luce puellæ
Ducite, jam niveis jam plangite tympana palmis,
Iam tereti claros tinnitus ære ciete.
Ipsa novis lætum modulis ego dicere carmen
Ordiam, alternis vos respondere decebit.
Alterno Domini celebremus carmine nomen,
Sive potens Belli, Pacis sive Arbitæ audis,
Nomine sive voles alio quocunque vocari:
Tu mihi defensor, tu semper habebere Vindex
Tu mihi pro castris Custos eris omnibus unus.
Innumero placeant alij sibi milite; solus
Meque, meosque tuo fretos munimine cives
In medio tutos belli discrimine præstas.
Testis erit secum nuper qui tota trahebat
Bactra; ducem Ninive populis quem mille creatat;
Cujus inundabant spatiosas agmina valles,
Cui siccata suos sistebant flumina cursus.
Hunc opibus tantis tumidum, & suprema minatum
Bethelæ, jam-jamque faces ad testa ferentem,
Vincula jam Solymis meditantem indigna puellis;
Præpropero sterni te vidimus Auspice letho.
Alterno Domini celebremus carmine nomen.

C

Cho-

(a) Decentius laudatur Iudith à popularibus puellis, quàm ab ore proprio.
 (b) De Thyrsifis Hebr. vi. de Fla. Io. seh lib. 13. cap. 21. corundem Thyrsorum mentio est expressa in fine 15. cap. lib. Iudith ex versione Sept. In terps.

Non enim cecidit potens eorum à juvenibus, nec filij Titan percusserunt eum, nec excelsi Gigantes opposuerunt se illi.

Sed Iudith filia Merari in specie faciei suae dissolvit eum.

Exiit enim se vestimento viduitatis, & induit se vestimento letitiae in exultatione filiorum Israël.

Vinxit faciem suam unguento, & colligavit cincinnos suos mitra, accepit stolam novam ad decipiendum eum.

Sandalia ejus rapuerunt oculos ejus, pulchritudo ejus captivam fecit animam ejus, amputavit pugione cervicem ejus.

Chorus puellarum.

Cui tantum licuit? ferro violare quis ausus
 Mille coronatum palmis caput? anne superba
 Edidit hoc aliquis facinus de stirpe Gigantum?
 Non ulli sese illius de vulnere jaçtent
 Titanes, non ulla manus exercita bello
 Id potuit juvenum, Tanti dux fœmina facti.
 (a) O decus Hebraïdum, soboles formosa Merari,
 Non tu carminibus, Juditha tacere nostris!
 His tibi pro meritis statuemus festa puellæ
 Annua, te crebris te compellabimus hymnis;
 Compita lustrantes lepidis Solymæa choræis.
 Pars quatiet (b) thyrsos olea pars altera crinem
 Vincta levi feriet crepitantia cymbala pulsu.
 Hæc tibi semper erunt: dum palmas gignet Idume,
 Dum Libanus cedros, semper tua facta canemus.
 Fortiter ut patriæ pro libertate periclis
 Obtuleris temet; penetraris ut hostica castra
 Nil pavefacta. Tuæ tanta est fiducia formæ.
 Quæ licet eximia est; cultus tamen auxerat illam.
 Dum posito squallore nitens tibi murice vestis
 Sumpta fuit: dum mitra tuos tenuissima cirros
 Perspicuo jussa est operire, & prodere velo.
 Dum tibi formosos stactes liquor abluit artus.
 Qua non arte decor fuit accersitus, ut esset
 Quo caperes hostem? nec te spes illa fefellit.
 Limine vix primo solea spectabilis aurea
 Constiteras, subitis cum Barbarus ignibus arsit
 Infœlix! & jam morti devotus acerbæ.
 Nam velut ancipiti succumbens victima cultro
 Fœmineo truncum projecit vulnere corpus.
 Alterno Domini celebremus carmine nomen.

Horruerunt Perse constantiam ejus & Medi audaciam ejus.

Tunc ululaverunt castra Assyriorum, quando apparuerunt humiles mei arescentes in siti.

Filij puellarum compunxerunt eos, & sicut pueros fugientes occiderunt eos, perierunt in pralio a facie Domini Dei mei.

Hymnum cantemus Domino, hymnum novum cantemus Deo nostro.

Adonai, Domine magnus es tu, & praeclarus in virtute tua, & quem superare nemo potest.

Tibi seruiat omnis creatura tua: quia dixisti & facta sunt, misisti spiritum tuum, & creata sunt; & non est qui resistat voci tuae.

Montes à fundamentis movebuntur cum aquis, petrae sicut cera liquefcent ante faciem tuam.

Qui autem timent te, magni erunt apud te per omnia.

Iudith.

Dicite, quin potius Solymorum gloria nymphæ
 Dicite, ut attoniti stupuerunt talibus ausis
 Perfaram Medumque duces, timor omnibus unus
 Ut mentem eripuit; latebras ut quisque pudendas
 Quæsiit; ut totum nuper qui terruit Orbem
 Terga dedit miles pueris fodienda tenellis.
 Quis novus investes hic impulit ardor ephebos
 Ferre tot Assyrijs puerili funera dextra?
 Quis potuit rudis hoc, ad bella nec utilis ætas?
 Nempe Deus Deus ipse suos sic ultor in hostes
 Incubuit; fœda sic stravit clade superbos.
 Alterno Domini celebremus carmine nomen.

Chorus puellarum.

Summe Deus! tenui tibi quæ præconia versu,
 Quod damus inferius meritis, ne despice carmen.
 Solus enim tu magna potes præstare, solesque
 Mirandus cunctis, sed non imitabilis ulli.
 Quicquid ubique viget rerum, tibi subit id omne;
 Sequæ tuum fateatur opus: tua iussa capeffat,
 Et dominæ timeat robusta tonitrua vocis,
 Terrificæ vocis. Tellus quâ tota movetur
 Increpitante, suis & fontibus ora relaxat;
 Quâ reboante fluunt cautes, & saxa liquefcunt;
 Cera velut viso leviter, tabescit ab igne.
 Alterno Domini celebremus carmine nomen.

Iudith.

Alme Pater! tibi prima Bonos est cura tueri,
 Altera, supplicij est castigare superbos.

CANTICA

Va genti insurgenti in genus meum, Dominus enim Omnipotens vindicabit in eos, in die iudicii visitabit eos.

Dabit enim ignem & vermes in carnes eorum, ut urantur, & sentiant usq; in sempiternum.



Væ! generi quicunq̃ue pio nocuisse fereris!
 Namq̃ue tibi Dominus vermes, olidumq̃ue paravit
 Sulphur, & æternis indeficientia flammis
 Pabula, sacrilegæ carnes quibus usque crementur,
 Perpetuo Domini celebremus carmine nomen,





CANTICVM

Trium puerorum Hebræorum.

Dan. cap. 3.

Benedicite omnia opera Domini Domino, laudate & superexaltate eum

(a) In simili in sæcula.

genere me-
tri ponit A-
nacreon in-
terdum Tri-
brachim lo-
co Anap-
sti.

Ρόδον ἐά-
ρος μέλη-
μα.

Benedicite Angeli Domini Domino: be-
nedicite cali Domino.

Benedicite aque omnes quæ super calos
sunt Domino: benedicite omnes virtutes Do-
mini Domino.

Benedicite Sol, & Luna Domino.

Benedicite stella cali Domino.

Benedicite imber & ros Domino.

Benedicite omnes spiritus Dei Domino.
Benedicite ignis & aestus Domino: bene-
dicite frigus & aestas Domino.

Benedicite rores & pruina Domino; be-
nedicite gelu & frigus Domino.



A R G V M E N T V M.

I N C O L V M E S A B I N C E N D I O

fornacis Babylonicae servati Ananias, Azarias, & Misael; hoc Deo Liberatori Eulogium uno ore depromunt.

Benedicite universa
Pariter Dei Parentis
(a) Opera, Deo Parenti;
Et in ejus ite laudes.

Benedicite usque, & usque
Genij Deo beati.

Benedicat almus æther
Domino, liquore quisquis
Super ætherem coactus
Operit profunda cæli.

Et ocelle, Sol, diei,
Et ocelle, Luna, noctis;
Decora gemella mundi:
Quibus ordinantur Horæ,
Quibus integrantur Anni,
Benedicite Æviternos

Domino precor per annos.

Benedicite omnia illi
Simul astra; vos & astris
Elementa quæ subestis.

Benedicite imber, & ros
Domino, arduæque nubes.
Benedicat Aura blandis
Modulans Deo susurris.

Benedicite glacies & nives Domino : benedicite noctes, & dies Domino.

Benedicite lux & tenebra Domino : benedicite fulgura & nubes Domino.

Benedicat terra Dominum : laudet & superexaltet eum in secula.

Benedicite montes & colles Domino : benedicite uniuersa germinantia in terra Domino.

Benedicite fontes Domino : benedicite maria & flumina Domino.

Benedicite cete, & omnia qua moventur in aquis Domino : benedicite omnes volucres cali Domino.

Benedicite omnes bestia, & pecora Domino : benedicite filij hominum Domino.

Benedicat Israël Dominum, laudet & superexaltet eum in secula.

Benedicite sacerdotes Domini Domino : benedicite serui Domini Domino.

Benedicat omnis illi
 Ubiq̄ue fervet æstus,
 Ubiq̄ue lucet ignis.

Benedicat omnis illi
 Ubiq̄ue torpet algor;
 Ubiq̄ue nix perennat.

Benedicat alma tellus
 Domino, sinuq̄ue quicquid
 Parit illa fructuoso.

Lapidosa montiumq̄ue,
 Nemorosa colliumq̄ue,
 Domino modis canoris
 Benedicite, obsecundans
 Quibus assonabit Echo.

Benedic Deo, perenni
 Aqua sive fonte manas,
 Trepidante sive rivo
 Fugis obstrepens lapillis,
 Fluis amne sive pigro:
 Sonituq̄ue grandiore
 Benedicat æquor illi.

Quot aquas secare pinnis
 Didicistis ampla cete:

Quot aves secare pennis
 Liquidas amatis auras:

Quot inambulare pictis
 Pecudes soletis arvis:

Domino quot estis omnes
 Benedicite omne in ævum.

Quibus ô quibus sed illum
 Homo prosequeris hymnijs?

Benedicite Israël
 Patrio Deo nepotes.

Bona verba dicat illi

Soboles sacrata Levi

Scelerisque quisquis exors

CANTICA

*Benedicite spiritus & animo iustorum
Domino: benedicite sancti & humiles corde
Domino.*

*Benedicite Anania, Azaria, Misael
Domino, laudate & superexaltate eum in
secula.*

*Quia eruit nos de inferno & salvos fe-
cit de manu mortis, & liberavit nos de me-
dio ardentis flammae, & de medio ignis e-
ruit nos.*

*Confitemini Domino quoniam bonus: quo-
niam in seculum misericordia eius.*



Agit innocenter ævum
 Benedicat ille, mitis
 Animi, Deo sacerdos.

Quid Anania moraris,
 Quid Ananiæ sodales
 Misaelque, Afariaque,
 Domino referre grates?
 Quod ab imminente mortis
 Sumus ungue liberati;
 Quod inefficax obesse
 Nihil ausa flamma nobis,
 Fuit innocens quod ignis;
 Opus ejus est id omne.

Pater ô supreme rerum!
 Tuus omniumque sensu,
 Honor omniumque voce,
 Celebretur vniformi.
 Tua cantico perenni
 Celebretur amplitudo.





CANTICVM

Ionæ Prophetæ.

Cap. 2.

(a) Tam graphicè Prophetæ casus suos descripsit, ut Tabella expressisse videatur. Quamquam nec pugnat eù Hebræorum legibus Ionam sospitem obrulisse Anathema exemplo Davidis appèdenti ante Arcam Dei, arma Goliathi; & Iudittæ, vasa bellica Hofernis, & plurium aliorum ut Azotiorum, lib. i. Regum.

Clamavi de tribulatione mea ad Dominum, & exaudivit me: de ventre inferi clamavi, & exaudivisti vocem meam.

Et projecisti me in profundum in corde maris: & flumen circumdedit me: omnes gurgites tui, & fluctus tui super me transierunt.

Et dixi, Abiectus sum à conspectu oculorum tuorum.

Verumtamen rursus videbo templum sanctum tuum.



A R G V M E N T V M.

S O S P E S E V E N T R E C E T I

Propheta Jonas; Providentia Dei efficaci hoc Anathema ex voto dedicat, consecratq̄.

TE prece concepta supplex in vota vocavi
Alme Pater! quamvis jam mersus funere, quamvis
Jam pallente forem tumulatus piscis in alvo.

Hoc tamen è barathro voces ad sydera misi:

Perrupitque mei cælos audacia voti.

Scilicet adversis in te fiducia rebus

Spesque mihi crevit, nec enim retinentior iræ

Mortales audire negas sua crimina fassos.

Iusta quidem (fateor) Pater est tibi causa rebelle

Cur caput hoc perdas. Merui quodcumque reposcis

Supplicium, patiarque libens. His ibo procellis

Obvius, excipiamque hos toto corpore fluctus,

Has maris ultrices (quò tu me projicis) undas.

Nec satis Oceani me totius alta vorago

Expiet, infusique reis cervibus omnes

Quotquot ab extremis regionibus orbis in æquor

Exonerant pronis sese decursibus amnes.

Et quisquam tot opertus aquis emergere speret?

Speravi tamen, & Duce te Pater alme, futurum

Sum ratus, ut Solymas sistam me rursus ad aras,

Suffigamque redux sacro donaria possi.

(a) Heic anathema tuo ponetur Navis honori

Aurea, quam fluctu suspendent cærula cano.

Stabit & eductis in puppi sortibus urna,

Quæ prædamnatum caput hoc adjudicet undis.

Addam

Circumdederunt me aqua usq³ ad animam: abyssus vallavit me, pelagus operuit caput meum.

Ad extrema montium descendi: terre vectes concluderunt me in aeternum.

Et sublevabis de corruptione vitam meam Domine Deus meus.

Cum angustiaretur in me anima mea, Domini recordatus sum:

Ut veniret ad te oratio mea, ad templum sanctum tuum.

Qui custodiunt vanitates frustra: misericordiam suam derelinquunt.

Ego autem in voce laudis immolabo tibi, quaecunq³ vovi reddam pro salute Domino.



Addam (si tamen ars effingere norit in auro)
 Quos adij casus. Transis ut in æquor ab altis
 Sum præceps datus; in summis ut pendulus hæsi
 Vorticibus, donec jam deficiente lacerto
 Me decimus depressit ad imas fluctus arenas.
 Parte alia abruptæ prætexent littora rupes,
 Et velut opposito prohibebunt vecte, potiri
 Margine terrarum. Sed enim se tollet ab alto
 Imperijs, Deus, acta tuis regina profundi
 Bellua, deprensam quæ me absorbebit hiatus
 Oris, inexpletamque vorax demittet in alvum.
 Quas non inde preces, quæ non suspiria, quæ non
 Vota miser fudi? Damnasti tu quoque votis.
 Namque Palestinæ pistrix adnavit arenæ,
 Et sicut in patrio post tres me littore Soles,
 Post toridem salso ductas sub gurgite noctes.

Hæc ego pro foribus Solymæi singula templi
 Venturis ponam spectanda nepotibus. Olim
 Forsitan occiduis huc se feret hospes ab oris
 Qui relegens oculis mea fata sagacibus; iste
 (Dicet) erat Christi tumulo surgentis imago.

At vos (invisum genus) hinc procul este profani.
 Nil mihi vobiscum est. Superos sit fallere vestrum.
 Vota sub ancipites vestrum sit fundere casus,
 Nec præstare tamen depulsis illa periculis.
 Non ego sic doctus. Stabit sua semper apud me
 Gratia Cælitibus. Semper me ferre juvabit
 Acceptam Domino cantu, fidibusque, salutem:
 Immemorem voti ventura nec arguet ætas.



D

AR.

CANTICVM

Annæ matris Samuëlis.

1. Reg. cap. 2.

Exultavit cor meum in Domino: & ex-
altatum est cornu meum in Deo meo.
Dilatatum est os meum super inimicos
meos: quia letata sum in salutari tuo.

Non est sanctus ut est Dominus, neq^{ue} e-
nim est alius extra te. & non est fortis si-
cut Deus noster.

Nolite multiplicare loqui sublimia glo-
riantes.

Recedant vetera de ore vestro, quia
Deus scientiarum Dominus est: & ipsi præ-
parantur cogitationes.

(a) Ituræa
regio vici-
na Tracho-
piridi,

Arcus fortium superatus est: & infirmi
accincli sunt robore.

A R G V M E N T V M .

*IMPETRATA A DEO VIRILI
prole Anna Samuëlis mater, Hymnum hunc gra-
tulabunda decantat.*

TV decus omne meum! Te mens exultat in uno!
Auspice te (supreme Parens) ego cornua tollo
Celsius, invidia rivalis ut ilia rumpat!
Tu mihi quæ longo fuerat suspensa pudore
In tua jam tandem solvis præconia linguam
Acceptamque doces uni tibi ferre salutem.
(Quod stupeat Natura) jubens ut anilibus annis
E sterili discant utero procedere partus.
Scilicet his à te retrò responsa diebus
Certa tuli: supplex tacito cum vota labello
Conciperemque preces veterem Silonis ad Aram.
Dicta fides sequitur. Quis enim te sanctior alter
Pollicitis qui facta suis cumulatiùs addat?
Sed neque (te præter) qui quod velit, id quoque possit,
Invenies aliquem. Quicquid lubet efficis unus.
Usque sibi placeat per me licet æmula: nuper
Quæ vitio steriles ausa est mihi vertere redas.
Non latuere Deum tumidæ convitria linguæ,
Qui potis & clausos animi deprendere sensus
Arbitrijsque suis hominum componere curas.
Hic jaculo fidat, velocibus ille sagittis
Alter (a) Ituræo temerè spem ponat in arcu:
Credo equidem. Stolidas alat hæc fiducia mentes.
Defecisse manus memini quibus antè sonanti
Ludus erat validè jaculari spicula cornu;
Robur & infirmos rediisse frequenter in artus.

CANTICA

Repleti prius, pro panibus se locaverunt.
Et famelici saturati sunt.

Donec sterilis peperit plurimos: & quae
multos habebat filios, infirmata est.

Dominus mortificat, & vivificat: de-
ducit ad inferos & reducit.

Dominus pauperem facit & ditat: hu-
miliat & subleuat.

Suscitat de pulvere egenum: & de ster-
core elevat pauperem.

Ut sedeat cum principibus: & solium
gloria teneat.

Domini enim sunt cardines terra: & po-
suit super eos orbem.

Pedes sanctorum suorum servabit: &
impy in tenebris conticescent: quia non in
fortitudine sua roborabitur vir.

Vidi ego solantem jejunia pane secundo,
 Cui prius immensæ superârant horrea messes,
 Largaque præbuerant genialem fercula victum.
 Sæpe etiam, qui glande famem quandoque levârat,
 Contigit ut pingui siliquam mutaret arista;
 Et fatur in multam traheret convivia lucem.
 Quid loquar ut conjux prius infœcunda, marito
 Post aliquot lætam sobolem produxerit annos?
 Aut ut florenti sterilefcere cœperit ævo,
 Quæ modò fundarat numerosâ prole penates?
 Et curare Deum dubitet mortalia quisquam?
 O! tantum libeat spes illi credere nostras,
 Protinus ex animi procedent omnia voto!
 Si gravis intentet præsentia funera morbus;
 Non mihi pugnantes ideo languoribus herbas,
 Mixta peregrinis non quæram pocula succis:
 Tu, Pater omnipotens, me limine mortis ab ipso
 Restitues, lucisq̃ue viam remeare docebis.
 Si premat exercens duris me rebus egestas;
 Absit ut arcessâm quod Arabs congesserit aurum.
 Tu mihi prospicies nam te penes omnis opum vis:
 Huic adimis, donas illi, cùm postulat usus
 Excubias alij penetrent & limina Regum:
 Quò Reges ambire parem, si purpura munus
 Est, Deus alme, tuum? si quem placet evehis, imj
 Sordibus è vulgi; folio sublimis ab alto
 Jura det ut populis, dominas sumatq̃ue secures?
 Nempe super gemino qui cardine vertitur Orbis,
 Te Dominum agnoscit. Tibi tellus servit ab ortu
 Solis, ad Hesperium latè porrecta cubile.
 Hic facis efflorere pios, nam cura piorum
 Est tibi præ reliquis: illos ad culmen honorum
 Ducis inoffenso per mille pericula gressu.
 Cum justis tamen esse nihil commune nocentium
 Turba sibi norit: turpi sed inusta pudore
 Ora tegat tenebris, & nocte recondat opaca,

*Dominum formidabunt adversarij ejus:
& super ipsos in caelis tonabit.*

*Dominus judicabit fines terra: & dabit
imperium Regi suo: & sublimabit cornu
Christi sui.*



Quò recidit vis illa ferox? tremit ecce repente
Impius, intonuit vox ut tua fulminis instar
Quod quatit horrendo Libani pineta fragore.
Ultor ades! tecumque tuus qui iudicet orbem
Unigena è pronis descendat filius astris
Missus in imperium mundi, tua, Christus, imago:
Venturo Princeps instauret ut omnia sæclo.





CANTICVM

Ezechiæ Regis Iuda.

Isa. cap. 38.

E Go, dixi, in dimidio dierum meorum
vadam ad portas inferi.

*Quæsiui residuum annorum meorum, di-
xi, Non videbo Dominum in terra viven-
tium.*

*Non aspiciam hominem ultra: & habi-
torem quietis.*

*Generatio mea ablata est, & convoluta
est à me, quasi tabernacula pastorum.*



A R G V M E N T V M.

EZECHIAS REX IYDA, E LE-
thali morbo, ad vitam revocatus: hæc Deo Sospi-
tatori canit Soteria.

Languidus, & lethi properatis obfusus umbris,
Nec medicâ fatis eripiendus ope;
Siccine (dicebam) media meus occidet hora,
Dum pariter meta distat utrâque dies?
Ergo prius quam vita suos hæc compleat annos,
Ibit ad infernas non reditura domos?
O expectatum frustra mihi longius ævum!
Mitte meam posthac sollicitare fidem.
Quando aliter verax subigit me credere vates,
Et mihi vicinam nuntiat esse necem.
Amplius in terris non te Deus alme videbo:
Non tua delicias atria sancta meas.
Non erit ulterius mihi fas, humana tueri
Fecit ad effigiem quæ Deus ora suam.
Hæc equidem dulces sine me cernetis Amici:
Publica sublato quos manet hoste quies.
At libata mihi primoribus otia labris
Subtrahit, & paci Mors inopina subit.
Quis modò nobilium folio succedet avorum,
Spes quibus imperij facta perennis erat?
Unicus heu! rapior; simul & convolvitur omnis
Regia, stans in me deficiensque domus.
Sic sua traducit secum tentoria pastor,
Instabiles abiens conglomeratque lares.

*Præcisa est velut à texente vita mea ;
dum adhuc ordiretur , succidit me.*

De mane usq₃ ad vesperam finies me.

*Sperabam usq₃ ad mane : quasi Leo sic
contrivit omnia ossa mea.*

*De mane usq₃ ad vesperam finies me. si-
cut pullus hirundinis sic clamabo : medita-
bor ut columba.*

*Attenuati sunt oculi mei suspicientes in
excelsum.*

*Domine vim patior , responde pro me.
quid dicam ? aut quid respondebit mihi , cum
ipse fecerit ?*

*Recogitabo tibi omnes annos meos : in a-
maritudine anime mee.*

*Domine si sic vivitur , & in talibus vi-
ta spiritus mei , corripies me & vivificabis
me. ecce in pace amaritudo mea amarif-
sima.*

*Tu autem eruisti animam meam ut non
periret : projecisti post tergum tuum omnia
peccata mea.*

*Quia non infernus confitebitur tibi : neq₃
Mors laudabit te : non expectabunt qui de-
scendunt in lacum veritatem tuam.*

Sic fecat immiti crescentem pollice telam,
 Turbat & impatiens Sydonis orsa nurus.
 Me miserum! primo caput hoc quot manè dolores
 Corripiunt, longo conficiuntque die?
 Vesper adest; nec adest cum vespere meta dolorum,
 Cunctaque dum placidus corpora somnus habet:
 Nocte meos tota febris depascitur artus,
 Imaque ceu Lybicus conterit ossa Leo.
 Mitior expecto si lux mihi postera surgat;
 Postera sed nescit mitior esse dies.
 Iugibus exigitur sic noxque, diesque, querelis;
 Horaque singultu non vacat ulla meo.
 Ne mihi clamosa se pullus hirundinis æquet;
 Ne querulis certet rauca columba modis.
 Vberius, mihi crede, dolet quam dicere fas est.
 Plura fero, quam me posse referre putem.
 Ægra libet tantum mihi tollere lumina cælo.
 Si cælo forsân se ferat ulla Salus
 Eja tuam, Pater alme fidem! cruciatibus impar
 Vim patior, locuples nî mihi sponsor ades.
 Mira fides! dicto citius facis, omnis ab ægro
 Prorsus ut excussus corpore languor eat.
 Corpore languor abit. Memori sed condita mente,
 Ejus erit semper causa dolenda mihi.
 Ah! quibus infœlix mortales culpa periclis
 Obijcit! exitio quam mihi pœne fuit!
 Sed placuit certæ tibi me subducere morti!
 Sat fuit & parca corripuisse manu.
 En qui visus erat nuper lethalis amaror
 Dulcius Hyblæo jam mihi melle sapit.
 Dum Pater, in blandi revocas me luminis oras
 Adijcis & summæ tempora plura meæ.
 Neu mea te rursùm peccata laceffere possint;
 Ponè tuos humeros illa latere jubes.
 Forsitan hæc dicent taciti miracula manes
 Quos Erebi carcer nil miserantis habet?

CANTICA

Vivens, vivens ipse confitebitur tibi, sicut & ego hodie: pater filijs notam facies veritatem tuam.

Domine saluum me fac. & psalmos nostros cantabimus cunctis diebus vite nostrae, in domo Domini.



SACRA.

Aut erit ut laudet tumuli te pallidus hospes?

Cura sit hæc vivis, cura sit ista mihi.

Venturi discent à me tua facta nepotes

Nesciaque obstructam fallere pacta fidem.

O Pater! hanc tantùm serves (tua munera) vitam!


Non alius plectro te meliore canet.

Luce meos omni (si faveris) audiet hymnos

Quæ domus in Solymis est tibi sacra jugis.



ARGV.



Verſo Sep-
tuag. In-
terp. Domi-
ne confi-
deravi opera
tua, & ob-
ſtupui, in
medio duo-
rum anima-
liū cogno-
ſcēris, cūm
appropin-
quaverint
anni, cogno-
ſceris: cūm
aderit tem-
pus, demon-
ſtraberis.

CANTICVM

Habacuc Prophetæ.

Cap. 3.

Domine audiui auditionem tuam, &
timui.

*Domine opus tuum! in medio annorum
vivifica illud.*

*In medio annorum novum facies. cūm
iratus fueris, miſericordie recordaberis.*

*Deus ab Anſtro venies: & ſanctus de
monte Pharan.*

(a) Pharan
mons.

*Operuit cales gloria ejus: & laudis eius
plena eſt terra.*

ARGA

A R G V M E N T V M.

PRÆSAGIENS HABACVC PRO-
pheta salutarem in terras Messia adventum; hanc
illi Panegyrim canit.

Pectoris arcanam sermo mihi nuper ad aurem
 Pertigit (æterni sermo fuit ille Parentis)
 Vt fensî, ut timui, ut me stupor externavit?
 Quæ didici? quàm mira? quod ô fâtor optime rerum
 Attonitis novitatè paras opus edere terris?
 Ergo erit ille dies, quo te de Virgine natum
 Excipiat durum puero præsepe cubile?
 Et duo cælestes cingant animalia cunas?
 O qui servantur tantis natalibus anni,
 Non expectatis properent erumpere fatis!
 Incipiantque atræ niveis decedere luces!
 Hactenus irarum fatis est. Misericordia nostri
 Te capiat generis. Deus exoriaris ab Austro;
 Sed facilis, sed amans, blando sed amabilis ore;
 Quale ferunt præ se pueri quid amabile. pridem
 O desiderijs votisque vocatè piorum
 Huc ades almæ Puer! melioris conditor ævi!
 Aspice venturo domus ut tibi gestit Jêsse,
 Utque tuos Bethle suspirat Ephratea vultus!
 Par nihil his vidistis ævi. Fælicia quamvis
 Sæcula jactetis, quando Deus affuit olim,
 Legifero. (a) Parani super ardua culmina vati.
 Cernere erat nimio nutantem pondere montem
 Cum residens (illo quo cælum Numine complet)
 Incubuit pavidis Domini præsentia terris,
 Et populo coram manifesta in luce refulsit.

Splendor ejus ut lux erit, cornua in manibus ejus.

Ibi abscondita est fortitudo ejus. ante faciem ejus ibit Mors.

Et egredietur Diabolus ante faciem ejus.

Stetit & mensus est terram.

Aspexit & dissolvit gentes: & contriti sunt montes seculi.

Incurvati sunt colles mundi.

Ab itineribus aternitatis ejus.

Pro iniquitate vidi tentoria Æthiopiae: turbabuntur pelles terre Madian.

Nunquid in fluminibus iratus es Domine? aut in fluminibus furor tuus, vel in mari indignatio tua?

Qui ascendis super equos tuos, & quadrige tue salvatio.

*Suscitans suscitabis arcum tuum. jura-
menta Tribulus qua locutus es.*

Aufus ad hanc propius Moses accedere lucem;
 Depasci innocuis sensit sua tempora flammis:
 Dumque manu rutilans caput exploraret utraq̃ue,
 Nata sibi in lævi deprendit cornua fronte.

Hac mihi nunc aliquid de maiestate remitte
 Præstrictos hominum quæ cogit hebescere visus.
 Neu fuge (prætexta radijs cælestibus umbra)
 Dissimulare tuum pueri sub imagine numen.
 Utilius tuâ nempé latet, quam prodit apertè
 Vis Divina; solet cui lethifer esse satelles
 Terror, & antevolans Mors nocticoloribus alis.
 Mitteris in quantos, Puer ô cælestis, honores!
 Nam simul ac firmata virum te fecerit ætas
 Protinus immensum spatij metametaberis orbem.
 Quantus erit, tuus omnis erit. sine strage, sine armis,
 Sola tui populos omnes reverentia vultus
 Imperturbanda compositos pacè tenebit.
 Auster, & extremum Solis vtriusque cubile
 Mille tibi sistent diverso tramite gentes
 Ut famulæ iussu accipiant. Te poplite flexo
 Omnis adorabit Regum depressa potestas
 Quæ prius elato feriebat vertice nubes.
 Namque quis ætèrno tibi se mortalitatis adæquet?
 Quis certare pareat? si quis tamen impia, si quis
 Arma tuis ausit demens opponere signis,
 Sentiet ultricis miracula splendida dextræ
 Qualia sunt aliàs ævo spectata priori.
 Alter erit Gedeon collisis nocte lagenis
 Qui Meroës iterum turbet tentoria fuscæ,
 Dissipet & solo Madianica castra fragore.
 Nunniades iterum mirabitur ire supinum
 In caput, increpitos Domini sermonibus amnes.
 Solis equos iterum tensis tantisper habenis
 Stare; iterum lunam medio consistere cursu.
 Territa prodigijs gens talibus impia discet
 Quam valido Deus armipotens in bella lacerto

Fluvios scindes terra, viderunt te & doluerunt, gurges aquarum transijt.

Dedit abyssus vocem suam; altitudo manus suas lenavit.

Sol, & Luna steterunt in habitaculo suo. in luce sagittarum tuarum ibunt; in splendore fulgurantis hasta tua.

In fremitu conculcabis terram, & in furore obstupefacies gentes.

Egressus es in salutem populi tui. in salutem cum Christo tuo.

Percussisti caput de domo impij. denudasti fundamentum ejus usq; ad collum.

Maledixisti sceptris ejus, capiti bellatorum ejus, venientibus ut turbo ad dispergendum me.

Exultatio eorum sicut ejus qui devorat pauperem in abscondito.

Viam fecisti in mari equis tuis: in luto aquarum multarum.

Andivi & conturbatus est venter meus: à voce contremuerunt labia mea.

Ingredietur putredo in ossibus meis: & subter me scateat.

Vt requiescam in die tribulationis: & ascendam ad populum accinctum nostrum.

Ficus enim non florebit. & non erit germen in vineis.

Mentietur opus olive. & arva non afferent cibum.

Fulminea venias quam formitabilis hasta:
 Sacrilegas quanto labefactes robore turres
 Dum tibi terrarum justam scelus attulit iram.
 Hostibus illa tuis! nobis meliora, Deorum
 Summe! quibus venias bonus ô fœlixque precamur;
 Desque tuum everso Christum succurrere sæclo,
 Qui juga depellat cervicibus improba nostris
 Immortale parans sibi diro ex hoste tropeum,
 Quale Parætonio quondam de Rege tulisti.
 Hunc casum tibi bella tuæque indicere plebi
 Haufit Erithræi refluxo salis æquore vortex:
 Dum levibus per summa rotis investus aquarum
 Trans freta ducebas Hebræos victor ovantes.

O mihi grandiloqui tantum precor affluat oris!
 Tantum ævi! quantum sat erit tua dicere facta
 Nate Deo! fas ô mihi sit comperta referre
 Quæ super hoste tui statues exempla furoris!
 Quamquã animus meminisse fugit, quamquã ora loquentis
 Obscruit, insinuans imis sese ossibus horror.
 Ecquis enim fando, tibi quæ dabit impius æquet
 Supplicia? hoc, oro, dederis Pater, hoc Pater, unum
 Sint mihi, sintque meis popularibus otia tuta,
 Undique vicinis quando turbabitur agris.

Væ! modo qui stipasque penus atque horrea gazis!
 Tempus erit frustrata miser cùm vota dolebis,
 Sive coles ficum, ficus malè grata colenti
 Infortunata vix proferet arbore grossos:
 Seu potior fuerit vitis tibi cura putandæ;
 Ne mihi ne speres decerpere vinitor uvam:
 Nulla tuis istinc veniet vindemia prælis.
 Ah! tibi cui colles olea flavente seruntur
 Ah metuo! ne te lætet spe termes inani,
 Illudat vacuis mendax neu bacca trapætis.
 Quò mihi centenis glebas invertis aratris;
 Si damnata negat cereales area fruges?
 Grandia namque quibus commiseris hordea sulcis

CANTICA

*Abscindetur de ovili pecus: & non erit
armentum in præsepibus.*

*Ego autem in Domino gaudebo. & exul-
tabo in Deo IESU meo.*

*Deus Dominus fortitudo mea: & po-
net pedes meos quasi cervorum.*

*Et super excelsa deducet me victor, in
psalmis canentem.*



Inde leges steriles infelix messor avenas,
 Pastores, quis vos gregibus fraudavit opimis?
 Quippe nec orba lupus, leo nec præsepia fecit:
 Contemptum vobis hæc abstulit omnia numen.
 Me fortunatum! cui sit Servator I E S V S.
 Hac ope nil dubitans montes enitar in altos
 Flammea prævertens celeris vestigia cervæ,
 Illi ego victori testudine gratus eburna
 Carmina votivum reddam genialia munus.





(a) Agnoscit D. Hieronymus in hoc Cantico frequentem esse perfonarum mutationē, ideoque alternis cani putat.

(a) CANTICVM

Triumphantis Ecclesiæ.

Isa. cap. 16.

V Rbs fortitudinis nostra Sion.

Saluator ponetur in ea murus & antimurale.

Aperite portas, & ingredietur gens iusta custodiens veritatem.

Vetus error abiit. servabis pacem, pacem quia in te speravimus.



A R G V M E N T V M.

*INDVCVNTVR AB ISAIA PRO-
pheta, Animæ piorum, & Angeli beati, hoc Tri-
umphale carmen in caelesti Ierusalem alternis con-
cinentes.*

Animæ piorum.

Exilio datus est tandem modus. Ecce Sionis
Agnoscent nos alma suos pomeria cives.
O Patria! ô Divûm Solyme domus inclyta! fecit
Magna quidem de te sparsus præconia rumor:
Inferiora tamen veris, Iam vidimus ipsi
Par usquam nihil esse tibi, nihil esse secundum.
Cui Deus è solido murum se præbeat ære,
Sitque minas contra duplex munimen inanes.
Vos (genus æthereum) puræ sine corpore mentes
Ad Solymæ quibus est custodia credita portas;
Huc resupinatis nos intromittite valvis.
Excipite hanc gentem, cui Mens est conscia Recti,
Quantum concretus patitur mortalibus error,
Qui modò cum membris abiit; purumque reliquit
Æthereum sensum, atque aurai simplicis ignem.
Omnia jam nobis nova sint. Æternaque nullo
Otia contingant posthac turbanda tumultu.
Nec verò leviora manent spem præmia nostram,
Nostra fuit quia fixa Deo spes omnis in uno.

Sperastis in Domino à saeculis aeternis.

(a) Thsur,
i. petra.

In Domino Deo (a) forti in perpetuum.

*Quia in curvabit habitantes in excelsis:
civitatem sublimem humiliabit.*

*Humiliabit usq₃ ad terram, detraheth
eam usq₃ ad pulverem.*

*Conculcabit eam pes, pes pauperis gres-
sus egenorum.*

*Semita iusti recta est, rectus callis iusti
ad ambulandum.*

Angeli.

Vestra fuit quia fixa Deo spes omnis in uno
 Fælices Animæ! referet sua præmia victrix.
 Nimirum solo quæ spes à Numine pender
 Stat firma radice, nec ullo turbine nutat.
 Qualis structa super solidi fundamenta saxi.
 Despicit Arx ventos, cælique obnititur iræ.
 Non illos Arias sternet, non Machina muros,
 Non hominum vis ulla, suam mirabitur hostis
 Hic operam ludi; suffusus & ora pudore,
 Inde pedem referet jussis præcedere vasis.

Animæ piorum.

O miseri! quotquot vel Opum, vel inanis Honorum
 Spes reficit. Spes hæc in ventos omnis abibit.
 Qualis in instabili cumulo fidentis arenæ
 Urbs fundata (sibi quamvis sit condere cælo
 Visa caput) subito casu labefacta fatiscet.
 Non illos Arias sternet, non Machina muros
 Sponte ruent. Illic lapidum cernemus acervos;
 Urbs ubi nuper erat; illudemusque ruinæ
 Vilibus urgentes everfa palatia plantis.

Angeli.

Ne mihi, ne quæso viles has dicite plantas;
 Quæ prius horridulum passu trivere virili
 Justitiæ callem. Quid tum si callis haberi
 Hic solet horridulus, dum per compendia ducat?

Animæ piorum.

Duxit ad optatam nos per compendia metam

In semita iudiciorum tuorum Domine sustinimus te: & nomen tuum, & memoriale tuum in desiderio animæ.

Verso Sept. *Anima mea desideravit te in nocte; sed*
Int, *& spiritu meo in precordys meis de mane*
(a) Quia *vigilabo ad te.*
 lux præcepta tua super terra, justitiam discites habitantes in terra.

(a) Cùm feceris iudicia tua in terra Domine, justitiam discent habitatores terra.

Misereamur impio, & non discet justitiam facere: in terra sanctorum iniqua gessit, & non videbit gloriam Domini.

Domine exaltetur manus tua ut non videant, videant & confundantur zelantes populi & ignis hostes tuos devoret.

Hic (licet horridulus) callis; Non ulla viarum
 Seduxere pedes unquam divortia nostros
 Iustitiæ recto de tramite. Non juga nobis
 Vlla moram fecere, nec ancipites descensus.
 Scilicet ardor inexsaturabilis ille sequendi
 Te quocunque Deus, pariter non molle vocabas;
 Assiduus nostros curis acuebat amores;
 Seu radijs nos alma dies afflaret Eois,
 Alternis seu Nox tenebris involveret atra:
 Vsq̄ue recurfabant animo tua iussa; præbant
 Vsq̄ue tuæ leges fida vestigia luce.
 Certior ut Tyrias non per freta Tharfica puppes
 Dux Cynosura viæ septempace dirigat astro.

Angeli.

Quisquis es alitibus qui præligis ire sinistris
 Molle voluptatis per iter; vernare videtur
 Quod tibi nunc violis, mox experieris acutis
 Sentibus, & passim varijs horrere salebris.
 Quàm velles virtutis iter tenuisse severæ,
 Sisteris rigidum quando reus ante tribunal
 Iudicis æterni? Damnosa fuisse videbis
 Tunc bona, te blandi quibus indulgentia cæli
 Ornarât, scissés illis si cautiùs uti.
 Cultus at officijs nescisti talibus unquam
 Discere justitiam; circumflua copia rerum
 Fecit ut obstrueres asper monitoribus aurem,
 Qui sanis te consilijs ad Honesta vocabant.
 I nunc: sperne Pios; cæli quibus annuit arcem,
 Otiæque, emeritis Deus omne fruenda per ævum.
 Hæc tu, (concilio exclusus cœtuque Piorum)
 Non videas. videas tamen, illa lege licebit;
 Vt miser invidia magis ac magis illa rumpas.
 Dum tibi sacrilegos ignis populabitur artus.
 Qui te, qui cruciet similis tibi Numinis hostes.

Animæ

*Domine dabis pacem nobis. omnia enim
opera nostra operatus es in nobis.*

*Domine Dominus noster ! possederunt
nos Domini absq^{ue} te, tantum in te recor-
demur nominis tui.*

Angeli

(a) Sic in
Cant. Iu-
dith gigan-
tes vocan-
tur filij Ti-
tan.

*Morientes non vivant (a) Gigantes
non resurgunt.*

*Propterea visitasti & contrivisti eos, &
perdidisti omnem memoriam eorum.*

*Indulxisti genti Domine, indulxisti genti.
nunquid glorificatus es ? elongasti omnes ter-
minos terra.*

Animæ piorum.

Numinis eveniant hæc hostibus : ô Bona nobis
 Pax ades , immortale Dei pax aurea munus :
 Omnia solus enim nobis confecta dedisti
 Bella, Deus Ter magne. Tuum est , quod concidit hostis.
 Quòd penes est nos palma ; tuum est. Nihil iste , nec ausus
 Nec potuit , sine te propria virtute , lacertus.
 O Pater : ô auctor nostræ columenque salutis :
 Quamvis diversos tulimus (non sponte , sed armis
 Compulsi) Dominos ; tamen unius usque juvabit
 Nos meminisse tui : nomen tamen usque juvabit
 Ferre tuum celebri super omnia nomina cantu.

Angeli.

Pompa venit solemnis ; Jo venit ordine longo
 Pompa Triumphalis. Manibus post terga revinctis
 Ante Dei currus graditur victoris eburnos
 Ausa Gygantæis olim Titania pubes
 Aurea cælestum rescindere templa lacertis.
 Quàm dispar , quàm mutatus hic cultus , ab illo
 Qui fuit ? Hæc centum stringuntur brachia nodis ,
 Quæ totidem nuper moderari sceptra solebant.
 O lætis servare modum gens nescia rebus !
 Nonne fuit fortuna magis reverenter habenda
 Dum fluere ex animi cernebas omnia voto ?
 Indefinito regnis dum limite regna
 Addebat Deus effusa tibi prodigus arca ?
 Num tamen aut actæ grates , aut reddita thura ?
 Quin potius suscepta tibi sunt impia bella
 In superos. Nunc ergo Deo , pro talibus ausis ,
 Supplicium dabis , & crudeles improba pœnas.
 Neve aliàs unquam rediviva resurgere possis ;

Antiphona

Nominis eventum hac hostiam : & Bonis nobis
 In vobis, in vobis, in vobis, in vobis, in vobis
 Omita fors eam nobis, in vobis, in vobis, in vobis
 Bells, Deus, in vobis, in vobis, in vobis, in vobis
 Quod pones est nos pones, in vobis, in vobis, in vobis
 Nos pones, in vobis, in vobis, in vobis, in vobis
 O pones, in vobis, in vobis, in vobis, in vobis
 Quamvis diversis in vobis, in vobis, in vobis, in vobis
 Compuls, Dominus, in vobis, in vobis, in vobis, in vobis
 Nos meminit, in vobis, in vobis, in vobis, in vobis

Domine in angustia requisierunt te.

*In tribulatione murmuris, doctrina tua
eis.*

Potes, in vobis, in vobis, in vobis, in vobis, in vobis
 Potes, in vobis, in vobis, in vobis, in vobis, in vobis

*Sicut que concipit cum appropinquaret
ad partum dolens clamat in doloribus suis,
sic facti sumus a facie tua Domine.*

*Concepimus & quasi parturivimus, &
peperimus spiritum justitia.*

Salutes non fecimus in terra.

Ideo non ceciderunt habitatores terra.

Molibus immensis urgebere; Tartarus altè
 Quà patet in præceps, fundoque jacebis in imo
 Deradentque tuum factis oblivia nomen.

Animæ piorum.

Pompa venit solemnis; Jo venit ordine longo
 Pompa Triumphalis. Nos, pars quotacumq; Triumphi,
 Ponè Dei currus sequimur victoris eburnos
 Fronde coronati viridantis tempora laurus,
 Conspicuique omnes quæsitis sanguine palmis.
 Quàm dispar, quàm mutatus hic cultus ab illo
 Qui fuit? Has palmæ dextras Jerichuntides ornant,
 Quas prius asperfit sudor, pulvisque duelli.
 Hoc pretium sudoris. Amat sudore parari
 Auratis quæ læta venit victoria pennis.
 Rebus & ipse Pater duris mortalia corda
 Erudit, & segni prohibet torpere veterno;
 Nec facilem vult esse viam virtutis; ad illam
 Non nisi per rerum discrimina summa subitur.
 Utque laborantes utero cruciare puellas
 Mensè solent decimo maturi pondera partus:
 Difficiles nixus sic nos habuere, priusquam
 Te (Pater omnipotens) obstetricante cupitum
 Justitiæ gravido pareremus pectore fœtum.
 Quæ non damna sumus, quæ non dispendia passi?
 Apponenda lucro tamen omnia duximus esse
 Damna; nec auxilijs fuit à mortalibus unquam
 Futilis expectata salus; promittere cessa
 Suppetias vah Terra tuas: venit Æthere ab alto
 Nostra Salus; sed vera Salus, Non illa Tyranni
 Ense cadit (quamvis soleat cecidisse videri)
 Morte repubescit, sed fati major ab ipsa.

*Vivent mortui tui. interfecti mei re-
surgent.*


*Expergiscimini, & laudate qui habitatis
in pulvere quia ros lucis, ros tuus; &
terram gigantum detrahes in pulverem.*

*Vade popule meus in cubicula tua, clau-
de ostia tua super te: Abscondere modi-
cum ad momentum, donec pertranseat in-
dignatio mea.*

*Ecce enim Dominus egredietur de loco
suo ut visitet iniquitatem habitatoris Ter-
ra contra eum. & revelabit terra sangui-
nem suum & non operiet ultra interfectos
suos.*

Angeli.

Morte Salus vobis est parta perennis ab ipsa.
 Nullus enim Morti locus est, ubi vita libenter
 Ponitur ob Veri faciendum pluris amorem.
 Est, cui lucis amor sit Honesto charior: At vos
 Æterna strictos pro laude nistis in enses.
 Visus ut in vestram sit segnus ipse Tyrannus
 Quam vos ire necem. Fessus fuit ille nocendo;
 Pectora dum vobis sunt indefessa ferendo.
 Ingentes animæ! quibus immortalia posthac
 Corpora debentur. Jacet, æternumque jacebit
 Ille Gigantæa qui se modò mole ferebat:
 Nunc apud infernos tantum levis umbra Tyrannus.
 Altera vos at vita manet. Nunc ergo soporem
 Excutate, Heroës, gelidisque emergite bustis.
 Ecce Deus vestros à funere suscitatur artus,
 Ros velut ambigæ sub prima crepuscula lucis
 Evocat in blandum torpentia gramina florem.
 Non lapis obstabit qui degravat ossa sepulchro
 Clausa; remoliri dabit hunc Deus: ærea signum
 Dum tuba surgendi resonis clangoribus edet.
 Interea sacrum cinerem tantisper amico
 Conde sinu, tenerumque illi subterne cubile,
 Terra Parens: donec volet indulgere sopori.
 Tempus erit (nec longa mora est) cum Sole supremum
 Dante diem terris, aderit qui crimina Judex
 Arguat. Horribiles eheu: quis Judicis iras
 Sustineat vocemque Dei? Percussa tremisces
 Ceu tonitru Tellus; gremioque patente piorum
 Depositos olim cineres, bibitumque cruorem
 Innocuum, cælo reddes, vitæque perenni,



CANTICVM

Zachariæ patris Ioannis Ba-
ptistæ.

Luc. 1.

Benedictus Dominus Deus Israël: quia
visitavit, & fecit redemptionem ple-
bis sue.

*Et erexit cornu salutis nobis: in domo
David pueri sui.*

*Sicut locutus est per os sanctorum, qui
à seculo sunt Prophetarum ejus.*

*Salutem ex inimicis nostris: & de ma-
nu omnium qui oderunt nos.*

*Ad faciendam misericordiam cum pa-
tribus nostris & memorari testamenti sui
sancti.*

*Insurandum quod iuravit ad Abraham
patrem nostrum, daturum se nobis.*

*Vt sine timore de manu inimicorum no-
strorum liberati, serviamus illi.*

*In sanctitate & iustitia coram ipso; o-
mnibus diebus nostris.*

A R G V M E N T V M .

NATO FILIO IOANNE ZACHARIAS Sacerdos letitiâ gestiens , & soluto jam lingua vinculo in hoc Genethliacum carmen prorumpit.

V Enit jo venit, Deus Israëlis ! ab omni
 Absolvitque suam miseratus fœnore plebem
 Cui prius innumeris obnoxia manserat annis.
 Sit fœlix, faustusque suis ! tibi sanguis Jësse
 Præcipuè, quò non Superis acceptior alter.
 Quale tibi nunc imperium ? quæ surgere cernes
 Auspice regna Deo ? Tibi plenum Copia cornu
 Desuper invergit. Tibi deserit Æthera, terris
 Permanfura Salus, versis ad prospera fatis
 Quam modò maturus sæclorum suscitât ordo.
 Quam fore concordj cecinerunt carmine vates
 Quotquot ad hoc prisco repetuntur tempus ab ævo.
 O vicibus mutanda Dei sententia nullis !
 Olli stat servare suos. Furtimve, palamve
 Quicquid agat ; nihil hostis aget. Mors unde profecta est,
 Inde Salus nobis Stygio debetur ab angue,
 Væ ! tibi terrarum confidentissime prædo !
 Non ultra spolijs capti lætaberis Orbis.
 En sperata diu patribus promissaque nostris
 Libertas, longo tandem post tempore venit.
 Quodque pio Deus addixit juratus Abramo
 En dedit, illius nobis de sanguine nasci
 Christum assertorem. Quo Vindice pulsa Tyrannis
 Damnatas miserâ solvat formidine Terras.
 Ingenuoque metum posthac mutemus amore
 Numinis, & sanctos illi reddamus honores.

Et tu puer Propheta altissimi vocaberis.

*Præibis enim ante faciem Domini pa-
rare vias ejus.*

*Ad dandam scientiam salutis plebi e-
jus, in remissionem peccatorum eorum.*

*Perviscera misericordiae Dei nostri: in
quibus visitavit nos Oriens ex alto.*

*Illuminare his qui in tenebris, & in um-
bra mortis sedent, ad dirigendos pedes no-
stros in viam pacis.*

Tu quoque parve puer (sed qui puerilia nescis
 Ex utero Matris Domino Sacer) incipe summi
 Alta Patris præcox mysteria pandere vates.
 Vos hederam silvæ laurumque Ennonides illi
 Deperate (novo munuscula debita vati)
 Tu, Jordane, super populares adijce palmas.
 Hospes enim venit iste tibi: quo gloria tollet
 Se tua: felicem quo te jactabis alumno-
 Sit minus ut grandi celebris Carmelus Elia.

Quis tibi se veterum, puer auree, conferat? illi
 Hastenus absens desiderio flagrant:
 Tu digitum, potes in præsens intenderè Numen.
 Tu Domino veniente præis; salebrofa viarum
 Expediens, ut nullus obex remoretur euntem.
 Qualiter ambigæ dirimens confinia noctis
 Aurora exoritur primi sub lumina Solis;
 Infernitque rosis obeundum sedula callem.
 Exere, Nate, tuam quantum potes exere vocem;
 Dic avidæ plebi. Coram, quem queritis, hic est
 Qui peccata suo piet insons vestra cruore.

Tanta Deum generis cœpit miseratio nostri,
 E superis ad nos ut se demiserit oris
 Jam nostri similis, jam majestate remissâ
 Immundos hominum patiens incurrere tactus.
 Sol ita purpureis oriens modò lotus ab undis?
 Innocuo fulgore micat, cupidusque videri
 Temperat oblatos oculis mortalibus ignes.
 Euge decus cæli! mundo lætabile sydus;
 Redde diem meritis scelerum sub nocte, sub umbra
 Errorum populis: ut obortâ luce resectum
 Fas sit iter Recti firmis insistere plantis.



CANTICVM

Simeonis.

Luc. 2. cap.

Nunc dimittis servum tuum Domine,
secundum verbum tuum in pace.

Quia viderunt oculi mei salutare tuum.

*Quod parasti ante faciem omnium po-
pulorum.*

*Lumen ad revelationem Gentium, &
gloriam plebis tue Israël.*





ARGUMENTVM.

*VOTI COMPOS FACTVS SIMEON,
 accepto in ulnas puerulo IESV cygneum hoc Me-
 los ante optatam mortem canit.*


Hujus usuram Deus alme lucis
 (Quod bona fiat venia) resigno;
 Post tot ætatis tibi mancipatos
 Hactenus annos.

Nox meis post hac oculis suprema
 Grata contiget, quibus annuisti
 Pignus æternæ prius intueri

 Possè salutis,
 Sanctus humana quod amor figura
 Vestijt, solers Hominis, Dei que,
 Pace naturas stabili, novo que
 Jungere nexu.

Seilicet cunctis populis ut esset
 Obvius, nec difficilis parari,
 Qui laborantes ope Sospitator
 Servet amica.

Lumen ô quantum venit univèrsis
 Gentibus! pluris tamen æstimanda
 Surgit Israëligenis, tuæ que
 Gloria plebi.





CANTICVM

Beatissimæ MARIAE Virginis.

Luc. cap. 1.

Magnificat anima mea Dominum.
Et exultavit spiritus meus in Deo
salutari meo.

Quia respexit humilitatem ancille sue :

*Ecce enim ex hoc beatam me dicens
omnes generationes.*

Quia fecit mihi magna qui potens est.

Et sanctum nomen ejus.

*Et misericordia ejus à progenie in pro-
genies ; timentibus eum.*





A R G V M E N T V M.

SVPREMAM HANC CANTICORVM
paginam claudat, super omnia Deo acceptissima
Beatissima Virginis MARIÆ Theodoxia,

TE mea magnificis animi mens efferat hymnis
 Magne Pater! magnus nam mihi semper eris.
 Semper eris mea sola Salus, mea sola voluptas,
 Lætitiâque mihi non aliunde petam;

Quàm quòd ab excelsâ cæli respexeris arce
 Hoc tenui natum conditione caput.

Nec quia debueram potiùs tibi serva videri
 Postremæ famulas inter habenda notæ;

Es ratus indignum tibi, Rex supreme, fateri
 Sic oculis humilem me placuisse tuis.

Simplicitas tibi visâ fuit mea digna favore.

Nam scio te multùm simplicitate capi.

Omnibus hoc fœlix perhibebor nomine terris,

Ibit & in laudes quilibet ordo meas-

Utque Dei salvo genitrix sim facta pudore,

Non timida credent postera sæcla fide.

Scilicet indulsit mihi maxima, maximus auctor,

Qui cælo quæ vult cuncta soloque potest.

Hujus ego sanctum, donec mihi vitâ manebit,

Imparibus tollam nomen ad astra modis,

Hujus ego fuerit clementia quanta, docebo:

Quantus in hos ipsum qui reverentur, amor,

Afferuit Vindex omni quos semper ab ævo:

Jussit & in medijs nil trepidare malis.

Sive minas, ferrum sive intentaverat hostis;

Nil valuit ferrum, nil valere minæ:

CANTICA

Fecit potentiam in brachio suo :

Dispersit superbos mente cordis sui.

Deposuit potentes de sede : & exaltavit humiles.

Esurientes implevit bonis : & divites dimisit inanes.

Suscepit Israël puerum suum ; recordatus misericordia sua.

Sicut locutus est ad patres nostros : Abraham , & semini eius in secula.



Obvia disjecit valido Deus arma lacerto,
 Subruit & totas funditus hostis opes:
 Affixitque solo tumidi diadema Tyranni,
 Ejus ut in solium sufficeretur inops.
 Divitis ivit inops sic in bona dignior hæres;
 Sic eguit, dives qui sibi visus erat.
 Fælices! quibus est summi Tutela Tonantis!
 Quos Domini constans protegit usque favor!
 Tu tamen Israël fælicior omnibus audis,
 Muneribus cæli facte beate novis;
 Dum Deus humanos ex te sibi suscitât artus:
 Deerat adhuc titulis gloria tanta tuis.
 Quamvis illa pio promissâ fuisset Abramo
 Sæpius, & totidem quot numeramus, avis.
 (Ut memor est pacti) largo cum sænore, post tot
 Sæcla datam Dominus liberat ecce fidem.

FINIS CANTICORVM
SACRORVM.



Ovis in deserto valde Dominus armis lactans
 Sapiens & totus mundus hostis opes
 Affixione solo mundi dicens Tyranni
 Fides in se solam respiciat inopem
 Dicitur autem inops sic in bonis dignior habetur
 Sic enim dicitur qui sibi vult esse
 Faltice! quibus est summi Tuncle Tormentum
 Quos Dominus constanti protegit amore favori
 Tu tamen Israel falteris omnibus ausis
 Muniturque castro sicut bene novis
 Dum Deus humanos ex te solus iudicat artus
 Dedit adhuc tuis gloria tanta tuis
 Quamvis illa pio promissa iussit Abramo
 Sapiens & totidem quot nuntians avis
 (Et memores estis patris) in quo cum seniore post tot
 Saecula datam Dominus liberat ecce fidem.

FINIS CANTICORUM
 SACRORUM.



FRANCISCI

MONTMORENCII

E SOCIETATE

IESV.

IDYLLIA.

Sequitur
Societas
Societas
Societas

P R A E F A T I O.



ITVLVS libelli huius est
 Idyllia antiqua appellationis.
 Iayllion enim species est Bu-
 colici carminis, quo nullum
 inter omnia genera carmi-
 num aut vetustius, aut venustius. Tan-
 tum siquidem genuinâ gratia ceteris Poë-
 matis antecellit, quantum nativus color fu-
 cis prestat universis. Hujus porrò certior
 origo (missis Græcorum fabulis) mihi vi-
 detur repetenda à primis usq; Patriarcha-
 rum Hebræorum temporibus. Pastoralem
 illi vitam coluerunt, pastorali cantu potius
 quam scripto carmine, aurei sæculi sui fa-
 licitatem, nuptias, funera, celebrarunt. Ni-
 mirum oportet pastorem & pingues pasce-
 re oves, & deductum dicere carmen. Cer-
 tē pastrices puellas legimus in libro Judi-
 cum è Galadinis pascuis in unum conve-
 nire solitas quotannis; ut per dies quatuor
 filiam Ieptā plangerent, & alternis versi-
 bus eius memoriam posteritati commenda-
 rent: Id enim sonat vox Hebræa [than-
 noth]

Severus Sul-
 pitius vocat
 Ieptam.

voth] quæ non tam plangere significat quam
 narrare, referre, alternis commemorare:
 quibus verbis innuit sacra Historia pastrices
 illas puellas in agresti scena Bucolico
 dramate immolationem filiae Ieptæ repræ-
 sentasse: qua lugubri narratione commise-
 rationem & planctum in auditoribus exci-
 tarent; eorumq; mentibus varias inclytæ
 Virginis virtutes in miscellaneum velut
 unguentum artificio Poëtico colliquatas per-
 mixtasq; subodorandas exhiberent. Hunc
 Hebraïdum morem annum plangendi fili-
 am Ieptæ, suspicor Egyptias, Syras, Pha-
 nissas mulieres Hebræis confines, imitatas
 fuisse; & hinc instituisse canere Adonia,
 nobile Bucolici carminis genus. Ab his Poë-
 tris, ad Moysen veniamus, & aliquid ex-
 tra ordinem nec cum vulgo dicamus de ma-
 gno hoc vate: qui dum in solitudine greges
 soceri sui pasceret (ut observat noster Pe-
 rerius) florido carmine Dramatico invi-
 elam Iobi patientiam expressit, & moni-
 mentis litterarum primus consignavit. Ex-
 ceperunt veteres illos Bucolici carminis au-
 ctiores, aliquanto post intervallo David, Sa-
 lomo, Isaias. At quales hi cantores, quo-
 rum Spiritus sanctus movebat ora, mentes
 erudiebat? Quid tenerius Epicidio Davi-
 dico

Vide Ruf-
bium.

dico in funere Jonathæ decantato? quam molles in eo affectus, quam decenter recurrens intercalcaris versus? Quid festivius Genethliaco illo carmine quo sanctos Mundo Emmanuelis ortus prosequitur Isaias Vaticiniorum suorum capite undecimo? Ad quod passim alludit Virgilius tota Ecloga quarta, quam in gratiam nascituri Messie (non Salonini pueri) conscripsit: ut fufius interpretatur Divus Constantinus Cæsar cap. 20. Orat. ad Sanct. Quid deniq; divinius sacro Salomonis Epithalamio cui Titulus Canticum Canticorum? Quanta in eo vis, gratia, indoles Bucolici carminis? Persona sunt Vpiliones; pathemata, dicendi character, miræ simplicitatis & candoris; comparationes nonnisi de rebus rusticis mutuata. Laudant se Amantes de forma consuetudine inter Bucolicos Poëtas recepta: sunt Zelotypia, sunt officia, sunt in his amoribus vicissitudines, sub quibus allegoricè maxima Divine Sapientie arcana solerter adumbrantur, nec tamen usq; adeo latent, quin illa perspicax Lector intentæ mentis acie deprehendere valeat; quo more per cancellos rimari solemus mala aurea in lectulis: j; calathis argenteis aservata. Totus operis ordo planè Poëticus est,

est, qui à medijs narrationem inchoet. Deniq; si audiendi sunt Grammatici qui volunt Poëma Bucolicum unico debere consistere argumento in plures Eclogas (sicut Comicum in Scenas) diviso; quanto superior erit hac in parte noster Salomo, Bione, Theocrito, Marone, & alijs qui sibi hanc legem servandam non putarunt; Omnibus igitur numeris absolutum hoc Salomonis Epithalamium velut exemplar sibi Theocritus imitandum proposuit, in suo (quod Helena scripsit) Epithalamio; in quo non obscura Salomonici hujus vestigia deprehendi, & multa hinc ab eo desumpta & translata fuisse judicavi. Vierg; enim in consimili Nuptiarum argumento Sponse quam celebrat pulchritudinem aequalium Adolescentularum comparatione extollit; quarum certus & definitus numerus apud utrumq; exprimitur. Ac rursus simili modo suam uterq; Sponsam exorienti Aurora, cupresso in horto, equo in curru comparat. Nam Græca septuaginta interpreti versio habet, non ut Latina vulgaris [equitatu] sed [equæ meæ in curribus Pharaonis assimilavi te.] Quam Septuaginta seniorum versionem in Alexandria Bibliothecam relatam, Theocritum legisse ex

eo fit mihi verisimile; quod Callimachus illi Bibliotheca post Demetriū Phaleræum præfuerit, sub id tempus, quo Theocritus, Lycophron, & alij ex famosa illa Poëtarū Pleiade, Regi Ptolemæo Philadelpho familiariter adharebant. Nec dubium est quin illi Poëta è sacris litteris jam in Græcum sermonē conversis, plurima in suos usus derivarint. Disertè id affirmat Tertullianus in Apologetico cap. 47. *Quis Poëtarū (inquit) qui non omnino de Prophetarum fontibus potaverit? Ad illos te fontes (Christiane Lector) deducimus; dū hos omnes Hagiographos Bucolici carminis scriptores tibi, in hoc Idylliorum libello, velut sub unum aspectum exhibemus. Et quamvis in eo numero nonnulli sint qui ad sublimiora & cothurno propiora argumenta assurgere videantur; minimè tamen dubita vi hujusmodi aliquot, Idyllijs meis inferere; Theocriti, & Virgily exemplum secutus; quorum ille, Pöllucis, Herculis Deorum certamina, Hieronis, Ptolemæi regum laudes (ne dissimulatis quidem eorum nominibus) operi suo Bucolico permiscuit; alter, Pastoritij suis lusibus, non veritus est intexere Silenum, Gallum, Pollionem, Eclogas gravioris argumenti, quàm ut merè Bucolica dici possint. Boni consule, candide Lector, & his fruere.*

APES

* * * * *

APES IDYLLION.

A R G V M E N T V M.

HOC IDYLLIO SVB APVVM SAMSONIS
typo, S. D. N. URBANI VIII. Pontificis
Maximi gentilitia APES adumbrantur.

Ex cap. 14. Lib. Iudic.



RCEY ab URBANI me laudibus æmula celo
 Majestas. Sed & has aliqua tamen annue
 Musa verecūdis mihi delibare cicutis. (parte
 Alter erit majore tuba qui regna Pisauri
 URBANI canat auspicijs adjecta recenter
 Imperio veteri, meus hanc pudor impare

Et tentare levi formidat arundine Laurum. (versu,
 Argumenta meæ minùs ambitiosa Thalix
 Donet APIS, sancto quæ nectare largiùs ora
 Imbuit URBANI quam nobilis antè poëtræ
 Cujus Agonales Thebe vetus audiit Odas.
 Tu mihi progenies ades ò certissima cæli
 BARBERIDVM gentilis APIS, paullumq̃ne relicto
 Colle Quirinali, nostras invise myricas,
 Dum cano Bucolicum (sed non ignobile) carmen,
 Carmen ab intonso primùm Samfone repertum,
 Quodq̃ue sub obscuro prudens Ænigmate texit:
 Ne foret Allophilis interpres in omnibus ullus
 Carminis erueret qui sensa latentia: donec
 Uxor id arcanum simulato perfida fletu
 Eliceret, sic Samsoni blandita marito.

Thamnitis.

Si qua foret, Samsø, nostrî tibi cura; latere
 Non fineres arcana tuam, reor ista puellam.
 Quid prodest, inij quod sacra jugalia tecum;
 Si Mens non eadem, non est par sensus utriq̃ue,
 Si quæ scis, ego scire vetor? cur fingis amare?
 Ah nimium sunt facta tuis pugnancia dictis.

Samsø.

Parce queri. Non si materq̃ue, paterq̃ue rogarent,
 Hæc arcana velim matri vel credere patri.
 Utilius nescire tibi est. Sine, quæso, fatiget
 Hoc alios quibus est Ænigma resolvere cordi.

Thamnitis.

Causando gravius nostros accendis amores.
 Septima lux teritur precibus mihi, nec tamen audis
 Crudelis! per ego has lacrymas, per si tibi quicquana
 Dulce meum, precor hæc ne me celaveris ultra,
 Cur retices? num nostra tibi suspecta fides est?
 Num metuis ne fortè meis ea civibus edam?
 Sed prius excindi linguam radicitus istam,
 Quam secreta mihi patiar commissa revelli.
 Tuta times. Si te fallo, me Numina fallant.

Samsø.

Fasne puellarum promissis fidere quemquam?
 Viscus aves; calamus piscem, venatica cervas
 Lina, viros capiunt jurantis verba puellæ.
 Improbitate tui vincor, non pondere voti.

Nec

Nec quia commissum sperem te posse tacere,
 Sed quia cogit Amor, nodum tibi carminis hujus
 Expediam, prima repetens ab origine, mecum
 Hic simul intereâ viridi succede salicto,
 Dum mediæ frangat sese calor iste diei.

Ibam fortè meos visens te nuper amores;
 Jamque propinquabam Thamnæ; ferus ecce repentè
 Se Leo proripuit latebris, rugitibus implens
 Omne suburbanum, meque in certamina poscens.
 Quid facerem? pudor hinc & virtus conscia turpi
 Me dare terga fugæ prohibebat; inermis at illinc
 Quî poteram monstro concurrere, quale nec unquam
 Decolor in vastis aluit Getulia campis?
 Non jaculum, non ensis erat, non spicula: verùm
 Adfuit in tanto præfens discrimine Numen,
 Et dedit adverso securum pectus ut hosti
 Obijcerem; qui supremos arrectus in ungues
 Insilijt, totaque ruens me mole petivit.
 Ipse steti fidente gradu, contraque retendi
 Brachia librati pondus subitura Leonis,
 Atque lacertorum firmis hunc nexibus urgens
 Affixi violenter humo; faucesque prehensâs
 Discerpfi tribus his digitis in frustra; cadaver
 Ocyus abijciens inter Vineta, propinqui
 Incipiunt Thamnæ quâ se subducere colles.
 Ponè sequebantur senio tardante parentes;
 Non tamen hæc illis superata pericula dixi.
 Quanto sit satiùs non te quoque plura docere?

Thammitis.

Immo age Sponse, mihi dulcissime Sponse virorum
 Ordine cuncta refer, nec spes intercipe nostras.

Samso.

Jam solidum nova Luna quater reparaverat orbem,
 Condictamque meis tulerat sponsalibus horam;
 Ingredior cum rursus iter; paulisper ab alto
 Aggere dessectens ad amœna vireta, Leonis
 Funus ubi nuda lacerum tellure jacebat.
 Heic examen Apum video crudelis in ore
 Mellificasse fera; sedem sibi legerat ales
 Nectaris heic opifex, & cerea castra locarat.
 Vis ubi Barbariesque prius regnare solebant.
 Quis dulces exire favos à Rege ferarum
 Credat? ab immitti speret quis inella Leone?
 Auguror & terris nunc aurea sæcla redibunt,
 Atque iterum duræ sindabunt balsama quercus:
 Aerij quando mellis vindemia fluxit
 Faucibus è medijs, rictuque Leonis aperto,
 Unde favum legi: pars cessit utrique parenti,
 Altera missa tibi est; & me pars tertia pavit.

Altrices mihi semper Apes salvete! Labori
 Astra precor saveant sic conspirantia vestro,
 Sic lacrymas Aurora suas dispense, in usus
 Sic pateant vestros liquidi commercia cæli;
 Perpetuam fundat mellē sic dives odorum
 Hortus, & irrigui circum violarja fontes:
 Hoc quod agreste cano vobis, ne spernite carmen,
 Vester ego Vates (Vatem nam me quoque dicunt
 Pastores, quamvis timidè sim credulus illis)
 Semper ad astra feram divini mellis honores;
 Semper APVM pangam lepido præconia versu.
 Ne tamen ignavo sit pervia cuique poëta;
 Dissimulata mihi sub Gripho Musa latebit.

Talia Samsonem meditantem Thammis, & omne
 Vicinum stupuit nemus. Hæc precor aura Favoni
 Deferat URBANO dextram reverenter in aurem.



ANTONIO
DE MONTMORENCY AB-
BATI S. ANDREAE ET FIDEMII
FRATRI SVO
PASTOR-BONVS IDYLLION.

ARGVMENTVM.

PVERVM DAVIDEM GREGI SVO
*præficit Parens Jesse. Sub Davidis autem persona
verus Ecclesiæ Pastor designatur.*

L Anigeri quæ cura gregis, qui cultus habendo

Sit pecori; Davidem Pater erudiebat Jesse

Dum Puerο mandaret oves. Tu sive Fidemi,

Seu regis Andree Germane libentiùs agnos,

O ades, & si quid potes hac cessare sub umbra,

Obediden audire iuvet, cui plaudit Ephratae

Et nemus & tali pulsatus carmine collis.

O Puer alme tuis placeant, sine, fratribus urbes:

Tu mihi pasce gregem, vocat hæc te blanda venustas

Ruris, & irrigui gelidis in vallibus amnes.

Sume pedum, tibi gratatur canis ecce Magistro,

Stant & oves circum, pueri nec pœnitet illas;

Nec te pœniteat pecoris Puer auree; Patris

Pavit & ipsa gregem quondam formosa Rebecca:

Illa gravem gestans humeris candentibus urnam

Ad puteos ducebat oves, plenisque iubebat

Sedula currentem potare canalibus undam.

Incipe care puer placidas mulgere capellas,

Lactea cerne tuis demittunt ubera palmis,
 Incipe care puer: teneri puerilibus agni
 Imperijs gaudentque regi saliantque per herbam
 Læticia implentes latè balatibus agros.
 Dum cythifum læti per pingua pascua carpent,
 Tu densas inter corylos laurève sub alta
 Disparibus magnum calamis imitabere Mosen,
 Qui gracilem primus labris admovit avenam:
 Et tua Legifero certabunt carmina vati,
 Quamvis illè senex, quamvis sis parvulus ipse.

O foelix nimum grex te pastore futurus!
 Si lupus insidijs, Leo vi grassetur aperta;
 Nec puer insidias, nec vim curabis apertam,
 Certus ab articulis prædam extorquere Leoni.
 Sed neque turpe tibi duces languentibus agnis
 Supposuisse humerum, si quos procumbere campo
 Videris oblitos seræ decedere nocti.
 At si tentet oves scabies aut arida febris;
 Principijs vigil occures: damnosa priusquam
 Per reliquum serpent temerè contagia vulgus,
 Dulcibus idcirco fluvijs quandoque lavabis
 Omne pecus, missusque secundo defluet amne
 Dux aries donec ripas evadat in altas.

Indole mactè puer tali! sic gloria surget
 Æqua tuo, sic par merces pretiumque labori.
 Vimineis quam munda tibi quam mollia qualis
 Vellera condentur Tyrios potura rubores?
 Quàm largè fœtura tuum supplebit ovile?
 Omne gemelliparis stabit tibi matribus agmen,
 Qui Libani frondes, Lybiæ numerarit arenas;
 Noverit is Bethles quot ages in montibus agnos.
 Sed nec ager quamvis pateat Bethlemius amplè,
 Teque tuumque gregem capiet. Pomœria profer
 Latius ô Superis puer acceptissime; funes
 Texe tibi longos, ut dum metabere campum
 Sufficiant sepès: nec enim satis ullus atendo

Limes erit pecori, sed succedentibus annis
 Extremum implebis solis utriusque cubile,
 Et quæ manè recens rubicundo surgit Eoò,
 Et quæ fessus aquas subit occubiturus Iberas.
 O quæ frigoribus medijs pandentur ab Arcto
 Pascua; discussis tibi iustâ virere pruinis!
 Auster & ipse novas Cancrî sub sydere valles
 Deteget, immodico non uistas ampliùs æstu;
 Æthiopumque volent scatebris deserta rigari,
 Ut tua suppeditent vivos ad pocula fontes.
 Si mihi non vanus dedit hæc responsa Sacerdos,



G 5

BETH-

BETHLE IDYLLION.

ARGUMENTVM.

FORTE GREX IESSE AD DECLI-
nandum astum incantius se admoverat antro Beth-
leem; cùm David pastor oves submovit longius à
loco sacro, vaticinans olim ibi nasciturum Christum.

Æ Stus erat, medioque die grex languidus umbras
 Quærebat gèhdo Bethleæ rupis in antro:
 Cum David admonuit sic (fati conscius) agnas,
 Parcite oves propius sanctas accedere rupes;
 Relligiosus inest qui vos hinc arceat horror;
 Sicut ab ardenti reverentia Numinis olim
 Submovissè greges Mosis perhibetur Orebo.
 Ter veneranda mihi salve Bethlemia cautes,
 Et specus; invideat meritò cui regia cæli;
 Linquet enim cælum Deus hoc stabuletur ut antro
 Suspendunt humili quod agrestes fornice tophi.
 Usque adeone Deus sese demittit, ut astris
 Præferat in nudâ durum sibi rupe cubile?
 Ite precor celeres, ovium properate Magistri
 Mollia divinis substernere vellera membris:
 Concubiâ vos nocte monent sine corpore mentes
 Æthereæ, vos ipse polus vocat: ocius ite.
 Fælices quos hoc Superi dignantur honore
 Pastores! hominum primi spectabitis ergo
 Primò mortales quos heic Deus induet artus?
 Vos pia figetis cælestibus oscula plantis?
 Vos puero dabitis nullo munuscula cultu

Mitia poma, nuces, spumantia cimbria lactis,
 Quæ puer arridens (quamvis sint rustica) sumet,
 Non thus, non aloë, non illi gratius aurum
 Adveniet; procul Eoë quod ab Orbe (vocati
 Prodigijs) sistunt submissio poplite Reges.
 Stella viam signans hoc reges ducet ad antrum.
 Quæ tibi Virgo parens mulcebunt gaudia pectus
 Purpurei quando ponent diadema tyranni
 Ante tuos Natiqûe pedes? hos excipe vultu
 Diva bono: tollant puerum sine, Mater, in ulnas,
 Quamvis ille tuis pugnabit abesse papillis;
 Trade sacrum pignus. discunt infante magistro
 Fallaces contemnere opes, contemnere luxus.
 Fasne sibi posthac ducant dormire sub ostro,
 Nascenti cum sint Domino præsepia cunæ?
 Excipiatne Deum nudus lapis, aula superbos
 Aurea mortales lævi laqueata cupresso?
 Regibus incipiet paupertas sancta placere
 Numinis exemplo. cælo Deus abstinet, antrum
 Ut colat & vili pendentia pumice testæ:
 Pro foribus longo non excubat ordine miles,
 Nec vigil hæc armis sepit cunabula listor;
 Cur timet Herodes? quid ab hoc infante cavendum?
 Cur necat infontes per Ephratea rura puellor?
 Ah fuge Virgo- parens, pete littora tuta Canopi,
 Eripe te cædi, sanguis meus, eripe Natum:
 Tempus erit Solymo veniet cum victima monti.
 Ite meæ vos hinc audax pecus ite bidentes.





GALADITIDES IDYL- LION.

A R G V M E N T V M.

*MOS INTER ISRAELITAS RECE-
ptus, ut quotannis puella Galaditides filiam Jepta
per dies quatuor plangerent; huic Eclogæ argumen-
tum fecit.*

Iahel.

E Vigila: quid stertis Hylax, dum parva puella
Pascit oves tecum? quid si lupus irruat agnis?
Sed venit ecce Thamar lepidi quid nescio portans.
Unde, aut quò Thamarilla? potesne quiescere paullùm
Hic, ubi se molles substernunt graminis herbæ,
Et teres invitat decedere palma calori?

Thamar.

Nil magis optarim. Quis te mea dulcis Jale.
Intempestivus labor hic tenet, otia quando
Quatuor hæ suadent festæ tibi ducere luces?

Iahel.

Otia sunt alijs; nunquam mihi. Namque noverca
Imperat injustum (festa quoque luce) laborem,
Has ut agam (quod non illi bene verterit) agnas.

Tha-

Thamar.

Infelix! hanc quæ pompam non videris, ô quos
 Jeptiadi ludos chorus instauravimus omnis
 Nympharum? quæ vota piæ perfolvimus umbræ?
 O quale alternis cecinerunt carmen Elisa,
 Et Marie nostris famosa poëtria sylvis?

Iahel.

Tu memora, pompæ leviolem feceris hujus
 Jacturam, mihi si referes, quæ videris ipsa.

Thamar.

Hoc ago, si meminisse queam. Latissima Masphæ
 Est in conspectu vallis, quam scena coronat
 Desuper ilicibus densis, multaque cupressô,
 Huc simul ad tumulum Jeptæ Heroidis omnis
 Turba puellarum quovis concurrimus anno.
 Pars calathis violas, & candida lilia plenis
 Expediunt, cumulantque rosis halantibus urnam;
 Pars pedibus plaudunt choreas; pars carmina dicunt;
 Et pastoralement dant in proscenia Musam.
 Sunt quoque victrici sua præmia, textus hibiscô
 Reticuli sinus, attrita dependulus ansa,
 Garrula cancellis ubi clausa teneur Acanthis.
 Sorte prior certamen init, meditataque paullum
 Cœpit Elisa suos liquido sic gutture cantus.
 Ecce Galadinis velox tulit Hora puellis
 Annua plangoris simulamina Virginis alma
 Ad tumulum. Vos ô Nymphæ plorate sodales
 Jeptiadem, Nymphæ mecum vos jungite planctus;
 Jeptias instituit fieri sibi talia; carmen

Exequiale sibi cecinit moritura per altos
 Jeptias Hermonis lucos, vallesque profundas,
 Plangorisque sui voluit meminisse minores.
 Heu Virgo miseranda! tuæ quod vota parentis
 Quod recidunt? Heu infœlix, te cœlibe, Mater!
 Infœlix Mater magis, an miseranda puella?
 Et miseranda puella, infœlix tu quoque Mater,
 Unica nubilibus cui filia deperit annis,
 Spes generis tanti. Tua nunc erit orba senectus.
 Heu! apium quoties, aut brassica vilis in horto
 Intereunt, alium toties nascuntur in annum;
 Et succisa redit; seseque refeminat arbor:
 Tu decus Hebraïdum Virgo, cui nulla tulerunt
 Sæcla parem; primo cœlebs extingueris ævo,
 Et pariter tecum Jeptæ domus interit omnis.
 O dolor æternus! sæclis ô flenda futuris,
 Nec tamen Hebræis satis unquam fleta puella!
 Quantas ista bibent lacrymas tua busta quotannis?
 Quanta puellarum nemus hoc lamenta videbit?
 Non reor ad tumulum formosæ plura Rachelis
 Temporibus Bethle spectavit Ephratea priscis.
 Hæc libasse tuo nos qualiacumque sepulchro
 Nunc sat erit; redeunte iterum lugeberis anno.
 Finierat. Favor excepit motusque coronæ.

Iahel.

Et me nescio qua dulcedine carmen Elisæ
 Mulsit; apum veluti lenes æstate susurri,
 Aut salices inter crepitantis sibilus Auræ.
 Dic modò quæ contrâ Mariæ responderit illi
 Non equidem facilis (me iudice) palma futura est.

Thamar.

Cespitè de viridi surgens, philicæque revincta

Hæc Mariæ tactis subjunxit carmina nervis.

Parcite lamentis sanctos offendere Manes:

Mascula namque colli virtus Heroidos odit

Talibus officijs, & degeneri ululatu.

Devotam patriæ pro libertate puellam

Cur gemitis? Quid tum si cælebs egit? & ampla

Indelibatos commendat gratia flores.

„ Casta placent Superis. Hac virginitate severa

Filia demeruit Jæptæ sibi numen amicum,

Isâcidisque tibi, Virgo, debere fatemur

Quod lupus à nostris Ammonius abstinet agnis,

Quod nec Idumæos metuant armenta leones,

Assyriasve feras. hæc tu facis otia nobis.

Ergo redux formosa tuo Pax munere terris

Fundit opes pleno per rura virentia cornu.

Lacte fluunt fontes, Arnon tibi nectare currit.

Galgala melle natant, stillat Carmelus olivo;

Sanis ipse tuos vertex nemorosus honores

Sentit, & ediscunt ipsæ tua nomina cedri,

Ipsa sonant arbusta. Mihi salvete beati

Jæptiadæ Manes! & candida virginis umbra

O ades, & tua visæ favens pede festa secundo!

Hæc tibi de platano suspendimus ecce corollas

Cujus id in lævi legitur breve cortice carmen,

Hospes; Jæptiadi plantam Generare dicatam.

Unguentis illam, liquidoque rigamus amomo

Multa tui memores. coluit quam Debbora palmam

Laudabunt alij: platanus tua, maxima semper

Dicetur nobis, & erit quoque maxima semper.

Hæc memini. Sed tempus oves te cogere septis;

Aspice jam solvit fessis juga bobus arator.

Et satis hæc referet tibi sæpe disertior Ægle,

SALOMO IDYLLION.

ARGUMENTVM.

*HOC IDYLLIO LAVDATVR, ET
prophanis aliorum Eclogis præfertur, sacrum Sa-
lomonis Bucolicum poema cui titulus Canticum
Canticorum: quo (sub pastoralibus scenis) immor-
tali Deo mortalem nostram naturam, atq; adeo
Ecclesiam sibi despondenti, Epithalamium cecinit.*

Quod nemo, aut quæ vos habuerunt pascua Musæ
Bucolicæ, molli Salomo dum lentus in umbrâ
Pastoris caneret Sponsalia fausta Theandri?
Namque nec Alphæi ripæ, nec Mænala vobis
Injecere moram, nec opaci sylva Lycæi,
Tonsæve tercentum Cææ dumeta iuvenis.
Fama refert, Helice vos Arcadiaque relictâ
Corripuisse gradum lucos Gabaonis ad altos:
Pulcher ubi Salomo calamos non passus inertes
Sylvestrem tenui pangebatur arundine cantum.
Ante pedes illi vitulæ, taurique jacebant,
Lanigeroque lupus pecori permixtus, & ursæ
Cum catulis docilem pariter præbentibus aurem.
Venit & Uplio, robustus venit arator,
Venit Idumæi lignator & accola saltus;
Omnes, ad Solymi numeros saliere Poætæ.
Aspiceres ipsas sua prodere gaudia pinus,
Summaque coniferas motare cacumina cedros,
Dum canit afflatus divino numine vates
Connubium, cælo terras quod fœdere jungit.

Sed superinducto tegit hæc mysteria velo
 Ardua; sub scenis & pastoralibus abdit
 Quæ plebi vulgare nefas arcana prophanæ.
 Arcades usque sibi placeant, cantare periti
 Arcades; at tantum cedunt Salomonis avenæ
 Gracculus arguto quantum si certet olori,
 Multa Sionæum commendat gratia cygnum
 Seu trepidantis aquæ rivus, seu mollia cantat
 Prata, vel halantes depingit floribus hortos;
 In medijs ubi Sponsa rosas sibi nacta cubile
 Oscula sollicitat teneri (sed casta) Theandri;
 Quæ licet & placitis indulget amoribus. At quos
 Principio dulces habet, experietur amarus
 In viduis ab amante thoris deserta Theandro.
 Quos non est animo, non corpore passa dolores
 Erronem per cuncta suum dum rura requirit?
 Ah virgo infœlix te saxa per invia durus
 Raptat amor, donec fessos sopor obruat artus
 Sed benè, sopitæ quod Amans superadvenit; altam
 Virginis & miserans prohibet turbare quietem.
 Vos ô per capreas Solymitides (oro) puellæ,
 Mos quibus est humero pharetram gestare comans,
 Sectarique levis vestigia flammea cervæ;
 Ne clamore feras in retia vestra prematis;
 Neve quiescentem somno fraudetis amicam
 Dormiat, & donec volet ipsa sopore fruatur.
 Sic etiam sopita mihi placet. Unicus iste
 Lactea neglectim qui pendet in ubera cirrus;
 Cor mihi surripuit. Et quid non, cætera possint?
 Me sibi sexdecies optarunt sæpe puellæ;
 Sola tamen Sulamitis habet. Sic astra lateræ
 Cuncta jubet, simulac oriens Aurora refulsit;
 Cedaris in saltu sic palma, cupressus in horto
 Eminet; in Pharijs equa sic Phœnissa quadrigis.
 O varias in amore vices! amat ecce vicissim
 Ecce Theander amat. Nunc expergiscere Virgo,

Te, tuus ille vocat. Pariter rus ibitis vnà;
 Et nova visetis Sabamæ vineta supinæ:
 Num gemmas ibi palmes agat rescire iuvabit;
 Punica num passim se floribus induat arbor.
 Hinc ad aromaticos Libani transibitis hortos,
 Tondeat areolas ut olentis Sponsus amomi,
 Assyriumque metat calamum, casiamque, crocumque;
 Addet Orontæ lacrymas super omnia mirrhæ,
 Undique conquirens dignum Sulamitide munus.
 Pulchra quidem sunt hæc à pulchro dona Theandro,
 His tamen est quando donis pretiosior ipse?
 Candidior totus nivibus, folioque ligustri,
 Hunc nisi candorem confini diluat ostro,
 Mala coloratis rubicundior utraq; pomis,
 Pinxit in aprico quæ sol pendentia ramo.
 Ut nitet intonsis illi caput omne capillis:
 Qualis olivarum flavescit frondibus Hermon?
 Ut gingiva pares servat candore nivali,
 Et retegat pulchro digestos ordine dentes,
 Perspicuus solvat si labra decencia risus?
 Hac fluit eloquium vel melle suavius ipso.
 Quid digitos, tornoque manus radente politas,
 Quid memorem Parias referentia crura columnas?
 Est alius qui colla magis miratur eburna;
 Prædicat hic oculos: ego cerea brachia laudo,
 Et mihi par cedris, aut lætior esse videtur
 Hic habitus teres, hæc species procera Theandri;
 Vertice sic toto medijs in millibus extat.
 Denique quicquid agat rerum, quicquid loquatur,
 Illecebris scatet omnis, & omnem spirat amorem.
 Hunc sortita virum fortunatissima Virgo,
 Ne qua cave tibi vis, ne quis dolus auferat unquam.
 Hic erit ambabus gestandus semper in ulnis,
 Fascis ut apprimatur fragrantis ad ubera mirrhæ:
 Hic tibi servandus Cypriâ vigilantius uvâ

Qualis in Engaddi mitescit vertice collis.
 Omnia Davidides Salomo quæ jactat Jûdæ
 Montibus, agresti dignatus ludere versu.
 Moxque repercussæ valles & concava, coelo
 Demulso cantus supera ad convexa remittunt.

IDYLION


ARGUMENTVM

DEDICATIO STOMACHICÆ RITHMUS



F **H** **2** **NV.**

Qui dicitur in...
 Cuius...
 Conveniens...
 Læta manus...
 Altera...
 Hoc...
 Ad...
 Cuius...
 Jactans...
 Quam...
 Quæ...
 Elincæ...
 Quam...
 Quæ...



N V P T I A E R V T H
I D Y L L I O N .

A R G V M E N T V M .

*DEDVCITVR SPONSA RVTH MO-
abitur ad domum Bosi mariti futuri, à decem Vir-
ginibus Ephrataeis, Sponsam more prisco comitan-
tibus. Non dissimilem parabolam habes Matth.
25. cap. Ubi decem virgines noctu cum lampadi-
bus exierunt obviam Sponso & Sponse, & aper-
tâ jannâ quæ paratæ erant introierunt ad nuptias.*

EXtuleraſt cælo jucundos Hesperus ignes,
Qui deſponſa ſuo connubia perficit ortu:
Cum ſimul innuptæ, Bethleſ è flore, puella
Covenere decem redimitæ tempora ſertis:
Læva manus viridi ſpargebat compita fronde,
Altera ſublato quatiēbat pollice tedas.
Hoc ibat, comitum genialis pompa, paratu
Ad nitidas Boſi dum Sponſam duceret ædes,
Caſta verēcundos abdentem in flammea vultus.
Interea læto reſonabant omnia cantu,
Quem chorus argutâ tollebat ad æthera voce.

Quæ Bona Sors huc ex Arabum te paupere campo
Elimelæ peregrina nurus concedere juſſit?
Fortunata nimis! quam præ popularibus unam
Mille ſuis locuples Salmonis filius ambit,
Quam facit Hebraidem non ſanguis, at inclyta virtus.
Sicut adoptivam viridaria pinguis myrtum

Accipiunt, à littoreis quæ transit arenis
 Divitis in domini fragrantès floribus hortos;
 Aut velut areolis infertur rasile buxum,
 Quod super inculti stetit ante cacumina montis.
 Sic merito tu nostra tuo censebere civis.
 Non animi dotes, sed nec tibi corporis absunt;
 Forma bona est; tamen haud sequitur lascivia formam.
 Testis Ephrata tuum deprædicat usque pudorem,
 Et sublime vehit niveos ad sydera mores.
 Quæ tua sit, qualisque modestia vidimus ipsæ;
 Dum legeres spicas alieno nuper in arvo
 Pauca loquens, oculos in humum dejecta nitentes.
 Forte superveniens Herus ut te vidit, amavit,
 Et tecum tedas optavit inire jugales.
 Ergo tui fient agri, tua rura, legebas
 In quibus exiles nobiscum pauper aristas?
 Scilicet Isacidum Deus hæc tibi commoda fecit.
 Bose novas incide faces, suspende corollas
 Postibus: ecce Deo tibi ducitur auspice conjux.
 Talis ab extremo veniens Euphrate Rebecca
 Isacios fausto tetigit pede sponsa penates.
 Sic Lia, sic formosa Liæ germana, Jacobi
 Fundavere domum numerosa prole. nec illis
 Inferior, dabit hæc hilari matrona marito
 Pignora pulchra; suam referent si pignora matrem;
 Lanificas age linque colos, & pensa, Noëmi,
 Jam nova proveniet tibi cura senilibus annis.
 Disce manu cunas rosei versare nepotis.
 Namque nepos decimo nascetur mense; receptus
 Qui genibus dilata diu tibi gaudia portet
 Incipiens aviam molli cognoscere risu.
 Ipsa crepundiolis dulcem mulcebis alumnus
 Donec in optatos componat lumina somnos.
 Talia solemnè canerent dum more puellæ;
 Vestibuli patuere fores, introque receptæ
 Festivæ thalamum circa duxere choreas.



SOMNIVM IDYLLION.

ARGVMENTVM.

DVM PASCERET GREGEM VNA
cum fratribus suis Joseph adhuc puer, plus ceteris
à patre dilectus; visum sibi somnium candidè, &
simpliciter retulit. Que causa majoris odij semi-
narium fuit apud fratres invidios. Hæc Ecloga,
Theocriteo est, & tenui caractere.

Ruben.

Mane novo, nobis novus hic quoq; sit labor agnas
 Impressis signare notis; & inurere tonfo
 Nomina nostra gregi. Parvus mihi discat Joseph
 Depulsos à lacte recens, inscribere foetus.

Dan.

Huic manda; si quid curatum naviter optas.
 Cernis ut in musco jaceat, securus ovilis?
 Vespere qualis erit, si nunc est manè remissus?

Ioseph.

Parcius ista tuo, frater, tamen obijce fratri.
 Ah nescis quàm me vehemens modò cura fatiget!
 Dic, quæso, nunquamne tibi dant somnia curam?

Dan.

Dan.

Ne mihi dent, caveo. Tu desidiosus in umbra
Somnia vana foves. Ego sedulus otia vito.

Ioseph.

Non ego (quod reris) sequor otia: sed mihi præsens
Hæret adhuc, semperque oculis incurrit imago
Quæ fuit in somnis spectata. Quis obtulit illam,
An sopor, an certè Superi? dum singula narro,
Vos animis (res est non parva) reponite vestris,
Pene sub Auroram, dubiæque crepuscula noctis,
Quando magis pingues astringunt lumina somni;
Nos ego bislenos vidi per somnia, fratres
Triticæ curvâ segeti supponere falcem.
Omnibus abjectæ tunicæ: par omnibus ardor
(Tanquam susceptum nobis mercede diurna
Esset opus) ferro densos prosternere culmos.
Campus erat, plenoque seges lætissima campo;
Ut meminisse juvat? quis erat mihi ludus, acervos
Stringere demessi per lata novalia farris?
Sed nova subjecit res prodigiosa stuporem.
Namque meus reliquos inter consurgere merges
Visus, & huic cultum vestri deferre manipuli
Humano velut ingenio. Sic corpore proni
Numen adoramus sacram reverenter ad Aram:
Indole regali merges meus ire sub auras
Gaudebat, cæloque caput sublime ferebat,
Cum mea deficiens abruptit gaudia somnus,
Heu fugitiva nimis, volucrique simillima fumo.
Tu, Deus, hæc auspex insomnia porro secunda.

Dan.

Anne erit, in fratres, puer ignavissime, regnum
 Ut teneas? ut vile pedum diademate mutes?
 Hoccine fallacis spondent mendacia somni?
 His adhibes, malefane, fidem? Quid visa juvabunt;
 Aurea si quando miser inter somnia fias?
 En quò te pepulit patris indulgentia! fecit
 Hos animos toga verficolor, croceique cothurni.
 Hinc tibi regnandi venit(perverse) cupido.

Ioseph.

Quisquis ero; fortuna tibi mea serviet omnis.
 Nunc, olim, quodcunq; dabunt hæc somnia fausti;
 Id fieri commune mihi cum fratribus opto.

Dan.

Ista tuæ potius die vespere somnia matri,
 Fabellis somnum captet si forte morantem.





THIRANTHROPIA IDYLLION.

ARGUMENTVM.

*VIDENS DANIEL PROPHETA IN-
ter boves Nabuchodonosorem communes cum ijs
herbas pascentem; hoc Pastoralis carmine ejus de-
flet infortunium, spondetq; deinceps meliora.*

RVra meis semper placeant ante omnia Musis;
Semper amem sylvas; & amarunt has quoq; Reges;
Regius & sanguis Daniel ô qui modò lucis
Inferat Assyrijs! ô qui me sistat ad amnem
Præcipiti Chaldæa secut qui pascua cursu!
Fusus ubi in molli Daniel ad flumina musco,
Armentum cum fortè inter regale videret
Armenti dominum pasci communibus herbis;
Hos dedit ex imo suspirans pectore questus.

In bovis indignam visum transisse figuram
Luxerunt dominum Babylonides inde puellæ,
Hinc Juvenum chorus. Ecquis enim non flevit acerba
Fata vicesque tuas infœlicissime rerum?
Te veteres etiam palmæ (torrentibus undis
Quas rigat Euphrates) etiam flere myricæ;
Nubiferi vertex etiam te flevit Imâi,
Te rigidæ Tauri silices, te Caspia claustra:
Cum falsis primùm impleres mugitibus agros
Infœlix! cum cervici juga dura timeres.
Quis te mutavit tantus Deus? ullane ludos
Fortunæ similes patrum vetus audijt ætas?

Hoc tamen antè malum meminì prædicere missa
 Somnia de cælo, nisi mens tibi cœca fuisset.
 Hinc aded generis magnorum oblitus avorum
 More feræ, solis quadrupes in montibus erras,
 Et gemina in lævi fingis tibi cornua fronte.
 Heu miserande Nini pronepos! non ampliùs ostrum,
 Texta Semiramia nec acu variata, cubile
 Jam tibi consternunt: sed sub Jove degis aperto,
 Membra super nudis sed projicis hispida faxis
 Quo te cumque loco nox interceperit atra.
 Ah vespertinus ne te lupus, ah leo ne te
 Excipiat (stabulatur enim leo plurimis istis
 Saltibus) ah moneo procul ah fuge lustra ferarum!
 Quin ades huc potiùs. carpes hic plena secundùm
 Flumina Luciferi primo cum sydere gramen,
 Colludit viridi dum ros argenteus herbæ.
 Mox ubi quarta sitim collegerit hora diei,
 Ad gelidos ego te latices, ad pocula ducam:
 Inde sub ilicibus nigris in valle reducta
 Floribus effultus frigus captabis opacum.
 Ipse tibi interea meditabor arundine carmen,
 Si quà forte tuum valeam mulcere furorem.
 Ah Daniel Daniel surdo canis! in nemus ille
 Emicat, abrumpens medio tua verba boatu.
 Mene fugis? per ego & salebras, & confraga sylvæ
 Te sequar, & caro capiti comes usque manebo.
 Stat mihi velle pati tecum, non antè soporem
 His oculis tribuam, priùs aut jejunia solvam;
 Quàm Deus (humanis solitus mitescere pœnis)
 Pro pietate mea posthac tibi fiat amicus.
 Audior? an qui amant fingunt sibi prospera? certè
 Audior. en dextram Deus en mihi personat aurem,
 En monet, in melius mutata forte locandum
 Te veteri rursus folio: septennia postquam
 Integra transferint, postquam pernòris in ipsos
 Esse Deum, qui jus exerceat acre, Tyrannos,

Signa quid observas Chaldææ? quid aspicias ortus
 Astrorum? nihil ista dabunt (quæ consulis) astra
 Scire futurorum; sibi quæ Deus abdita servat.
 Et mihi fatorum (cùm vult) tabularia pandit.
 Hinc (pueri) vobis oracula fausta reporto.
 Ergo alacres sylvas pridem desueta voluptas
 Jam teneat, sylvæ domino gaudere recepto.
 Mens illi redit, & majestas pristina vultus.
 De bove nil superest, sed adhuc tamen edere, prima
 Verba timet, ne mugitus pro voce sequatur.

Plura locuturum properavit cingere Vatem
 Ilicis agresti pastorum turba corona,
 Et rigidam jussit violis mollescere quercum.



VVLPES

* * * * *

VULPES IDYLLION.

A R G V M E N T V M.

DVO VINDEMIATORES NA- Cant. 91
both & Zebul in suburbano Jersabelis a- Cant. cap. 2.
gro, de capiendis & extinguendis Vulpibus Capite no-
qua Vineam demoliebantur, inveniunt consi- bis Vulpe-
lium. Per Vineam, Ecclesia Christi; per culas, quæ
Vulpem, Heresis representatur. demolium-

Zebul.

TU simili mentitus aves, Nabothe, susurro
 Credula suspendis viscatis agmina ramis:
 Sector ego canibus visæ vestigia Vulpis.

Naboth.

Zebule, ter denas hoc cepi mane volucres
 Quæ rapuere meis mites & vitibus uvas.
 Aucupium tabulâ nunc digero: primus opimis
 Enitet alitibus, stat macris ultimus ordo,
 Ut minùs offendant macies subjuncta faginæ.
 Ista feni referam sub cœnam munera nostro.

Zebul.

Damna tuis tulerit ficedula fortè racemis;
 Sed longè graviora meæ Vulpecula viti.

Frigora non tantùm, matutinæque pruinzæ
 Palmitibus, quantum dentis nocet illa veneno.
 Heic ubi provenit talis mihi sæpius uva,
 Qualis ad Hebronis natale gigantibus arum
 Exploratori fuit olim visa Calebo;
 Nunc lego corroso turpem de palmitè botrum.

Naboth.

Et mihi non unâ nocuit Vulpecula fraude:
 Nil prohibent sæpes pictis quin irruat uvis.
 Quàm bene præda tibi cadet! at quibus opprimis *illam*
 Artibus, heic inter filices mihi, Zebolè, narra.
 Interea maculis ego texam retia raris,
 Quæ vespertinam fluitent nebulosâ sub horam
 Turdorum celeres interceptura volatus.

Zebul.

Cui non calliditas est cognita Vulpis; hirundo
 Non fugit instantem vigilantius advena brumam;
 Quàm versuta sibi structos Vulpecula casses.
 Si quando tamen in laqueos incautior illa
 Incidit, & duplici sentit se fune teneri;
 Tunc meminit captiva sui; pedicasque refringens
 Dentibus, implicitos absolvit nexibus artus.
 Unde dolis hanc credo feram vix posse prehendi.

Naboth.

At, Vulpinandum Vulpes adversus, & arte
 Audieram varia fallendam sæpius artem.

Zebul.

Zebul.

Audieras; vulgoque ferunt: & me quoque Nasson
 (Nasson Idumæi conterminus accola saltus)
 Ungere lina fimo docuit; ne finis odorem
 Callida percipiat pecus, & declinet ab ipsis
 Decipulis. Ego non aliter Samsona putarim
 Rure Palæstino Vulpes cepisse trecentas.
 Has alius pernæ tractas nidore suillæ
 Post dumeta latens inopino conficit arcu.
 Est qui præcipites scrobibus det cespite testis.
 Mille alias usus venandi repperit artes.
 Sed mihi non æquè placet Ars, ut odora canum vis
 Per juga dum versat trepidam Gabaonia Vulpem.

Naboth.

Non huic ulla, reor, venatio Zebole præstat:
 Sed multâ catuli curâ sunt antè docendi
 Vestigare feram, fortiq̃ue lacessere morsu.

Zebul.

Est quoddam canis acce genus; ut corpore parvum
 Sic animis ingens, & robore: subniger illi
 Est color, os simum, pendens prolixius auris;
 Hirsutis duo sub cilijs cava lumina, dentes
 Conferti rabidique, brevis pes, longior unguis:
 Indole tam docili; per agros ut sponte feratur
 Deprenat profugæ si quæ vestigia vulpis.
 Mille per anfractus dextrâ, levaque vagatur,
 It, redit, explorat prono loca singula naso;
 Inque cavi penetrat perfossa cubilia montis,
 Fæta quibus sese latebris amat abdere Vulpes.

Heic simul ac illi notas odor attulit auras,
 Lætitiâ fremit; & saltu se librat in hostem
 Par jaculo; cæcasque domos latratibus implet.
 Turba canum respondet: abit baubatus ad astra.
 Non ita me blandis mulcet philomela querelis
 Ut iuvat hic, Nabothe, canum gannitus; acutos
 Ipsa sonos reddit nemorum vocalis imago,
 Sylvaque venantum reboat clamoribus omnis,
 I Theron, i Carilax, i Celanor; Euge Melampe
 Nostra fera est, jam nostra fera est. Jam capta tenetur.
 Omnis Jo captâ gaude vicinia prædâ.
 Tu venatori, de more, colona repone
 Ova. Tuæ perijt pestis Vulpecula cortis.

Naboth.

Quas ego pro tali reddam tibi carmine grates,
 Aut quæ dona feram? geminos, en sume, canistros
 Zebole, collectam condas ubi molliter uvam.

Epilogus.

Vulpis adumbratam sub imagine lusimus ista
 Hæresin; extremum bello dum Cæsar ad Albim
 Fulminat, hanc certus terris excindere pestem.
 Forsitan assurgent olim graviore cothurno,
 Et mea Cæsareas æquabunt carmina lauros.





NILVS IDYLLION.

ARGVMENTVM.

THERMVTIS FILIA PHARAOIS

ad Nili crepidinem ludibunda cum puellis suis deambulans, innantem flumini fiscellam junceam ripa admotam excipit, aperit; in ea expositum (cru- deli Regis edicto) puellum Hebraum reperit, mi- serata tolli jubet, Mosem vocat.

S At virides lusi tecum, mea fistula, sylvas:
 Flumina nunc cantare libet, præconia Nilo
 Carmine sunt facienda— Neget quis carmina Nilo,
 Qui calamos Musis, qui donat habere papyrus?
 Laudabunt alij, sua quod cunabula cælo
 Debeat ignotis veniens hic fontibus amnis;
 Quod Meroen Blemyasque riget; Lybicosque novales
 Findat, & Ægyptum nigra fecundet arena:
 Plus ego me Nilo fateor debere; quod olim
 Extulerit placido servatum gurgite Mosem,
 Incluta servato dicamus flumina Mosè.

Tertia jam solidæ fuerat pars acta dici,
 Et Sol majores declivis fecerat umbras;
 Cum thalamo digressa suo Thermutis ad oram
 Se fluvij lotura tulit. Latus ilicet illi
 Bis septem cinxere pares ætate puellæ.
 Quales è passu nivei referuntur olores
 Ad vitreas Jordanis aquas, & longa canoros
 Dant per colla modos. Latè sacer assonat amnis.

Pompa puellarum Thermutim talis obibat.
 Ipsa chori princeps spatiata crepidine ripæ
 Præterlabentis nullo propè murmure Nili
 Despectat pigro dubios in flumine cursus.
 Dumque videt pictos ultrò, citroque phaselos
 Occursare sibi, quisnam fluat amne secundo
 Ambigit, adversis aut quisnam naviget undis.
 Lumina sic fallit tacitarum lapsus aquarum,
 Credat legitimos ut segnius ire meatus.
 Huc, illuc oculos Nymphæ per cuncta ferenti,
 Fluminis in medio fiscella apparuit alveo
 Mobilibus scirpis, & levi texta papyro:
 Hanc jubet ad ripam missos advertere nautas.
 Jussa citi faciunt. Studio Regina videndi
 Ocyus oblatam resupinis excipit ulnis;
 Neve manus niveas inducta bitumine sædet
 Arca, cavent famulæ substratis molliter herbis,
 Sic oneri timidæ subeunt: audacior una
 Vincla picata fecat digitis, cistamque recludit.
 Ecce latens sese vagitu prodidit infans,
 Aureolo talos à vertice pulcher ad imos.
 Qualis Amor pingi tabula solet. Utraque mala
 Suave rubet, guttis aspersa recenter ab amne.
 Stare cacuminibus florum sic mane pruinas
 Aspiciamus, teretesque rosis colludere gemmas.
 Detergit pueri Thermutis ab ore madorem.
 Quod potuit, dulci movet ille labellula risu,
 (Officium sensisse putes) & tendit eburnos
 Simplex blanditijs in regia colla lacertos,
 Utque suam nictans invitat ad oscula matrem.
 Mota (volente Deo) Nympha est, mentemque benignam
 Accipit in puerum, lacrymisque ita fatur obortis.
 Heu puer infelix ipso moriturus in ortu!
 Vivere dignus eras, nisi lex tibi dura noceret.
 Sed mihi cur nimium lex in te dura videtur?
 Est quoque dura nimis. Pereas, vivasne, quid ad me?

Vive tamen. Sancti cui fluminis unda pepercit,
 Cur ego non parcam? Quid? sicine iussa parentis
 Despicies (Thermuti) reus seruetur ut infans?
 Somnia nempe patrem terrent; at somnia nullum
 Pondus habent. Potior mihi sit sententia Nili
 Qui puerum noxa miserans absolvit ab omni,
 Et sibi depositum nostras porrexit in ulnas.
 Num dabo præcipitem rursus fluvialibus undis,
 Obijciamve feris crocodili dentibus escam?
 Di meliora! Deæ sed dicitur Isis unus
 Nescio quis mystes prædicere, magna Canopi
 Rebus ab Hebræo portendi damna puello.
 Scilicet in nigrum puer hic quandoque cruorem
 Carminibus vertet septemplex ostia Nili?
 Scilicet extinguet tremulos in flumine pisces,
 Et dabit immundo ranas pro piscibus amni?
 Hasne Pharos, tellusque timet Mareotica cunas?
 Quin (quod ego potius reor) hæc infantis in ore
 Indolis eximia species, hæc gratia vultus,
 Sæcla Parætonijs promittunt aurea regnis.
 Nam mihi nec casus, fortuna nec obtulit illum;
 Consilio res gesta Dei est. Stat tollere nobis.

Audijt ut Marie (nam post carecta latebat)
 Mene jubes, inquit, nutricem sistere? curre,
 Ocyus hanc adduc (regina subintulit) ambas
 Præmia digna manent. At tu, formosule, posthac
 Noster eris; & aquis subducte vocabere Moses.





I O B I D Y L L I O N.

PHILIPPO BARONI DE
Gomicourt, Gubernatori Bethuniensi,
consobrino meo salutem.

A R G V M E N T V M.

*HIS EGO PATIENTISSIMI VIRO-
rum carminibus solatus sum luctum tibi, mihiq̄
communem; quem mors nupera Robecani Princi-
pis Germani mei utriq̄ attulerat. Lege, si placet,
& fave.*

Nulla, Philippe, meo medicina reperta dolori
Aptior, Hæsitæ quàm vatis nobile carmen:
Non alôes pretiosus onix certaverit illi,
Non Jerichuntinis stillantia balsama Virgis.
Divini nam mella fluunt pastoris ab ore
Dum canit hæc tristes pellunt quæ carmina curas.
Quis, pueri, vos hujus amor, quæ tanta cupido
Lucis habet? ritu fugit illa volatilis umbræ;
Aut velut in pratis primo flos ortus Eoô
Ante cadit, surgat quàm roscidus æthere Vesper.
Usque adæone placet brevis hæc usura diei?
Pluris abortivum duco, non ille malorum
(Vita quibus scatet infælix) examina vidit.
Væ mihi, cur hausi vitales luminis auras?
Cur genibus sum susceptus? cur ubera suxi?
Nonne mori satius fuerat? nunc altus haberet

Me sopor, æternâ tegerer nunc lumina nocte.
 Heu quot in ærumnas fervor! qui nuper habebat.
 Inter Idumæos fortunatissimus omnes,
 Dives opum, pecorisque, fimo nunc æger inopsque
 Incubo! non mecum veteres mansere sodales
 Fortunâ mutante fidem. non uxor adhæsit
 Ipsa, meos aliquâ saltem miserata dolores.
 Undique destitutor. Spes tu mihi rebus in arctis
 Sola super, quem das finem (Deus alme) laborum?
 Non ita calcatis fessus vindemitor uvis,
 Non sic impatiens aspirat ad otia melior;
 Ut pigros queror ire dies & tempora, donec
 Me tuus immitti furor increpat usque flagello.
 Quando erit optatâ fruar ut post fata quiete,
 Membraque non ulli posthac obnoxia morbo
 Induar? illa manet cineres spes una sepultos.
 Quis det ut in tiliæ molli mea carmina libro,
 Aut ut Ophiræo potius scribantur in ære?
 I puer; hæc cedri tabulis oracula manda.

Credo quod è cælo mihi sit natalis origo,
 In cælum reditura; simul dabit ænea signum
 Buccinâ, supremusque dies illuxerit Orbi;
 Tunc ego de tumuli redivivus pulvere surgam,
 Obducetque meos pellis (velut ante) lacertos.
 Accipiter veterem renovat quo more senectam
 Exuvijsque novus positus plumescit, & alas
 Exploraturus madidos se librat ad Austros.
 Ipse Deum clarâ præsens in luce videbo
 His oculis. Sedet hæc altè fiducia menti.
 Hac ego spe gelidam didici contemnere mortem;





DAVID GIGANTICIDA IDYLLION.

ARGUMENTVM.

CÆSO GOLIATH, OBIAM

prodeuntes Saūli, & Davidi victorihinc

Nuptæ Mulieres, inde Virgines Hebrae,

canunt Epinicium.

Flavius Iosephus hoc Epinicium alternis cantatum fuisse tradit; ut nuptæ mulieres præcinerent, succinerent Virgines.

Virgines.

POmpha venit: pompæ matrum chorus obuius exit.
Tympana jam manibus, jam fistra loquacia sumunt;
Jam canere incipient, & respondere paratæ
Nos sumus; alternis tamen hæc vult laurea dici.

Nuptæ.

Hunc purum sine nube diem, Sol alme, reducis
Isacidis: Sudi connivent cæcula cæli.
Scilicet aridet nitor ætheris ille Saūli
Dum remeat patrias palmis insignis ad arces.
Nos decet insignem palmis celebrare Saulem.
Mille Saūl, patriæ Servator, sustulit hostes.

Virgines.

Hoc melius viret herba die, pratumque puellis

Sufficit uberius violas in ferta, crocumque.
 Parthenicemque: legi florum cupit obvia messis,
 Nempe suo properant Davidi rura coronam;
 Huic quoque Victori nos carmina læta canamus.
 Mille Saül, decies sed David mille peremit.

Nuptæ.

Testis Azecana terebinthus confita valle
 Quantus in arma Saül rueret, quo turbine tela
 Nuper in Allophylos curru torqueret ab alto;
 Puniceis galeam cristis indutus, & auro
 Loricam, auratis & fulgida cingula bullis.
 Mille Saül, patriæ Servator, sustulit hostes.

Virgines.

Testis Azecanis Torrens qui vallibus errat,
 Flavius ut hinc David collectos quinque lapillos
 Miserit in peram. Moturus bella giganti
 Esse satis fundam sibi duxit. Ab æthere tanta
 Nimirum puero fiducia venit inermi.
 Mille Saül, decies sed David mille peremit.

Nuptæ.

Quot peditum cuneos, equitum quot miserat alas
 Gaza potens: in nos Chananitis denique tota
 Contulerat junctas injusto fœdere vires.
 Has tamen (ut messor flavescentes sternit aristas)
 Diruit ense Saül, sparfitque volucris escam.
 Mille Saül, patriæ Servator, sustulit hostes.

Virgines.

Quid, quòd ab Enachia Titanum stirpe profectus
 Par Libano Goliath monti, Dux agmen agebat,
 Ipse Palæstini unus magni agminis instar?
 Hunc (velut aëriam resupinat turbo cupressum)
 Exanimem media David porrexit arena.
 Mille Saül, decies sed David mille peremit.

Nuptæ.

Arboribus gestanda Saül suffixit opima
 De victis spolia Allophylis. Sublimia ramos
 Æsculeos curvant ingenti mole trophæa:
 Tota Palæstini Ephronia sylvæ superbit
 Exuvijs, Macedæque nemus Victoria vestit.
 Mille Saül, patriæ Servator, sustulit hostes.

Virgines.

Postibus arma sacris David suspendit, & enses
 Votivum Goliath veteres Silonis ad Aras.
 Nos ibi grata Deo bisquinis carmina chordis,
 Voce vel argutâ, quovis cantabimus anno,
 Usque tui memores, David formosæ, triumphæ.
 Mille Saül, decies sed David mille peremit.



FAMIANO STRADÆ
SOC. JESU SACERDOTI
SVLAMITHIS IDYLLION.

ARGVMENTVM.

ECCLESIA (NOMINE SVLAMITHI-
dis rusticana puella designata) Christum Dei filium
assumptâ jam carne fratrem suum compellat.

Ex cap. 8. Cant. Cant.

I Ste labos Hebræa manet te Musâ supremus.
 Pauca velim properes Famiano carmina Stradæ,
 Dum tibi tantisper se commodat. En age dulci
 Dic calamo, fratrem Sulamithis ut arserit olim;
 Ut nemus his errans impleverit omne querelis.
 Qui procul aspectu montes, quæ pascua nostro
 Te germane, tenent? qua te regione requiram?
 En cæli medio nunc Sol altissimus arva
 Pulverulenta coquit: tua dum vestigia lustro.
 En captant nunc frigus oves, oviumque magistri
 Turba molesta rogant. Quò te Sulamithi per æstum,
 Quò Sulamithi pedes? quis te malus abripit error?
 Turba molesta sile. Fateor mihi frater amatur.
 Nam cur dissimulem? non est Amor iste pudori,
 Inficianda mihi non est ea cura, sororem
 Ecquis enim culpet fratri quòd in oscula currat?
 Luce palam te frater, amem. coramque severa
 Matre sit amplexu mihi fas te stringere casto.
 Huc ades, in thalamum volo te deducere Matris,
 Ipsi te postes, ipsum te limen, & ambæ
 Sponte sua moto suspirant cardine valvæ.
 Tota tuo domus adventu ridebit, & ultro
 Candida cum violis redeunti lilia fundet;
 Mixtaque substernet molli colocasia junco.
 Ipsâ ego cana feram tenui lanugine, nuper

Sepibus in nostris quæ poma Cydonia legi:
 Præterea tibi bina dabo diversa sapore
 Pocula; nestareis arbor hoc Punica granis
 Condidit, Engaddi vindemia miscuit illud,
 Nullus adhuc admovit ijs labra: sed tibi seruo.
 Tu, dilecte rudem rerum me multa docebis
 Frater. ut hæc discam, quid non faciamve, feramve?
 Cura tibi tantum sim mutua: pectore tantum
 Usque tuo maneat defixa sororis imago,
 Annulus ut digito (nostrum tibi pignus) inhæret,
 Utve tuis apprima tenax armilla lacertis.
 „ Res Amor est æterna: dies nec longa, nec illum
 Vincere mors poterit; quamvis mors omnia vincat.
 Sed nec aquis aboletur Amor. turbata procellis,
 Cæca nocte natat tutus freta: quem super hostis
 Ipse tonat polus, & nimbis stridentibus urget.
 Non tamen id mersare caput queat omnibus undis
 Oceanus, non Oceano violentior æther
 In medium fœdis descendens imbribus æquor,
 Excubet in Scythicis puer hic si fortè pruinis;
 Absumet rabido Scythicas ardore pruinas;
 Intactasque nives Soli, potiore resolvit
 Igne; mihi sensim fibras qui gliscit ad imas.
 Sancte puer! tota me lampade fortius ure.
 Fratre calere iuvat. Quid enim formosius illo?
 Dulce tepor vernus violis, flaventibus Æstas
 Messibus, Autumnus botris, mihi Fratris amores.
 Mille (nec invideo) Thamar è præsepibus agnos
 Ducat & innumeras in pascua manè capellas:
 Lac æstate recens, & frigore suppetat illi:
 Ut volet Assyrio tingat sua vellera fuce,
 Cogat opes, nullumque modum sibi ponat habendi,
 Semper ego te frater amem. Nil cætera curo.
 Hæc properasse meo munuscula rustica Stradæ
 Musa fat est. Ea Strada precor non improbet: illi
 Sic ferat æternam Farnesias edita fama,



I S A I Æ.

Cap. 42.

(a) Vetus apud Hebræos proverbium erat, quo per Cedarenum significabant quemvis Barbarum. Alludit ad illud toto passim hoc Poëmate profundus noster Propheta.

Cantate Domino canticum novum.

Laus ejus ab extremis terra, qui descenditis in mare, & plenitudo ejus.

Insula & habitatores earum.

CEDAR IDYLLION.

A R G V M E N T V M.

HOC IDYLLIO ISAIAS PROPHETA,

miram apud Barbaros morum conversionem (postquam Evangelij luce perfusi fuerint) sub Cedareni pastoris jam cicuris facti tropo luculenter adumbrat.

Intermitte graves tantisper, Musa, cothurnos;
 Non omnes gaudent gravibus, mihi crede, cothurnis.
 Quin levioꛑe sono potiùs vulgaris avenæ
 Cedaris intonsas liceat mihi dicere sylvas.
 Si canimus sylvas, sylvæ sunt Numine plenæ
 Quas canimus. Deus omne nemus mihi Cedaris implet.
 Dic age deductos illi meæ tibia versus;
 Nam tenui calamo non injucundiùs audit,
 Quàm grandi commissa tubæ sua facta refertur,
 Seque Dei nostro Majestas temperat ori.
 Fontis in angusto veluti cratere videmus
 Tres cæli spatium pandi non amplius ulnas.
 Forsan & hæc latè totum quandoque per Orbem
 Qualiacumque meæ spargentur sibila cannæ.
 Audiet & si quæ procul his est insula terris,
 Quæ facimus Superis bifori præconia buxo.
 Ecquis jo sylvæ vos cultus amœnior ornat
 Cedarides? solito vultus cur lætior hic est?
 Nempe Dei vestros hilarat præsentia saltus,
 Ingeniumque loci cicurat sylvestris, heriles

(a) Video
hujusmodi
verborum
transpositio-
nem Lucre-
tio, & Vigi-
lio placuif-
se.

(b) Vallis
Achor eadē
quæ Engad-
di.

(c) Diversi
ab Afris hi
Nomades
Arabes.

(d) Cedare-
norum fero-
ciam notat
Rex David

Pfal. II. 9.
(Habitavi
cum habi-
tantibus Ce-
dar, cum his
qui oderunt
pacem.)

(e) Vox Ce-
dar, Hebrai-
cè nigrorem
significat,
quæ signifi-
catio ad mo-
res transfer-
tur, vulgò
notum est

hominem nigrum, hominem infidum dici, contrà hominem
candidum vocari eum qui verax & ingenuus est.

Adeò omnium ætatum & gentium consensu, summa sem-
per fuit coloris nigri infamia, ut contrà candori summus
favor.

(f) Propheta alloquitur hic Sydonios augurijs addictos.

Subleuetur deserrum, & civitates ejus.

In domibus habitabit Cedar.

Quà fert cumque gradus, cassiam calcata crocumque
 Fundit humus. Legere est ipsis (a) ex thura myricis.
 Ipsæ jam filices nardi mutantur arista,
 Carduus Assyrio calamo, serpylla rosetis.
 Denique tophus ubi fuerat scaber hactenus; illuc
 Jam migrasse putes Nabathæi germina ruris.
 Quisquis ad hos post hac incerta mapalia saltus
 Pastor ages; tecum miraberis ipse frequenter
 Cedaris ante feros tractus, desertaque vasta
 Numinis adventu veterem posuisse rigorem,
 Et didicisse novo passim mitescere cultu.
 Pinguior ut non sit biferæ jam gleba Segoræ;
 Non (b) Achoritanæ mollissima pascua valles.
 Hic stabiles tibi fige lares; hic oppida conde
 Si sapis upilio (nec enim tentoria tanti
 Sunt tua) dispersos huc undique coge sodales,
 Et nova conscriptis pomceria civibus imple.
 Crescere post aliquot tua regna videbis aristas.
 Ergò domos vagus ille (c) Nomas colet? & colet urbes?
 Ergò ferox, (d) pridem consuetaque vivere raptò
 Cedaris (e) atra volet pubes jam civis haberi,
 Et finet ignavos famulari legibus arcus?
 Nunc & ovi lupa fœta teget latus, ursaque damæ;
 Et modò cum vitulis stabulo claudetur eodem,
 Hospitij conducta fidem servare læna;
 Pastor Arabs jaculis quando exarmatus, & arcu
 Mitis ad urbanæ recipit se munia vitæ.
 Non struet insidias, nec in antris ulla reductis
 Damna viatori meditabitur amplius. Ite,
 (f) Ite bonis avibus quicumque per avia tesqua
 Cedaris ad Rubri properatis littoris oram,
 Aut veterem petitis Memphim Sidone profecti;
 Amplius infamis non est hæc sylva rapinis.
 Petricolas Arabes jam Pax habet. omnia rixæ
 Semina sunt sublata. Manet certamen id unum
 Quis melius votiva Deo jam carmina dicet.

(a) Cedar
pars Ara-
bia Petraz.

(b) (Vni-
versi Princi-
pes Cedar,
cum agnis,
& arietibus
& hedis, ve-
nerunt ad te
negotiato-
restui.)

Ezech. cap.
27. Omne
pecus Cedar
congregabi-
tur tibi Iſa.
cap. 60.

*Laudate habitatores Petra, (a) de ver-
tice montium clamabunt.*

*Ponent Domino gloriam, & laudem ejus
in insulis nuntiabunt.*



Undique divinis resonant juga Cedaris hymnis,
 An Musæ, Nomades etiam fecere poëtas?
 Non equidem Musæ, Nomades fecere poëtas.
 Fecit Amor: cælestis Amor sic omnibus afflat;
 Hic Elegos ut fundat, ut ille libentiùs Odas,
 Populeis alij mandent Epigrammara truncis,
 Lanigeras pars inter oves Idyllia pangant,
 Alternoque vocent sese in certamina cantu.
 Arbiter huic aliquis ludo victoribus æqua
 Præmia, gramineas donabit habere coronas,
 Et fuscas hedera frontes circumdabit alba.

Hæc fuit exili non dedignatus avena
 Ludere, Musâ, tuus pastoria carmina vates
 Dum sedet ad tremulam (b) pecorosi Cedaris umbram.
 Surgamus. nitidos en extulit Hesperus ignes,
 Et gelidus noctis jam gramina proluit humor.





ARCVS

Titulus est
hujus Pœ-
matis (ex
Marianæ
nostri sen-
tentia) ab
auctore Da-
vide indi-
tus, qui præ-
cepit Cho-
reniæ Prin-
cipi Prophe-
tiæ, ut doce-
ret A R -
C V M, can-
tores quos
Rex institue-
rat. Idem est
Princeps
Prophetiæ,
quod Prin-
ceps cantus.
prophetare
enim pro eo
quod canere
frequen-
tissime in sa-
era Scriptu-
ra usurpa-
tur: nec so-
lum Prophe-
tæ vocabulū
ad Muficos,
& cantores
traduci video,

verùm etiam ad ipsos Pœtas Canticorum ar-
tifices.
Quo sensu Apostolus Paulus, Prophetæ vocabulum pro
Pœta usurpavit, sic ad Titum scribens de Epimenide Pœta
Creteasi. (Dixit quidam ex illis proprius ipsorum Prophetæ.)

EX CAP. 2.

Lib. 2. Regum.


Planxit autem David planctum hujus-
cemodi super Saul & super Jonathan
filium ejus, præcepitq; ut docerent filios Ju-
da ARCV M sicut scriptum est in Libro
justorum.

*Considera Israël, pro his qui mortui sunt
super excelsa tua vulnerati.*

*Incliti Israël super montes tuos interfe-
cti sunt.*

*Nolite hoc annuntiare in Geth, neq; an-
nuntietis in compitis Ascalonis, ne forte la-
tentur filia Philistym, ne exultent filia in-
circumcisorum.*

*Montes Gelboë, nec ros, nec pluvia ve-
niant super vos, neq; sint agri primitiarum:*



ARCUS IDYLLION.

ARGUMENTVM.

*DAVIDIS CANTORES SAVLE ET
Jonatha interemptis, hoc Epicedium Amœbæo car-
mine cecinerunt.*

Pueri.

Nuntius è castris nostras pervenit ad aures.
Nuntius Hebræis quantum fert iste dolorem?
Quot properat lacrymas? Gelboæ in montibus ergo
Heroës duo Beniamidæ, duo fulmina belli,
Oppetiere necem? flos Israëlîs acerbo
Ergo jacet fato? Prò lux feralis & atra!
Siccine Beniamidæ cecidere Heroës inulti?

Puellæ.

Nuntius illa tuas qui funera vulgat ad aures,
Ne ferat hæc etiam Tyrijs, Hebræe, caveto.
Nesciat ô Sydon, ô nesciat Afcalus istud!
Ne Chananæa tuis insultent oppida damnis.
Néve Palæstinæ sibi plaudant fortè puellæ,
Et salibus te proscindant petulanter amaris.
Siccine Beniamidæ cecidere Heroës inulti?

Pueri.

Gelboë montes (tantæ loca conscia cladis)

*Quia ibi abjectus est clypeus fortium,
clypeus Saül, quasi non esset unctus oleo.*

*A sanguine intersectorum, ab adipe for-
tium sagitta Jonatha nunquam redijt re-
trorsum.*

*Et gladius Saül, non est reversus ina-
nis.*

*Saül & Jonathas, amabiles; & decori
in vita sua;*

Exosi montes! non ros, non ampliùs imber;
 Vos rigeat. æternùm steriles nec farrà feratis,
 Nec nova vina Deo quæ prælibentur ad Aram:
 Armorum postquam ruit omnis gloria vestris
 Strata jugis; postquam Jonathæ, cæsiq̃ Saülis
 Deturbata solo vidistis scuta; pudendum
 Heu Israël! misero de Rege trophæum!
 O quantum Gabaa, ô quantum tu Patria perdis
 Præsidium raptò Jonathæ florèntibus annis?
 Robur enim Jonathæ stupuerunt claraq̃ facta,
 Sæpe Palestinæ natorum in funere matres,
 Missilis illius quos conficiebat arundo
 Itibus haud unquam vanis. non certior illà
 Ulla sagitta fuit, nec quæ magis audiit arcum.
 Haud minor amissi tamen est jactura Saülis;
 Cujus in Allophylos districtus sæpius ensis
 Vagina recipi nunquam sine cæde solebat.
 Siccine Beniamidæ cecidere Heroës inulti?

Puellæ.

Carmeli montes pingui lætentur oliva:
 Halet aromatibus Libanus, mirtoq̃ virenti:
 Finestà rigeant Gelboa cacumina taxo.
 Namq̃ sepultus ibi periit Decor omnis, & una
 Omnis Amabilitas Jonathæ commortua dulci.
 Non illi quisquam forma se contulit oris:
 Seu puer intexto Tyriam demitteret auro
 Ex humeris chlamydem, chlamys ostro tincta decebat
 Candentes humeros: seu factus adultior arma
 Indueret; sumptis horrebat molliter armis:
 Et solo genitore minor, Dux agnen agebat
 Sic alios superans, genitor superabat ut ipsum.
 Quippe velut surgit procero stipite laurus,
 Lentave se tollunt inter viburna cupressi;
 Sic decies in mille viris stetit arduus; omnes

In morte quoq̄ non sunt divisi.

(a) Quod
Virgines
clausæ etiã
in publico
luctu egre-
derentur si-
cut in Tri-
umphis lu-
culentum
habet exem-
plu in Prin-
cipum Assa-
moneorum
Historia.
(Sed & Vir-
gines quæ
conclusæ
erant pro-
currebant
ad Oniam.)
cap. 3. lib.
2. Machab.

Aquilis velociores, Leonibus fortiores.

*Filia Israël super Saül flete, qui vestie-
bat vos coccino in delitijs, qui præbebat or-
namenta aurea cultui vestro.*

*Quomodo ceciderunt fortes in prælio?
Doleo super te frater mi Jonatha, deco-
re nimis & amabilis super amorem mulie-
rum.*

Excessitque Saül super-extans vertice toto,
 Ambo formosi, pollentes viribus ambo,
 Coniunctique animis, quos nec Mors ipsa diremit,
 Siccine Beniamidæ cecidere Heroës inulti?

Pueri.

Hebræi lugete Duces, lugete Tribuni,
 Ipse etiam miles loricas exuat, arcum
 Frangat, & æria pharetram suspendat ab ulmo
 Infœlix miles! Quid enim sperabit adempto
 Rege? Saül posthac non illum in prælia ducet,
 Non Jonathas, nec erit magnum præstare Saülem
 Qui queat, aut Jonatham, Leo non æquaverit illos,
 Non Aquila ad prædam celeri cùm provolat ala
 E specula pullis rimata voracibus escam.
 Siccine Beniamidæ cecidere Heroës inulti?

Puellæ.

Hebraides lugete nurus, (a) lugete puellæ
 Innuptæ; paullum thalamos mihi Virgo relinque,
 Arcanos thalamos; squallensque in compita prodi
 Passio crine. Saül fieri sibi talia mandat;
 Legendus de more Saül, qui tortilis auri
 Ornamenta dabat tibi longis parta triumphis.
 Absit ab articulis, nunc absit ab auribus aurum,
 Murice palla nitens nunc absit (idonea non est
 Lustibus) in cultu meliùs lugebitis atro.
 Siccine Beniamidæ cecidere Heroës inulti?

Pueri.

Iusta tuis, Jonatha, facit hæc mæstissimus umbris
 Fædere fraterni David tibi junctus amoris.

*Sicut mater unicum amat filium suum,
ita ego te diligebam.*

*Quomodo ceciderunt robusti, & peric-
runt arma bellica?*



Nullus enim fratrem sic unquam frater ademptum
Flevit, ut ille suos te suspiravit amores,
Siccine Beniamidæ cecidere Heroës inulti?

Puellæ.

Nulla parens sic unigenæ sub funera nati
Luxit; ut extincto non consolandus amico
Jefsiades. Valeant, pereant ha! funditus arma;
Armorum quando Jonathas decus occidit omne,
Siccine Beniamidæ cecidere Heroës inulti?





I S A I Æ.

Cap. 5.

Canticum
hoc duabus
constat par-
tibus, ali-
quot capitū
intervallo
sejunctis.
PriorCanti-
ci pars ex c.
5. Isaiæ sum-
pta est, &
continet ex-
postulatio-
nem adver-
sus ingrata
Vineam.
Posterior
Cantici
pars ex cap.
27. Isaiæ
ducitur, ubi
Propheta
laudat Vi-
neam meri.
Quod ante
me observa-
vit noster
Gaspar San-
cti us.

CAntabo dilecto meo Canticum Patru-
lis mei.

*Vinea facta est dilecto meo in cornu fi-
lio olei.*

*Et sepavit eam, & lapides elegit ex ea,
& plantavit vineam electam.*

*Et edificavit turrin in medio ejus, &
torcular extruxit in ea.*

ZELOTES IDYLLION.

A R G V M E N T V M.

ISAIAS PROPHETA IN PASTORALEM scenam Emmanuelem Sponsæ suæ Synagogæ perfidiam exprobrantem sub eleganti & florida vineæ allegoria introducit.

TRanslatos aliò Sponsæ dum sensit amores
 Montibus in Solymis hinc usque ad sydera notus
 Emmanuel; ut erat sterilis tunc fortè sub umbra
 Palmitis; Et cui jam tutum sit credere, dixit,
 Vineam me quando spe ludificavit inani?
 Quamvis illa mihi sit opimo confita colle,
 Cui non Engaddi locuples contenderit aruum,
 Non Soretano vallis celeberrima botro.
 Fertilibus quis enim me latiùs imperat agris?
 Quis meliùs glebam scrupis eruderat alter?
 Ingenium quis me positusque notare locorum
 Doctior, aut justis plantaria credere sulcis?
 An sola splendenti memorem mihi versa ligone
 Sæpius? anne satam generoso germine vitem?
 An positam fundi circum confinia sæpem?
 Ut fileam magno structam molimine turrim,
 Multiplicesque penus, nova ne desideret amplo
 Quas mihi proventu stipet vindemia cellas.
 En mea cunctantes invitant præla racemos,
 Prægestitque lacus multo spumare rubenti.
 Cur expectatos differs mea vinea fructus?
 Heu malè te adversus studium consumpsimus omne!

*Et expectavi, ut faceret uvas, & fecit
labruscas.*

*Nunc ergo habitatores Jerusalem, &
viri Juda, judicate inter me, & vineam
meam.*

*Quid est quod ultra debui facere vinea
mea, & non feci? an quòd expectavi ut
faceret uvas, & fecit labruscas?*

*Et nunc ostendam vobis quid faciam
vinea mea; auferam sepem ejus, & erit
in depredationem, diruam maceriam ejus
& erit in conculcationem.*

*Et ponam eam desertam, non putabitur,
& non fodietur.*

Et ascendent super eam vepres & spina.

Respondere meo pugnas si perfida voto;
 Pergis in agrestem si degenerare labruscam;
 Si mihi pro botris foetus obtrudis amaros,
 Unde molesta crees stomacho fastidia; quando
 Debueras tantis exercita vinea curis
 Vina novum domino Sabamæa reponere nectar.
 Dicite (cura meî si vos habet ulla Sodales)
 Dicite, qua merui precor hæc ludibria culpa
 Ut mihi quæ mites promiserat hactenus uvas
 Indole mutata vitis nunc reddat acerbas?
 Num fuit officij quicquam mihi forsân omissum
 Neglectumve mei? quæ me vigilantia fugit?
 Quid me præterijt? vitio quid vertere possis
 Præter amasse nimis? Meus hic erit unicus error
 (Si tamen error erit) mihi quòd spes uberis inde
 Facta fuit laticis; me quòd spes illa fefellit.
 Quare age nunc omnem illius deposito curam
 (Si potes Emmanuel.) Potero. dabit ira, pudorque
 Possit. Quid? hæc igitur posthac deserta jacebit?
 Et jaceat summumque ima radice flagellum
 Contingat, nec opem sit qui ferat amplius ullam.
 Amplius hanc curva non fingat falce putator
 Aggrediens ferro ramos cohibere fluentes:
 Non ea robustus resupinet jugera fossor
 Assiduo prohibens vitem silvescere cultu;
 Sed sinat extingui superantibus undique spinis.
 Quin etiam sepem manibus demoliar istis
 Quam posui. Pateat cunctis mea vinea prædæ;
 Illudant illi pecudes impunè: petulcus
 Hanc caper incessat cornu, duriq̃ue veneno
 Dentis, & admorso plagas in cortice signet;
 Fulmineus populetur aper, pandoq̃ue jacentem
 Funditus evertat rostro, vastetq̃ue, ruatq̃ue.
 Ah miserâ! ah quæ nunc spes est super? An tibi succos
 Sufficiant Auræ forsân, roresq̃ue benigni

Ex cap, 27. Isaia.

*Ego Dominus qui servo eam, repente
propinabo ei.*

*Ne fortè visitetur contra eam, nocte &
die servo eam.*

Indignatio non est mihi.

*Quis dabit me spinam, & veprem in
prælio? gradiar super eam, & succendam
eam pariter?*

(a) Utitur
Columella
hoc voca-
bulo Lib. 3.
ca.ultimo.

*An potius tenebit fortitudinem meam,
faciet pacem mihi, pacem faciet mihi?*

*Qui ingrediuntur impetu ad Jacob; flo-
rebit & germinabit Israël: implebunt faciem
Orbis semine.*

Unde reflorēſcas, rursūq̄ue à ſtirpe reſurgas?
 Non mihi ſic viſum. Madidis edicimus Auſtris
 Demittant aliquos ne nubibus ampliùs imbres
 Te ſuper. Ipſa ſiti languens, conſectaſq̄ue colles
 Undiq̄ue vicinos oculo livente rigari
 Uberibus ſpectabis aquis. Sed & arida pridem
 Deſerti facies mutata repente virebit,
 Siccaſq̄ue jejuni pingueſcet glarea ruris,
 Me tempeſtivos ſuperaffundente liquores.
 Quiſq̄ue priùs fuerat ſitienti pactus in arvo
 Surculus, uvidulo trudet jam palmite gemmas,
 Me tenerum blando fruticem mulcente favore.
 Alterius quanto cernes hæc commoda luſtu?
 Ut prælata tibi vineta novella dolebis?
 Invida me vanis incendere mitte querelis:
 Nil mihi perſuades. Odione ut proſequar iſtam
 Quæ morem gerit ad nutus mihi vitis heriles?
 Non furor hic animo eſt, aut indignatio noſtro.
 An quia damnavit te perfida vepribus, iſdem
 Hanc quoſq̄ue me ſpinis obducere velle putavi?
 Et pariter tecum crepitantibus urere flammis?
 Quin potius feret huic teneræ mea dextera plantæ
 Semper opem; ſolida eſt ipſi quia gratia mecum:
 Gratia nullius livore ſolubilis unquam.
 Fœlix planta! vetus nunc obliſcere nomen
 Vitæ eris poſthac Iſraelitis; in illam
 Auſpicijs translata meis. tibi fertilis uvæ
 Cedet in aprico Balhamonis vinea clivo
 Quæſq̄ue Damascenis vindemia pendet ab ulmīs;
 Latius induces virides tu collibus umbras,
 Et (a) conſemineis implebis ſtirpibus Orbem.

EX CAP. 24.

Lib. Num.

Cum Balac duxisset Balaam super verticem montis Phogor qui respicit solitudinem; dixit ei Balaam:

Edifica mihi hic septem Aras, & para totidem vitulos, ejsdemq; numeri arietes.

Fecit Balac ut Balaam dixerat, imposuitq; vitulos, & arietes per singulas Aras.

Cumq; vidisset Balam quod placeret Domino, ut benediceret Israël, nequaquam abiit, ut ante perrexerat, ut Augurium quareret, sed dirigens contra desertum vulturnum suum, & elevans oculos suos, vidit Israël in tentorijs commorantem per Tribus suas, & irruente in se spiritum Dei assumptâ parabolâ ait.

Dixit Balaam filius Beor, dixit homo cujus obturatus est oculus, dixit auditor sermonum Dei, qui visionem Omnipoten-

CARMINA IDYLLION.

A R G V M E N T V M .

ACCERSITVS AVGV R BALAAM
à Rege Moabitarum Balac, ut castris Iſraëlis ma-
lediceret, præter expectationem è vertice montis
Phogor bene illis precatus eſt.

TE quoque Muſa, juvet veteris meminiffe Balami:
 Cujus Idumeas perhibent ad carmina rupes,
 Et juga palmiferi quondam tremuiſſe Phogori;
 Unde per Arnonis latè ſpatiantia vallem
 Caſtra videns Hebræa ſenex. Altaria dixit
 Hic mihi, Sephorida, ſeptem, ſtrve de grege ſeptem
 Huc vitulos, agnos huc ſeptem liſte. ſit Aræ
 Hoſtia quæque ſuæ, numero Deus impare gaudet,

Balac.

Ecce tot erectæ tibi ſunt, quot præcipis, Aræ;
 Ecce tot hic holocauſta. Nihil niſi carmina deſunt
 Devoveas quibus Iſacidas. Tibi rumpitur anguis
 Carminibus: fac Iſraël rumpatur iſdem.
 Sed prius augurium capta (de more) ſecundum,

Balaam.

Nil moror augurium. Deus, en Deus. ore favete;
 Jam canere arcanas ego filius ille Bioris
 Incipiam fortes, venturaque dicere fata,

*tis intuitus est, qui cadit & sic aperientur
oculi ejus.*

*Quam pulchra tabernacula tua Jacob!
& tentoria tua Israël! ut valles nemorosa,
ut horti juxta fluvios irrigui, ut taberna-
cula que fixit Dominus, quasi cedri prope
aquas.*

*Fluet aqua de situla ejus, & semen il-
lius erit in aquas multas.*

*Propter Agag tolletur rex ejus, & au-
feretur regnum illius.*

*Deus eduxit illum ab Ægypto, cujus
fortitudo sicut Rhinocerotis.*

*Devorabunt gentes hostes illius, & ossa
eorum confringent, & sagittis perforabunt.*

*Accubans dormivit ut Leo, & quasi
Leona, quam suscitare nemo audebit.*

Quæ Deus esse suo voluit præcognita vati:
Pectoris erudiens oculos mihi luce superna,
Sensibus abducit dum me tantisper ab imis.

Quàm juvat Ifacidum niveis tentoria velis
Aspicere, & pulchro digestas ordine turmas:
Sic mihi thuriferis Arabum viridaria rident
Arboribus distincta; placet sic vallis opaca
Illicibus, sic curva satae prope flumina cedri.
O quantum soboles crevit fecunda Jacobi!
Qui volet illius numerum subducere; discat
Antè, quot Eoi veniant ad littora fluctus:
Aut ubi præcipitans invergit Aquarius urnam
Effusa quot in arva cadant stagnantia guttæ.
Quis veget hanc primus gentem? de sanguine cretum
Beniamini video juvenem. quantum instar in illo est?
Qui comites cingunt latus? ut super-eminet omnes?
Fœlix ille, suo si non ignoverit hosti,
Si non oranti veniam donarit Agago!
Hunc propter regno cadet, & stirps tota nepotum,
Tanti stat; non imperio parere Tonantis.
Sit, moneo, tuus iste labos Hebrææ, sit una
Cura, Dei docilem monitis advertere mentem:
Qui Pharia solvit te compede, quiq; Tyrannum
Ultor Erythræas Pharaonem excussit in undas,
Ventilat ut cornu meditantem prælia taurum
Rhinoceros, cui non se conferat ulla ferarum.
Et quisquam Deus armipotens, tibi robore certet?
Si conjuratus bellum tibi moverit Orbis;
Se conjuratus superatum sentiet Orbis.
Omnis Arabs, omnis tibi se submittet Idume.
Denique quotquot erunt Hebræi nominis hostes,
Te sternente cadent trajecti terga sagittis,
Albentesque tegent cumulatis ossibus agros.
Jam lituos audire juvat, jam classica Judæ
Victoris, jam Jessæos spectare triumphos!
Quem se fert curru Rex conspiciendus eburno?

Qui benedixerit tibi, erit & ipse benedictus; qui maledixerit, in maledictione reputabitur.

*Iratusq; Balac contra Balaam complo-
sis manibus ait:*

Ad maledicendum inimicis meis te vocavi, quibus è contrario tertio benedixisti. Revertere ad domum tuam.

Decreveram quidem magnificè te honorare, sed Dominus privavit te honore.

Respondit Balaam ad Balac, nonne munitis tuis quos misisti ad me dixi, si dederit mihi Balac plenam domum suam argenti & auri, non potero praterire sermonem Domini Dei mei, ut boni quid vel mali proferam ex corde meo, sed quicquid Dominus dixerit, hoc loquar?

Veruntamen pergens ad populum meum dabo consilium quid populus tuus populo huic faciat extremo tempore. Sumptà igitur parabolâ rursum ait.

Dixit Balaam filius Beor, dixit homo cujus obturatus est oculus, dixit auditor sermonum Dei, qui novit doctrinam Al-

Ut viridi in saltu leo procubat, utve læna
 Venantum secura jacet: sic otia victor
 Jessiades colet. ô tantum mihi suppetat ævi
 Quantum sat fuerit victori fausta precari!
 Qui tibi læta canent Epinicia, maxime Regum,
 Illis mella fluant, illis nascatur amomum.
 Si quis erit, Diris qui te devoverit; illi
 Pro viola, spinis veniat paliurus acutis.

Balac.

Vane senex hosti decuit te dicere carmen
 Exitiale meo; cur auxiliare repenre
 Ter canis? ô utinam nunquam mihi cognitus esses!
 Eheu quid volui misero mihi! fontibus aprum
 Immissi, demens cum te hæc in regna vocavi.
 I, quocumque pedes, & te mala deferet ales.
 Mens equidem fuerat hinc te dimittere largis
 Ornatum donis (nec enim mihi talia desunt)
 Sunt & oves, sunt & pingues, Dis gratia, tauri;
 Insecti sunt argenti, factique talenta,
 Illa Palæstinus sibi pridem exoptat aruspex.
 Et referet: mea quandoquidem tibi munera sordent.

Balaam.

Non ego nescieram te munera plurima, fando
 Quæ numerare vales, pretium dare posse Balamo
 Carminis: at non si montes promiseris auri,
 Vertere, Sephorida, decreta æterna valebo.
 Mene putas hæc sponte loqui? mihi maximus auctor
 Est Deus. hic vati numeros, & carmina dictat.
 Quæ jubet illa cano. Si quid tamen hæc mea si quid
 Consilio poterit prodesse industria vobis;
 Experiar: teque hinc discedens pauca monebo.

*tissimi, & visiones Omnipotentis videt, qui
cadens apertos habet oculos.*

*Videbo eum, sed non modò, intuebor il-
lum, sed non propè.*

*ORIETVR stella ex Jacob, & con-
surgat virga de Israël.*

*Et percutiet duces Moab, & vastabit o-
mnes filios Seth. Et erit Idumæa possessio
ejus, hereditas Seir cedet inimicis suis:
Israël verò fortiter aget.*

*De Jacob erit qui dominetur, & perdat
reliquias civitatis.*

*Cumq; vidisset Amalec, assumens para-
bolam ait:*

*Principium gentium Amalec, cujus ex-
trema perdentur.*

*Vidit quoq; Cineum, & assumptâ pa-
rabolâ ait. Robustum quidem est taberna-
culum tuum, sed si in petra posueris ni-
dum tuum, & fueris electus de stirpe Cin,
quamdiu poteris permanere? Assur enim
capiet te*

*Assumptâq; parabolâ iterum locutus
est. Heu! quis victurus est quando ista fa-
ciet Deus? venient in triremibus de Italia,
superabunt Assyrios, vastabuntq; Hebræos,
& ad extremum ipsi peribunt.*

Abripit intereà quò Numinis aura, sequamur.
 Pax igitur linguis. ego filius ille Bioris
 Os, animumque Deo plenus, mihi visa profabor.
 Eminus ecce novum video procedere sydus:
 Ecce domo nascens orietur stella Jacobi.
 Stella (Jacobe) tibi; tibi se demittet ab æthra
 Ipse Deus, præsens qui sceptrâ Hebræa capeffet.
 Hujus in adventum jam nunc Moabitica regna
 Responis horrent cælestibus; horret Idume,
 Et juga nimbofi trepidant turbata Sciri.
 Hic Israëlî trans ultima Bactra, Scythasque
 Proferet imperium, quod nec mare terminet ingens.
 Si qua sub axe jacet Mundi plaga, quò neque nautæ
 Cornua Sydonij torserunt hastenus; extra
 Astrorum, Solisque vias; huic serviet uni.
 Unus enim terris hic omnibus aurea condet
 Sæcula, purgato monstris immanibus Orbe.
 Quò festum rapis infœlix Amalecia vatem
 Terra, antiqua, potens olim: fata aspera, fata
 Nunc te dira manent. nunc alto à culmine præcepit
 Acta rues. Neque vos melior fortuna Cinæi
 Excipiet; quamvis firmissima saxa tenetis.
 Hinc (velut è nido quò congessere columbæ)
 Vos celer Assyrij depellet militis arcus.
 Assyrio sed & impendent sua fata vicissim:
 Namque senescentis sub sæcla novissima Mundi,
 Ille tuas supplex agnoscet Roma secures.
 (Hoc tibi nomen erit, nunc es sine nomine tellus)
 Ipse quoque Hebræus longa obsidione premetur;
 Invitæque jugum Latij cervice subibit.
 Nec minus instabiles rerum tu Maxima Roma
 Experire vices. Quoniam fors omnia versat.
 Angur ab his tacuit. cælique è parte serena
 Intonuit lævum, quod tot præfagia firmet.



I S A I Æ.

Cap. 12.

Confitebor tibi Domine, quoniam iratus es mihi: conversus est furor tuus, & consolatus es me.

Ecce Deus Salvator meus: fiducialiter
agam, & non timebo.

Quia fortitudo mea, & laus mea Do-
minus, & factus est mihi in salutem.

S O T E R I D Y L L I O N.

A R G V M E N T V M.

*EXPRIMIT HOC POEMATE ISAI
as Propheta sub fontis allegoria, quanta in Eccle-
siam futura sit donorum Dei Servatoris profusio.*

F Ortè sub umbroso captabat frigora luco
Amosides, spatioque viæ defessus, & æstu;
Cùm subito afflatus meliori Numinis aurâ,
Ad circumstantes dedit hæc oracula sylvas.
Jam tempestivum fas est mihi pangere carmen:
Antè (fatebor enim) mæror me tantus habebat,
Dum tua detonuit magno, Deus, ira fragore;
Vix ut vita foret, nedum mihi carmina cordi.
At simul ut positus furor est tibi, se simul ægro
Interdicta diu retulerunt gaudia vati:
Inque tuas arsit mihi Mens erumpere laudes.
Sic ubi Ver Hyemi tepidum successit aquosâ,
Nubila solvuntur zephyris, nitet æthere sudo
Sol melius, totique redit sua gratia Mundo:
O anime! antiquos hinc jam obliviscere luctus,
Diluât & vanum fiducia certa timorem:
Ecce venit; tibi quem promitti sæpius audis
Servator tuus ille, Dei genus. Aurea terris
Sæcula qui condet: studij qui largus in omnes
Afferet invalidis vires, ægrisque salutem.
Huc ades ô divine puer! te noxia viso
Gramina, te colubri ponent mulcente venenum:
Quæque siti fuerant damnatæ nuper arenæ,

*Haurietis aquas in gaudio de fontibus
Salvatoris :*

(a) Iudæi
hos omnes
Barbaros
esse cenfe-
bant, qui
non uteren-
tur lingua
Hebraica.

(b) Familia
re est Poëfi
Hebrææ hu-
jusmodi Epi-
sodia Canti-
cis intexere

(c) Passim
in sacris
litteris No-
men Domi-
ni, idem est
quod filius
Dei.

Et dicetis in illa die,

(b) *Confitemini Domino,*

Et invocate (c) Nomen ejus.

*Notas facite in populis adinventiones e-
jus, mementote quoniam excelsum est No-
men ejus,*

Ecce tuo adventu salientibus undique manant
 Fontibus, & rorat scatebris prius arida gleba :
 Lætius ut Siloë Davidis non irriget hortos,
 Quamvis ille sacra lapsus de rupe Sionis
 Mille per arcolas tortis anfractibus erret.
 O! Servatoris dulces è fontibus undæ,
 Quas super-aspirans alit indulgentia cæli,
 Didit & in terræ cunctas habitabilis oras.
 Huc alacres ergo spretis properate lacunis :
 Hos, pueri, latices haurite : hoc pellite longam
 Fonte sitim, vos his certatim tingite lymphis.
 Fœlix qui largo totum se proluet haustu!
 Sive Hebræus erit, sive Advena, nullus ab istis
 Submoveatur aquis. Nullo discrimine mixtus
 (a) Barbarus indigenis communia pocula ducat.
 Cum madidi fuerint, vox hæc erit omnibus una :
 O Pater! ô magno proles æquæva Parenti,
 Aspirate novo vobis quem dicimus, hymno!
 A Patre principium sit carminis. Omnia munus
 Sunt Patris. Hic rerum caput est, & terminus idem;
 Ille favet nobis : illi sua semper apud nos
 Laus erit, & nullis veterascet gratia sæclis.
 Teque aded æterni magnum Patris incrementum
 Humani generis Servator, ad astra feremus :
 Semper ad astra feremus amabile nomen JESU.
 Si tamen hoc impar non aspernabere carmen.
 Namque tuum quis consilium, sensusque profundos
 Efferat ore pari? quis suspicienda reperta,
 Ingeniosus Amor tibi quæ dictavit, adumbret?
 Ingeniosus Amor modicos te cogit in artus,
 Matris eburneolis te cingere colla lacertis
 Ille docet, niveoque rigare labellula lacte :
 Unde tibi tacitis placidissimus ingerit alis
 Se sopor. Ah illum ne garrula rumpat hirundo!
 Ah tibi lacrymulis ne semireclusa rubescant
 Lumina, dum reliquum deterges pollice somnum!

Cantate Domino quoniam magnificè fecit, annuntiate hoc in universa terra.

Exulta & lauda habitatio Sion, quia magnus in medio tui sanctus Israël.



Non erat humanum tanti genus : ejus amore
 Unus ut è nobis fieres , ut parvus , ut infans ,
 Clara Dei soboles ! ô munificentia , nullum
 Aut servare modum , aut finem contentâ merendi !
 Audiat hæc omnis divina Genethlia tellus :
 Audiat , exultetque Sion . Quia monte Sionis
 Alme puer (sanctum jubar Israël) ab alto
 Exoriere , tuæ mediisque videbere plebi .

Præscius hæc vates super Emmanuele canebat ,
 Quæ si me Latia resonare sinetis avena
 Musæ , noster amor , Solymitides : hæc rea voti
 Coniferâ vobis pendeat fistula cedro .



GRA-



EX LIB. 2. REG.

Cap. 23.

HÆc autem sunt verba David novissima,



Dixit David filius Isai: dixit vir, cui constitutum est de Christo Dei Jacob, egregius psalter Israël.



GEORGIO STENGELIO
SOCIETATIS JESU THEOLOGO.

GRATIAE IDYLLION.

A R G V M E N T V M.

*HOC IDYLLIO TOTVM SE IN GRATIA-
rum actionem effundit David, à Deo assumptus
ex humili Pastore, ad regnum Israël.*

SIve jugo sacri refides formosa Sionis
Gratia; sive choros manibus per mutua nexis
Cum gemina ducis per florea prata sorore
Ad Jordanis aquas; paullum Solymæa relinque
Pascua, Vindelicum pro me visura Lyceum,
Vindeliciq̄ue decus compellatura Lycæi
STENGELIVM: cujus pridem sum totus in ære.
Nec fas tanta meis dissolvere nomina verbis
Tu nisi præ s fias, nisi tecum spondeat unâ
Jessiades, tibi præ cunctis dilectus alumnus.
O illi quoties & quàm divina locuta es!
Partem aliquam numeris mihi da vulgare Latinis;
Ut sua STENGELIO sint à me dona vicissim,
Ut memor officijs certem, vinciq̄ue recusẽm.
Incipe. pauca meo dic nomine carmina, quondam
Quæ David à caulis ad Judæ scepra vocatus
Panxit; agens tali meritas pro munere grates.

O mihi præteritis modulata frequentius annis
Cum patrias agerem per Ephratea rura bidentes

*Spiritus Domini locutus est per me, &
sermo ejus per linguam meam.*

GRATIAE IDYLLION.

ARGUMENTVM.

HOC IDYLLIO TOTVM SE IN GRA.

namque abhinc effundit David, a Deo assumptus
ex patris favore, ad regnum Israel.

Le iugo facit, & dicitur sicut
Gratia, hoc choros manibus per manus regis
Cum cepit dicit per hanc parte tonore
ad Jordanis, & dicitur, paulum solvitur, & dicitur
Vindictam pro me vultu Lycum.

*Dixit Deus Israël mihi, locutus est for-
tis Israel, Dominator hominum, justus Do-
minator in timore Dei,*

illi quos & dicitur dicitur locutus es!
namque dicitur imperis, & dicitur dicitur
in dicitur, & dicitur, & dicitur, & dicitur
in memor officii, & dicitur, & dicitur, & dicitur
dicitur, & dicitur, & dicitur, & dicitur, & dicitur

*Sicut lux Aurora, oriente Sole, mane
absq; nubibus rutilat, & sicut pluvius ger-
minat herba de terra.*

En
Fist
Nec
Cu
Hoc
Et t
Uni
Eth
Fata
Qui
Sic
Lud
Sen
Qu
Qu
Can
Erg
Imm
Ant
(Se
Ille
In
Thu
O
Ut
Fle
Sic
Nor
Qu
Ant
Orf
Ac
Pri
Mos
Cre
Hau

En age nunc etiam me cantibus affice blandis
 Fistula, regales postquam sum nactus honores.
 Nec Regem me pœniteat tibi jungere labrum
 Cui facer aspirat divina Spiritus aura?
 Hoc afflante sonas celsum (mea tibia) carmen,
 Et te stelliferis attollens axibus infers;
 Unigenamque Dei natum, de vertice summo
 Ætheris, humanæ trahis ad commercia vitæ;
 Fataque venturis miranda nepotibus edis.
 Qui fit ut exili sic delectetur avena
 Sic tenui stipula magnus Deus? An juvat illum
 Ludus hic, ima solet qui conciliare supremis?
 Semper id acceptum refer illius omne favori,
 Quod fit ubique tibi magnum (mea tibia) nomen:
 Quod tua per Solymos lignator carmina saltus
 Cantet, & hæc Libani doceat resonare cupressos.
 Ergo prius fit Apis florum, rorisque cicada
 Immemor, & nidum dediscat amare palumbes;
 Ante Dei quam te capiant oblivia. Semper
 (Seu reteget Sol mane diem, seu Vespere condet)
 Ille tibi fit præcipuo celebrandus honore;
 In Solymos cui multa focos cadit hostia, multo
 Thure Sionæis cui fumat in arcibus Ara.
 O columen gentisque meæ, Pater alme, meumque!
 Ut regis humanum placidè genus? omnia blando
 Electis ut imperio? justè quam cuncta gubernas?
 Sicque faves primis, ut non tamen ultima spernas?
 Non fuit idcirco Davidis tibi gratia vilis,
 Quod fratrum minimus, pastor quod parvulus esset
 Ante Palestinæ quam regna capefferet oræ,
 Orsus ab obscura quæ te fuit auspice sorte.
 Ac velut erumpit (sed quæ vix discrepet umbris)
 Prima dies; sensimque rosis ferit atria cæli;
 Mox auri fulgore micans circum undique lumen
 Crescit in immensum, radiosque exporrigit omnes.
 Haud secus à modico paulatim sustulit ortu

*Nec tanta domus mea apud Deum, ut
 pactum aeternum iniret mecum firmum in-
 omnibus atq; munitum. Cuncta enim Sa-
 lus mea, & omnis voluntas: nec est quic-
 quam ex ea quod non germinet.*

*Prævaricatores autem quasi spine evel-
 lentur universi: quæ non tolluntur maribus:*

*Et si quis tangere voluerit eas armabi-
 tur ferro, & ligno lanceato, igneq; succen-
 se comburentur usq; ad nihilum.*

Se Jessæa domus. Quid enim domus esset Jessæ
 Nî Pater indulgens huic incrementa dedisses?
 Tu media lectum Davidem de plebe, Saülis
 Substituis folio, sacroque perungis olivo;
 Jura det ut terris quas hinc mare terminat, illius
 Palmifer Euphrates. Et quò tua dona manerent
 Perpetua; Hæc mecum conceptis edita verbis
 Fœdera sanxisti. Tellus dum stabit & æther
 Mansuros Davidis per sæcula cuncta nepotes,
 Qui Solymi teneant sceptrum immutabile regni.
 Neu quid Opum cumulo, vel Honorum desit; in horas
 Splendidiora mihi benefacta prioribus addis.
 Et quis erit modus? Uberius non vere tepenti
 Roscidus in terras cælo demittitur humor,
 Qui sola sæcundet largis proventibus; unde
 Luxurians læto progerminet herba virore.
 A te principium (jugi ceu fonte) salutis
 Omne meæ fluit. Hic à te mihi nascitur uao
 Impetus, hæc ardens & inexsaturata voluntas
 Teque tuasque Pater laudes super astra ferendi;
 Si quantum cuperem, possem quoque. Dulcius ullum
 Non mihi sit studium, potior non ulla voluptas,
 Quam meminisse tui. Si quis tua nosse prophanus
 Numina dissimulet, si te quis amare recusæt,
 E vivis illum precor à radice revellas.
 Iratus velut excindit vepreta colonus
 Elusum ulciscens immixtis falcibus annum;
 Urere nec dubitat crepitante novalia flamma
 Quando aliter nequit invisos evincere sentes,
 Consurgunt nigri sinuosa volumina fumi
 Vicinasque tegunt densa caligine sylvas.

Epilogus.

Omnia quæ Davidi crebrò meditata, beatus
 Audijt Hermonis vertex; nunc & juga discent
 Norica, si facili meus hæc admiserit aure
 STENGELIVS, nostram nuper dignatus amico
 Accipere hospitio (quamvis sit rustica) Musam.





P A X I D Y L L I O N.

A R G V M E N T V M.

*APVD BYBLVM PERACTA VINDE-
mia Virgines Hebrae ducunt choros de more, &
cantu celebrant Pacem qua fruebantur temporibus
Josia Regis, in cujus etiam laudes excurrunt.*

Quâ Bybli vineta jugis lætissima surgunt,
Hebraides olim choream duxere puellæ,
Punicis omnes evinctæ crura cothurnis:
E quibus agrestes inflare perita cicutas
Debbora grandævi neptis sic cepit, Oniæ.
Liquite tantisper calathos, quibus ante tulistis
Calcandam (sociæ) prælis spumantibus uvam.
Otia jam subeant, acta est vindemia vobis.
Sumite palmitibus redimitos sumite thyrsos.
Sic pater Jäpeti jucundæ confitor uvæ
Instituit festis thyaſos veſtire corymbis,
Pampineisq̄ue leves inducere frondibus haſtas.
Sumite palmitibus redimitos sumite thyrsos.
Ipſe ſenex agili docuit ſola tundere planta;
Repperit ipſe choros, ſaliſt quoq̄ue primus in illis,
Numine placato donis & pace redempta.
Sumite palmitibus redimitos sumite thyrsos.
Nempe chori ſunt Pacis opus. celebremus honores
Pacis: ego Paci præcentrix ordiar hymnum:
Nec, reor, alternis vos reſpondere pigebit.
Sumite palmitibus redimitos sumite thyrsos.
O Bona Pax! opifex roſeæ formoſa coronæ,

Palmitis inventrix, oleæ mitissima custos;
 Nomine sive voles alio quocumque vocari.

Sumite palmitibus redimitos sumite thyrsos.

Ad Nomadas Bellum procul hinc eat. aurea nobis
 Pax ades. armorum non sit laus ulla, nec usus,
 Aut si quis fuerit, solos servetur in apros.

Sumite palmitibus redimitos sumite thyrsos.

In galeis posthac suspendat aranea telam,
 Et cava scuta virum pueris cunabula fiant,
 Inque laboriferos abeat lorica ligones.

Sumite palmitibus redimitos sumite thyrsos.

Rus colito (Nabothæ) tuum. Pone ordine vites;
 Inde suo carpes maturos tempore fructus:
 Nec tua vastabit peregrinus prædia miles.

Sumite palmitibus redimitos sumite thyrsos.

Agricolis pleno redijt jam copia cornu;
 Ampla nec immensas capiunt satis horrea messes;
 Uberibusque boves gravidis mulctralia vincunt.

Sumite palmitibus redimitos sumite thyrsos.

Scilicet hæc nobis Josias otia fecit
 Purpureas prima signans lanugine malas,
 A tenero superis puer acceptissimus ungui.

Sumite palmitibus redimitos sumite thyrsos.

Sextus ab undecimo vix illum ceperat annus,
 Cum Solyma ritus exegit ab urbe prophanos,
 Et patrijs veteres aris revocavit honores.

Sumite palmitibus redimitos sumite thyrsos.

Ergo prius falsæ mitescent æquoris undæ,
 Byblina vel dulcem mutabunt vina saporem,
 Quam nostro illius labatur pectore nomen.

Ponite (nox cælo venit humida) ponite thyrsos.



TOBIAS IDYLLION.

A R G V M E N T V M.

*ANGELVS RAPHAEL TOBIAM
puerum timore consternatum, & sibi à carnivoro
piscè male metuentem, hortatur ut piscem exente-
ret; fel & jecur ad medicamenta seponat.*

Culter ubi? cultro piscem fode. cætera mergis
Exta dato; tantum fel & jecur abde canistro,
Namq; valent medicos ea (plus quam credis) ad usus.

Fortunate nimis quot te puer inde manebunt
Commoda? sed quâ sint ratione paranda docebo.

I Tobia medicas i (me ductore) per artes.
Sara tibi dabitur. Debent hæc pharmaca Saram.
Hanc pridem petiere proci sibi jungere septem,
At septem periere proci; quos improbus omnes
Sustulit Asnodes, fatoque extinxit acerbo.

I Tobia medicas i (me ductore) per artes.
Juris in hos aliquid Dæmon sibi sumpserat hircos
Ambierant turpi castam qui mente puellam:
Tu patribus puer orte bonis, tu sanguis Abrami
Consilijs Saræ thalamos melioribus opta.

I Tobia medicas i (me ductore) per artes.
Dum tibi legitimo tradetur fædere conjux,
Nocte Deum primâ supplex in vota vocato:
Carbonesque adole vivos, & sulphura pura.

I Tobia medicas i (me ductore) per artes.
Mox prunis superimpones à pisce revulsam
Donec eat jecur in cineres. Hjs Dæmona sacris

Aggre-

Aggredere: ille licet Superos & carmina temnat,
Terga tamen solo vertet nidore fugatus.

I Tobia medicas i (me ductore) per artes.

Collige sopito si quid superabit ab igne;
Elatosque foras cineres da pelleré ventis,
Pellere da ventis & dic, Asmodea pello.

I Tobia medicas i (me ductore) per artes.

Neve parum possint hæc pharmaca; tunc ego carmen
Auxiliare canam, quod Dæmona, compedis instar,
Alliget: & vinctum sitienti damnet arenâ

Quâ vetus est altis Thebe tumulata ruinis.

I Tobia medicas i (me ductore) per artes.

Quanta vides ex hoc miracula pisce sequantur
Unde tibi, puer, exitium mortemque timebas:
His potiora dabo, quando Deus annuit auspex.

I Tobia medicas i (me ductore) per artes.

Hoc si felle litos oculorum terferis orbis,
Restitues pulsâ cæcis albugine lucem.
Inde tuo facies collyria certa parenti.

I Tobia medicas i (me ductore) per artes.

Ex oculis si sponte fluet membrana: Bonum sit;
Hanc lege continuo digitis, hanc porrige matri.
Tunc pater aspiciet rursus spirabile cæli
Lumen, & acceptâ faciet pro luce juvenco.

I Tobia medicas i (me ductore) per artes.

Gratum veniet senior Nabathæus utrique;
Præque rei novitate stupens, Puer optime, dicet
Quis medicâ tam solertem te fecit in arte?



I N D E X

CANTICORVM SACRO-
RVM.

1. **C** *Ant: Mosis & Maria.* Pag. 2.
2. *Cant: Novissimum Mosis.* pag. 8.
3. *Cant: Debora Prophetidis.* pag. 22.
4. *Cant: Judith.* pag. 32.
5. *Cant: Trium puerorum Hebraorum.* pag. 40.
6. *Cant: Jonæ Prophetæ.* pag. 46.
7. *Cant: Anne Matris Samuëlis.* pag. 50.
8. *Cant: Ezechie Regis Juda.* pag. 56.
9. *Cant: Habacuc Prophetæ.* pag. 62.
10. *Cant: Triumphantis Ecclesie.* pag. 70.
11. *Cant: Zacharia patris Joannis Baptista.* pag. 82.
12. *Cant: Simeonis.* pag. 86.
13. *Cant: Beatissime Maria Virginis.* pag. 88.

Finis Canticorum Sacrorum.

en

X



I N D E X

IDYLLIORVM SACRO-
RVM.

1.	I dyll: <i>Apes.</i>	Pag. 97.
2.	I dyll: <i>Pastor-bonus.</i>	pag. 101.
3.	<i>Idyll: Bethle.</i>	pag. 104.
4.	<i>Idyll: Galaditides.</i>	pag. 106.
5.	<i>Idyll: Salomo.</i>	pag. 110.
6.	<i>Idyll: Nuptia & Ruth.</i>	pag. 114.
7.	<i>Idyll: Somnium.</i>	pag. 116.
8.	<i>Idyll: Thiranthropia.</i>	pag. 119.
9.	<i>Idyll: Vulpes.</i>	pag. 122.
10.	<i>Idyll: Nilus.</i>	pag. 126.
11.	<i>Idyll: Job.</i>	pag. 129.
12.	<i>Idyll: David Giganticida.</i>	pag. 131.
13.	<i>Idyll: Sulamithis.</i>	pag. 134.
14.	<i>Idyll: Cedar.</i>	pag. 137.
15.	<i>Idyll: Arcus.</i>	pag. 143.
16.	<i>Idyll: Zelotes.</i>	pag. 151.
17.	<i>Idyll: Carmina.</i>	pag. 157.
18.	<i>Idyll: Soter.</i>	pag. 165.
19.	<i>Idyll: Gratia.</i>	pag. 171.
20.	<i>Idyll: Pax.</i>	pag. 177.
21.	<i>Idyll: Tobias.</i>	pag. 179.

Finis Idylliorum Sacrorum.



02

- eg. 97.
- . 101.
- . 104.
- . 106.
- . 110.
- . 114.
- . 116.
- . 119.
- . 122.
- . 126.
- . 129.
- . 131.
- . 134.
- . 137.
- . 143.
- . 151.
- . 157.
- . 165.
- . 171.
- . 177.
- . 179.

~~INDEX~~

~~101~~

Doornes Mensaten

1

Der me Schriftfarnicht Simm gedlonck

1799

